







Digitized by the Internet Archive
in 2018 with funding from
Wellcome Library

<https://archive.org/details/b30548858>

DISSERTATIO

DE VARIIS

HERPETUM SPECIEBUS;

*Causis, symptomatibus, morbis ab herpeticâ lue
oriundis; & remediis expugnandæ cuilibet
affectioni herpeticæ idoneis,*

Duplici præmio donata ab Ill. Med. Lugdun.
Collegio subsequentes quæstiones annis 1773 &
1775 tractandas moventi his verbis:

» Quelles sont les différentes espèces de Dartres ?
» Quels en sont les différens principes ? A quels sym-
» ptômes peut-on reconnoître le vice dartreux ? Quelles
» sont les maladies qui en dépendent ? Comment com-
» battre ces différens principes dans leurs différens états ? »

Auctore H. F. A. DE ROUSSEL, Medicinæ
Professore in Academiâ Cadomensi.



CADOMI,

Apud JOANNEM-CLAUDIUM PYRON, solum
Universitatis Typographum.

M. DCC. LXXIX.



DE HERPETE.

EX innumeris ægrotudinibus, quibus est obnoxia gens humana; herpete nulla frequentior, molestior nulla, nulla vitæ magis insidiosa. Vasta quidem auxiliorum herpetibus expugnandis idoneorum seges in ærariis Medicantium reponitur. Verùm historia morbi vocibus incertis modò contexta, modò manca; observationum, quibus in eradicandis vel refringendis herpetibus, artis aut naturæ conatus elucescunt, indigesta divisaquæ moles; varia Medicorum de variis herpetum speciebus, causis & curatione systemata non leves arti remoras intulerunt. Sensit Ill. Medicorum Lugdunensium Collegium quantum studiosis & vasta Medicinæ castra nondum emensis inserviret opusculum, in quo macularum herpeticarum ortus, phases & exitus ordinarentur. Operis dignitate motus, laborum primitias huic adimplendo lætus consecravi: proprias observationes mente sincerâ proposui: ab aliis visa & utiliora, quantum æstimare & colligere potui, diligenter selegi: cutis, excretionum cutanearum historiam; cum corporis humani penetralium defecatione sympathiam breviter tradidi: varias herpetum imagines cum nominibus adumbravi; & Medicis quorum observationes vel consilia mutuatus sum, debitum honorem per-

solvi : eorum observationibus adstructas herpetum causas , diagnosim , & prognosim delineavi ; ordinemquè medicaminum huic vel illi herpeti debellando magis idoneorum assignavi : præcipuas in curatione variarum herpetis specierum cautelas proposui : vana ratiocinia , systemata , leves errores reticui. . . . negotiis implicitus , temporis angustia coercitus , librorum operi perficiendo opportunorum penuriâ impeditus , at Ill. Academia incitamentis percitus : dissertationem , quam vovet utilitati publicæ juvenilis, necdum firma manus, lubens exhibeo. Benignè excipiat & in Reipublicæ commodum vertat , quid votis nostris addendum supererit ?



CAPUT I.

De Cute & vario Cutis usu.

SECTIO I.

De Cute & ejus functionibus.

SECTIO II.

De Sympathiâ excretionum.

CAPUT II.

De Herpete.

SECTIO I.

De Herpetis nomine.

SECTIO II.

De Herpetis speciebus.

CAPUT III.

De sede, causis, diagnosi & prognosi variarum herpetis specierum.

SECTIO I.

De Herpetum sede.

SECTIO II.

De Herpetum causis.

SECTIO III.

De Herpetum diagnosi.

SECTIO IV.

De Herpetum prognosi.

CAPUT IV.

De variarum Herpetis specierum curatione generali.

SECTIO I.

De Remediis internis.

SECTIO II.

De Remediis externis.

CAPUT V.

De speciali Herpetum curatione.

SECTIO I.

De Herpetum Prophylaxi.

SECTIO II.

De curatione Herpetum particulari.

SECTIO III.

De Methodo sibi relictos Herpetes reprimendi.

» In unaquâque humoris motione consideranda ve-
» niunt partis præstantia, robur naturæ, integra depo-
» sitio aut transmissio; termini à quo, ad quem; spa-
» tium, seu medium, per quod transpositio illa fit;
» conferentia, tolerantia & humoris commoti quantitas,
» qualitas & permanentia in parte ad quam transmissio
» facta est. » Luc. Tozzi in Aphorismor. Hypocratis,
Sect. VI. Aph. XXV. p. 199.



C A P U T P R I M U M.

De Cute & vario ejus usu.

S E C T I O P R I M A.

De Cute & ejus functionibus.

I. **O**MNIBUS & singulis humani corporis organis suus est partium ordo & nexus, sua vis, suum officium, suaquè & mutua omnium consensio.

II. Omnibus & singulis humoribus sua datur indoles, suus organa decurrendi modus, suum ad perennitatem animalis œconomix ministerium.

III. Ut evolvatur, crescat, stet corpus; rore nutritio sustentari solida necessum est. Hujus elaborationi navant operam sita variis in corporis partibus viscera. Os alimenta parat. Horum succos & feces extricat alimentaria fistula. Manans exinde nutritia materies, liquorum heterogeneorum undis conspurcata stillat in sanguinis oceanum. Repetitis incuneanda vasorum ictibus, in exilissimos canalium mæandros labitur. Cum ultimos tangit elaborationis gradus, ad omnes & singulas corporis partes æquè distribuitur, alienis hùc & illùc expurganda particulis. Recrementorum pars major per insita vasorum parietibus emunctoria & porulos è vasis rubris ablegata, aut cutaneis exsudatur ductibus, aut per urinæ vias, intestinalem-vè fistulam eliminatur.

IV. Cutis est corporis involucrum filis vasculosis & brevibus laminis intricatis, arctè cohærentibus stipatum. Densior est exterior illius facies. Interior verò sensim ità laxatur, ut deniquè continuâ degeneratione, cutis in cellulosum textum resolvatur; nec usquàm certi sint utriusque limites (a).

V. Etsi vis irritabilis cuti non sit eadem, quæ musculis; nec stimulis obediat; nihilominus aliquâ vi donatur, sic ut extensa se retrahat, frigore stringatur, rigeat in affectibus animi, &c. (b)

VI. Cuticula est involucrum cutis universum; ab aëris injuriis liber; agrè colliquescens in aquâ; insensibile prorsus; à telâ cellulosâ quadantenus alienum; sulcis & rugis distinctum; foveolis excavatum; canaliculis & foraminibus instructum; pilis, non in omni tamen regione cutis apparentibus, hirsutum; horum, tubulorumquè exhalantium & inhalantium operâ cum cute revinctum; simplex; planum; in volâ manuum, plantâ pedum, &c. crassius; in mammis, cute capillatâ tenerrimum; in ipsâ facie tenuissimum.

VII. Cuticula medicamentis erodentibus, igne vel aquâ fervente tacta duas in laminas resolvitur. Harum exterior, epidermis propriè dicta, separabilis est in furfures majores minores-vè, aut squamas triplici nonnunquàm ordine sibi impositas.

VIII. Epidermidem Europæorum, anteriorem *reticuli* laminam hæud immeritò diceres; cum *reticulose corpus* sit coactus mucus in aquâ solubilis; cum *reticulum* in membranam igne, vini spiritu cogi valeat; cum epidermis in *corpus mucosum* arte mu-

(a) De Haller, Element. Physiolog. Tom. V. Lib. XII. Sect. I. §. 4. II. pag. 3.

(b) Idem, ibid. §. 5. pag. 7.

tari possit ; cum *reticulum* unà regeneretur , quando cuticula renascitur (a).

IX. Ægrè , potissimùm in Europæis , ab epidermide separatur *corpus mucosum* ; sic ut plures unam esse utramque substantiam affirmaverint.

X. Ut ut sit , *reticulum* constare videtur infinitâ propemodùm cellularum retis ad instar secum invicem cohærentium serie (b). His detinetur liquor mucosus , coactus , qui in Europæis epidermidi , quàm cuti firmiùs adhæret ; in Nigritis membranam æmulatur ; cutem ab externis corporum injuriis vindicat , atque tactûs violentiam unà cum epidermide moderatur. (*)

XI. Venæ per cellulosa telam subcutaneam plurimæ & notabiles aliquantisper incedunt ; eò , quò superficiem illius propiùs attingunt , exiliores.

XII. Arteriarum verò cutanearum trunci breves è musculis emergunt ; vadunt in telam cellulosa ; inibi furculos dant minimos , numerosos ; atque suâ expansione rete constituunt , quod implebat Ruifchius , ut cutis rûberet velut inflammata.

XIII. Cum abraditur epidermis , cutis apparet majori ex parte quadantenùs inæqualis , innumeris velut hirsuta granulis vel colliculorum acervis arenulâ minoribus , nunc in ipsâ cutis superficie conspicuis , aliàs altiùs in ipsâ cute reconditis. Hi monticuli succrescunt ex nervosarum fibrillarum (quarum rami majores musculosis è fasciculis egrediuntur) in unam papillam venientium congerie rubris instructâ vasculis ad papillæ basim præcipuè conspicuis. Hæc telâ cellulosâ revincta sic ad apicem papillæ cum nervosis filamentis perveniunt , ut epider-

(a) De Haller , ibid. §. XII. pag. 19.

(b) Astruc , *Traité des tumeurs* , Tom. 1^{er}. Livre II. page 234 & 235.

(*) Sublatâ cuticulâ , cutis nec vestes patitur , nec aëris adtactum.

midis foramini respondeant, & per hanc viam roscido liquore possit expurgari papilla.

XIV. Eò autem exquisitior est sensus, quò nuda magis est cutis; quò major apparet & numerosior occurrit in cute papilla, & vice versâ; intereà vividior in superficie cutis; eò & obtusior, quò magis ab hâc illi recedunt.

XV. Tela cellulosa filis & laminis constat vario modo secum invicem ordinatis, quarum *juxta-positione* & cohærentiis efformantur loculamenta seu poruli tùm exhalantes, tùm bibuli (§. 6.). His imbres lymphatici haud secùs ac in spongiâ contineri, fluere, circumire, retroagi, hùc & illùc agitari possunt... in plerisque cutaneis regionibus adipe plena; in aliis, & quidem raris macilenta; ubique fermè instructa pilorum radicibus, ubique continua, ubique aspera deprehenditur in toto corporis ambitu.

XVI. Ejusdem propagines musculos subeunt; musculorum fasciculis vaginas suppeditant; nervos excipiunt; mittunt ductus lymphaticos; vasa circumdant & pervadunt; viscera vestiunt; aliàs eadem altiùs mille rectis tortuosivè permeant tramitibus.

XVII. Sic autem expanditur tela cellulosa, ut quæ versùs abdominis ambitum deprehenditur, musculis incumbat abdominalibus; hos penetret; abdominis viscera vestiât, & mittat laminas in jecoris, aliorumvè viscerum penetralia.... tela cellulosa thoracis subcutanea det musculis intercostalibus vaginas; exindè pulmones vestiât; in iisdem inferatur; ad bronchia ipsa & circumiacentia organa expandatur... tela faciei subcutanea membranam pituitariam constituat; cranium subintret; cerebrum ipsum pervadat.

XVIII. Distinctis cameris organa prædicta residere diceres; ità tamen ut corporis à dextris & sinistris

tela cellulosa separati nulla ferme sit pars, quæ cum remotioribus aliquam non habeat consensionem (a).

XIX. Variis in tela cellulosa regionibus hospitantur folliculi membranacei, rotundi; simplices; rubris vasculis instructi; quorum longis ductibus, qui cum epidermidis porulis sunt contigui, liquor eructatur blandus, lentus, oleosus, inflammabilis; qui pressa crypta funditur in cutem, capillos oblinet & in aëre siccatur in squamas.

XX. Aliud unguen ductilius, siccus, album, *pastaceum*, in *vermiculos figurabile* fluit ex glandulis (b) quæ reperiuntur sub oculis, in genis, labiis, naso, naribus, externis auribus, cervice, dorso, areola mammæ, ano, clunibus, perinæo, pudendis, scroto, pube, genibus, scapulis.

XXI. Oleosum utrumque recrementum quod inunctioni cutis non parum inservit, cum insensibili perspiratione sensim de corpore subducitur.

XXII. Ex rubrorum vasorum porulis effluit vapor rosceus, muco nutritio & partibus heterogeneis imprægnatus (§. 3.); ac effunditur in telam cellulosa (§. 15.). Pars illius coalescit cum fibris; altera corporis ambitum appellit, cutem permeat, atque per patulos ejus meatus & epidermidis porulos indefinenter avolat, aquosa magis ubi chylus effunditur in humorum oceanum; minus, salibus nonnihil feta, dum absolvitur *hemathoseos* opus; copiosior, crassior, salibus & fecibus magis conspurcata (licet ipso sudore longè subtilior) ubi coctio chyli semel peracta est.

(a) Legatur Cl. de Bordeu, *Tissu muqueux*. §. XLIV. & seq... Conferatur cum Bagliv. de Fibr. motrice. Cap. V. pag. 272.

(b) De Haller, *ibid.* §. XXI. pag. 39. & seq.

S E C T I O II.

De Sympathiâ excretionum.

XXIII. Quemadmodum uberior in toto corporis ambitu, sic parcior in ipsis visceribus per poros eorum inorganicos absolvitur insensilis perspiratio (a). Utraque secum invicem aliquam habet communionem: aqua enim in abdomen injecta peritonæo sorbetur; aut missa per abdominis arterias, per omnem viscerum abdominalium superficiem eructatur; & vice versâ, ex intestinorum & ventriculi parietibus, liber aquæ datur aditus in abdominis cavum (b). . . . Eadem fermè de cæteris visceribus haud immeritò diceres.

XXIV. Variis observationibus adstrui potest ista lymphaticorum succorum in cutem ac viscera circuitus communio. Quò parcior enim est insensilis perspiratio cutanea; eò, ut stet illibata sanitas, uberius effluere debent urinæ, intestinorumvè liquores; & vice versâ, quò copiosior erit insensibilis perspiratio, eò parciora videbuntur cætera corporis recrementa: sic suppressam cutis perspirationem diarrhæa sequebatur (c): sic imminutâ insensibili perspiratione, urinæ augentur, vel salivatio succedit (d): sic, quæ movent urinâs aut alvum, minuunt insensibilem perspirationem (e): sic salivam ciet hydrargyrosis, aut alvum emovet (f): sic vomitus succedebat hydrargiro cuti imposito (g):

(a) Abr. Kaw. de Perspiratione. N°. 562.

(b) De Haller, Elem. Physiol. Tom. VI. Lib. XIX. pag. 343. & seq.

(c) Rivin. de Morb. Æsophag. pag. 7. Robinson, &c.

(d) Gorther, de Inf. perspir. pag. 145.

(e) Rye, pag. 288.

(f) Zeller, Docim. Vini lythargirizat. pag. 18.

(g) De Haller, Elem. Physiol. Tom. V. pag. 80. & seq.

sic viscera suis sordibus expurgata cutaneis affectibus ausam suppeditant : sic varii viscerum morbi subsequuntur ulcerum cutaneorum retropulsionem : sic humores ab ulcere ad alvum devenerunt ; ab alvo in sudores ; hinc in lacrymas ; inde in salivam ; denuò in alvum , deniquè ad cutem redierunt (a).

XXV. Quò magis expeditus est sanguinis intrà vasa motus ; quò patentiores sunt , qui hiant in vasorum parietibus poruli ; hòc , cæteris paribus , uberiùs exsudatur sanguinis serum ; eò copiosiores lymphatici liquores in telam celluloseam depluunt.

XXVI. Intereà corpus otio segni torpeat ; aurâ frigidior stringatur excalfactum corpus ; affectibus animi nonnullis torqueatur homo ; vel ratione quâlibet obstipentur cutis spiracula ; minuetur insensibilis perspiratio ; cutanei liquores aut aliò corrivabuntur (§. 24.) ; vel in textum cutis celluloseam irruent , leucophlegmatiamquè dabunt aliosvè morbos ; vel intrà cutem & epidermidem effusi , vesicas excitabunt , inibi , donec excernatur aut reforbeatur humor , permanentes.

XXVII. Ex adverso fit mollis & laxa cutis : pateant ejus spiramenta : cutem ambiat aër calidior : potu tepido , leviter stimulante suscitentur cordis vires ; nec inane sit corpus ; tùm ampla feri copia veniet in telam celluloseam usquequaque corporis expansam , uberiùs , potissimùm inter corporis exercitia mittentur ad cutem imbres lymphatici ; validior erit sanguinis motus in cutem ; compriherentur cryptæ cutaneæ ; tincta liquore oleoso perspiratio insensibilis ubertim eliminabitur ; sudore diffluet cutis.

XXVIII. Sudor in homine sano fluidus est , visci-

(a) De Gorter , Edlt. II. pag. 175.

dulus, inodorus, saporis subsalsi; varii tamen odoris pro variis ingestis; pro diversis ætatibus; temperamentis; pro variis cutis regionibus in quibus vel sola, vel sebaceo lentore imprægnata lymphæ excernitur.

XXIX. Licet minorem, quam urina, secum importet acrimoniam sudor; attamen analysi chymicæ subjectus analoga lotio dat elementa (a).

XXX. Si seorsim à sudore, inquit Cl. Lorry (b), fordes omnes impetu circulationis ad cutem delatas eraseris, & in aquâ solveris, turbida quidem illa primum fiet; *mox sedimenti formâ ad fundum, puris instar, miraberis quanta copia partis solidioris detrudatur.*

XXXI. Non solas partes oleosas secum rapit insensilis perspiratio larga, verum & ipsa salia & elementa terrena, quibus hyeme potissimum conspurcata videtur urina; sic ut nonnullis arenulæ cum sudore prodierint (c), aut strigæ salinæ de cute deterse fuerint (d).

XXXII. Nequè solummodò per prædictas vias liquoribus excrementitiis expurgantur sanguis & alibiles succi; sed etiam per ductus hepaticos pars magna recrementorum ablegatur... oleum ex omento & mesocolo in *venam portarum* effundi constat experimentis Malpighianis .. alkalinei vapores abdominalium viscerum fecibus alvinis emolliendis inserviunt; partim corporis peripheriam appellant; imprimis verò utiquè resorbentur & sanguini ad Portas redituro adduntur (e).

XXXIII. Sanguinem *parte suâ colorante*, mole-

(a) De Haller, Elem. Phys. Tom. VI. Lib. XII. Sect. II. §. II. p. 482

(b) Introduct. ad Sanctorii Med. Stat. de ponderat. pag. 23. & 24.

(c) Schurig. Lytholog. pag. 235.

(d) Bohnius, Circul. Anatom. Progymn. XV. de Sudore, pag. 104.

(e) De Haller, Elem. Physiol. Tom. VI. Lib. XXI. pag. 436.

culis salitis, terrenis & aqueis in hepate purgari necessum est. In hoc lento movetur progressu. Portionem ejus defecatam excipit vena cava: partem aliam combibunt jecoris ductus lymphatici; fordes & recrementa ducunt canales bilarii: bilis in duodenum influit: acritate suâ sollicitat alimentariæ fistulæ motum: subactis immixta cibus acidum occurrit chymum (a): hic vires suas in bilem exerit: cogitur bilis: hujus pars glutinosa cum terrenis moleculis ab aquâ bilis alkalineâ separatur: hæc solvit chymum, cujus in mixturâ subacidus evadit sapor: illa fecibus adjungitur & de corpore subducitur.

XXXIV. Maximam habet relationem cum cæterorum recrementorum evacuatione bilis excretio. Quò validior enim est sanguinis impetus; hoc uberiùs dissipantur lymphatici liquores: hoc, cæteris paribus, uberius, acrior, magis adusta bilis excernitur.

XXXV. At quò magis turgent in bile glutinosa, terrena elementa; hoc eadem spissior, lentior, magis iners evadit, & eò faciliùs in jecore moram trahit, quò plures causæ, omnes aut singulæ seorsim ipsi vias in intestinalem fistulam præcludunt.

XXXVI. Cum excrementa biliosa fluctuant in jecore, nec torpet *vis vite*; adsunt *meatum libertas* & *fluidorum mobilitas*, fex biliosa varios subit trames: nunc ex ductibus hepaticis vadit in venam cavam ubi via panditur (b); & exindè sanguinis oceano abrepta mittitur ad omnes & singulas corporis partes: nunc ex ductibus bilariis funditur in telam jecoris cellulolam, & exindè labitur (c) in

(a) De Haller, *ibid.*

(b) Idem, *ibid.*

(c) Swietenius, *Comm. in Aph. Boerrh. Tom. III. pag. 500.*

abdominalia viscera eodem textu celluloso cooperta : nunc in thoracis organa (a) : nunc ex ipso jecore funditur in cutem , in quâ labes inurit graves , levioresvè pro circumstantiis ; *ordinaria est enim , ut Bianchi verbis utar , bilis excretionis cum insensibili perspiratione cutis improportio.*

XXXVII. Quamdiù sua ritè constitutis organis datur libertas , nec elanguescit *vita vis* ; quamdiù suis recrementis ritè purgantur sanguis & alibiles succi ; tamdiù suffulta constanti solida inter & fluida æquilibrio sanitas illibata remanet.

XXXVIII. Verùm obturentur cutis , aliorumvè viscerum emunctoria , nec una excretio gerat (24) vices alterius ; excrementa deteriorem morâ comparabunt indolem ; atquè , nisi viâ quâlibet extrudantur , diversa corporibus infligent vulnera.

XXXIX. Diversus morborum apparatus , phænomenorumquè morbos concomitantium series maximè sequuntur organi læsi conditionem & sunt affectuum causis , *naturaque viribus proportionales...* Hinc est quòd morbi germina modò graves , modò leviores inferant strages ; nunc protinùs evolvantur , nunc diù delitescant in corporibus antequàm suis manifesta signis appareant.

XL. Hujus assertionis exempla suppeditant morbi cutanei , eò quidem frequentiores , quòd natura dum nobiliora tueri videtur organa , sæpè satagat versùs ignobiliora mittere morbi fomitem : quòd cutis textus mollis , meabilis , vasorum multitudine distinctus (b) faveat raptui recrementorum ex corporis penetralibus ad omnem ejus ambitum , &c.

XLI. Idea igitur uniuscujusque cutis affectûs ex

(a) Nonnunquàm flavedo in thoracem penetrat. Morgagnus , Epist. Anat.

(b) Galenus de morb. causis , Cap. VI.

illius conditione, vario causarum confluxu, fluidorum indole, & ex his omnibus sobolescenti phœnomenorum agmine potissimum æstimanda venit. Hæc omnia disquirenda sunt de herpete, cujus characteres antequam evolvamus, pauca de herpeticarum affectionum nomenclaturâ præmittamus.

C A P U T II.

De Herpete.

S E C T I O I.

De Herpetis nomine.

XLII. **D**E cutis ulceribus & affectibus pustulosis adeò confusè differuerunt Barbari, Græci, & Latini; varias adeò voces usurpârunt (a); eorum species constituerunt adeò perturbatas: symptomata nunc aliquot omisère: nunc affectionum exitus reticuerunt: aliàs pares curandi methodos in disparibus ægritudinibus commendârunt (b), ità ut quid sit hic vel ille cutis affectus; quo pacto discernatur ab altero; quinam sit ejusdem exitus, quænam admittenda curatio, ex illorum operibus determinare non parùm sit operosum, nec immeritò Langius exclamaverit (c): „ Utinam ne quis nisi „ propria inventa & à se experta conscribere auderet! Nec enim salutare herbæ cum noxiis

(a) Sam. Haffenrefferus de cut. affect. Lib. 1. Cap. 13. pag. 91. Gabr. Fallopius de ulceribus Cap. 9. fol. 8, & seq. Steph. Blanchard instit. chirurg. Cap. 26. pag. 450.

(b) Nic. Leonicens de morbo gallico Liber, fol. 120.

(c) Epistol. Med. LIV. pag. 254.

„ mixtæ fuissent , nec omnia apostematum genera
 „ & curæ cum nominibus magno mortalium perie-
 „ culo confunderentur... „ Vitium ejusmodi vita-
 bitur traditâ, quàm accuratiùs fieri poterit , herpe-
 ticorum affectuum historiâ

XLIII. Cutis admodùm frequens vitium est pustula,
*cujus appellatione comprehenditur quidquid rotundo
 schemate leviter extuberat in cute (a).*

XLIV. Pustularum duplex est genus : ad prius
 revocantur siccæ quæ nec saniem, nec pus, nec hu-
 morem continent : ad posterius humidæ, quæ variæ
 magnitudinis , varii coloris , variis in cutis regio-
 nibus insident ; quæ nunc leviter extuberantes su-
 perficiem cutis veluti lambunt ; aliàs altius in cute
 reponuntur ; & omnes humorem tenuem aut cras-
 siorem , fatuum vel acrem nunc gerunt , nunc ex-
 ulceratæ profundunt.

XLV. Cum insidet in areâ cutis majore vel mi-
 nore pustula , vel pustularum magis minùsvè pru-
 riginosarum congeries , quarum basis est rubicunda,
 acumina verò squamulis furfuraceis , squamosis ,
 crustaceis operiuntur : vel quæ ichorem saniosum,
 acrem , *vite viribus indomabilem* profundit cum cutis
 asperitate , duritie , pruritu , exulceratione , pro-
 gressu quasi in orbem ; medio , dum (b) extrema
 procedunt , sanescente ; & habet aliquam latitu-
 dinem macula , morbus adest sui generis , *herpes*
latino , *dartre* gallico sermone dictus.

XLVI. Primarios apud Græcos vox herpetis nunc
 latiori , nunc strictiori sensu accipiebatur : echty-
 mata enim (Plinii papulas , seu pistitas eruptiones)
 nuncupabant , seu *magnos herpetas* , omnes tumores

(a) Fernelius de externis corpor. affectib. Lib. 7. Cap. 5. pag. 667.

(b) Jonstonus , de humoribus ex bile ortis Capit. 2. Artic. 2. p. 276.

in cutē sponte florentes, qui magis (a) exulcerationem facerent, quàm tumorem; & herpetas dicebant magnos, vel quia magnum occuparent locum, vel quia cum erosione malignâ contingerent. Hinc morbilli & herpes propriè dicti ad echtymata revocabantur. Aliàs herpetis nomine donabant omne cutaneum ulcus quod serpendo varias impeteret cutis regiones (b).

XLVII. Ast cum herpetis cujuslibet non eadem constanter haberetur causa; non iidem observarentur characteres; non eadem semper viderentur in cute phœnomena (sic ut variarum herpetis specierum longa foret admittenda series): ideò Græci alia invenêre nomina, quorum ope varias herpetum species designarent.

XLVIII. Qui Græcorum opera de cutaneis affectibus postea revolverunt; alii tradita huic vel illi cutis affectioni nomina scrupulosè servârunt; alii abjecta Græcorum vocabula proprium in sermonem verterunt; alii, malè intellectis Græcorum vocibus, species herpetum & nomina perturbârunt, sic ut omnis macularum herpeticarum historia Medica nihil aliud esse videatur præter immensum cahos in quo huc lumina, illuc tenebræ undequaque sparguntur.

XLIX. Hinc prodiit vasta illa herpeticarum affectionum nomenclatura, quam si decurrimus, herpes genericè sumptus videbitur vocatus *dartre* (c), *dertre* (d), herpes (e), erpes (f), erpel (g), bu-

(a) Manardus, Epist. Med. Lib. 7. Epist. 2. pag. 49.

(b) Cardanus de rational. curand. rat. Lib. 2. Part. 2. de nomine morb. & morb. ipso, Cap. 2. pag. 95.

(c) Astruc, *Traité des tumeurs*, Tome 1. Liv. 2. Chap. 2. page 270.

(d) Astruc, ibid.

(e) St. Blanchardus, institut. Chirurg. Cap. XV. oper. Med. Tom. II. pag. 442. J. Münnicks, Chirurg. Lib. I. Cap. XIX. pag. 83. Joël, &c.

(f) Fr. Joël, praxeos Med. Lib. X. Sect. III. pag. 545.

(g) Sam. Hassenrefferus de cutis affect. Lib. X. Cap. XV. pag. 108.

bas (a), fribe (b), aormi (c), formica (d), papula (e), lichen (f), malum serpens, sarpedo, serpigo, serpens (g), *ulcus repens* (h), impetigo (i), scabies impetuosa, impetes, lepra, pfora, &c.

L. Verum omnis herpes non easdem in cute strages infert. Nunc summam tantum cutem exedit; modò cutem & cuticulam; aliàs usque ad carnes & ossa ipsa descendit: nunc furfuribus, squamis, crustis obteguntur ulcera herpetica; nunc acerrimo solummodò, modò nullo madent ichore; modò pustulis fixis aut serpentibus exasperata videtur cutis; modò simplex adest epidermidis ulceratio.

LI. Hinc ex variis herpeticorum affectuum characteribus multæ prodierunt ejusdem morbi species, quarum historiâ traditâ faciliùs elucidatur herpetis genius.

SECTION II.

De Herpetis Speciebus.

LII. Herpes furfuraceus, *dartre farineuse* (k), *male-dartre* (l), papula mitis (m), herpes siccus (n), lichen mitis (o), impetigo sicca, impetigo fur-

(a) Manger, Biblioth. Chirurg. Tom. IV. Lib. XV. Cap. IV.

(b) Bonnet, Hassenrefferus.

(c) Vigier, *Grande Chirurg. des ulcères; Chap. II. de la dartre*, pag. 515.

(d) Avicenna, Fen. 3. Tract. I. Cap. VI. pag. 113. Paracelsus, Tom. II. Cap. 28. pag. 51. Gordonius, de Apostemat. calidis, Part. I. Rubric. VI. pag. 75.

(e) Celsus, Medicinæ Lib. V. Cap. XXVIII. §. 18. Ed. de Haller, pag. 359.

(f) Galenus de Compos. Med. per gner. Cap. II. Mercurialis, &c.

(g) F. Joël, Chirurg. de ulceribus, Vigier, &c.

(h) Barchusen, collecta Med. Pract. general. pag. 349.

(i) Foësius in Hypocrat. Sect. II. Lib. II. pag. 114. Barbette, Chirurg. pag. 191.

(k) Astruc, *Trait. des tumeurs*, ibid.

(l) Vigier, ibid. Chap. XIV. du Mentagra, pag. 367.

(m) Celsus, ibid. Cap. XXVIII. §. 18.

(n) Vigo, Blanchardus, &c.

(o) Hyeron. Rubeus Ravennas Comm. in Cels. Lib. V. Sect. XXVII. Fol. 216. H. Tryver. Brachel. Com. in eundem Celsi locum.

furacea (a), impetigo (b), serpigo (c), furfur; porrigo levis (d), porrigo furfurosa (e), furfuratio Barbarorum (f), ptyriasis quorundam (g), darta (h), terna (i), &c. iis potissimum in cutis regionibus efflorescit, in quibus epidermis est tenerima (§.6.), adeoque in mento & cute capillatâ frequenter occurrit, & multum æmulatur erysipelas ulceratum quod summam cutem impetit, absque vesicis abradit, ac in furcures resolvit (k).

LIII. Maculæ, quæ continua est, modò rotunda, nunc angulosa, centrum videtur minus asperum: margines verò cum asperitate & furfuribus magis prominent: cutis est paulò quàm in statu naturali rubicundior; siccioribus & perexiguïs videtur obfita pustulis aut granulis oculorum aciem fermè fugientibus (l), aliquam pruriginem (m) & ardorem levissimum aliquoties inducentibus (n).

LIV. Herpes furfuraceus modò, quàm primùm obtinuit, sedem servat; modò decidentibus furfuribus evanescit; modò serpit; lento tamen gradu movetur; etsi vitium rotundum incœperit, eadem

(a) Amat. Lusitanus Curat. Medic. Cent. 11. Curat. 39.

(b) R. Morthon de Variol. declinat. Cap. X. pag. 129. impetigo mitis veterum, Amati Lusitani, ibid. pag. 171. Perdulcis, &c.

(c) Hercules Locor. Commun. Lib. V. Cap. IV. pag. 313.

(d) Nic. Piso, de Cognosc. & Cur. morbis Tom. I. Lib. I. Cap. III. pag. 13.

(e) Mercurialis de morb. cutan. Cap. VII. pag. 31.

(f) Idem, ibid.

(g). Vigier, des malad. de la tête, Chapit. IV. pag. 495.

(h) Riolanus, Encheiridion Anatom. Lib. IV. pag. 300 .. *Derbia*, de Vigo pratique de Chirurgie, Liv. IV. Tr. II. Chap. XIV. Fol. 192.

(i) Cassius Felix, &c.

(k) Cardanus in Aphor. Hypocrat. Sect. V. Aph. XXII. pag. 515.

(l) Platerus de superfic. corpor. dolorib. Cap. XVII. pag. 763.

(m) Perdulcis, de contagiosis & cutaneis affectib. Lib. XII. Cap. VI. pag. 581. Vigier, &c.

(n) Vid. Mercurialem, de morb. cutaneis, Cap. VII. pag. 31, in quo diversæ de naturâ hujus affectus opiniones Veterum conferuntur.

ratione procedit in orbem; eo, quod primum vi-
tium fuerat, sanescente.

LV. Aliàs, ubi malignior est, citiùs in vicinias
expanditur: tota cutis [quod rarò tamen evenit;
nec nisi semel vidimus] exeditur; tumquè ut sæpiùs
in herpetem squamosum abit, vel & ægrotantes
humorum labe scorbuticâ scædatos interimit.

LVI. Herpes squamosus, *dartre écailleuse* (a),
dartre vive, Tetter (b), herpes humidus, impetigo (c)
humida, lichen ferus (d), impetigo agria
(e), lichen agrestis, agria papula (f), falsus pruri-
tus, prurigo, chrismos (g), rubrica (h), herpeti-
cum ulcus (i), tinea furfurosa, serpigo humida,
porrigo humida (k), furfuratio cum ulcere (l), &c.
ea præ cæteris impetit cutis loca ex quibus adeps,
serum, gluten uberius exhalantur (§. 19. 20. 21. 22.)
Hinc in inguinibus præcipuè, scroto, perineo &
cute capillatâ; vel & in brachii & genu flexuris
solet frequentius accidere (m).

LVII. Cum se prodit herpes squamosus, absque
tumore vel inflammatione rubet externa cutis:
adeò acerbus nunc præcurrit, modò comitatur,
modò subsequitur pruritus, ut frictio non sufficiat
ad levamen afferendum, sed unguibus partes dis-

(a) Astruc, ibid. pag. 271.

(b) Allen, Synops. Med. Cap. XI. §. X. pag. 280.

(c) Avicenna, &c.

(d) Amat. Lusitanus, Curat. Med. Cent. II. Curat. XXXIX. p. 171.

(e) Idem, ibid. Marcellus, &c.

(f) Celsus, Medic. Lib. V. Cap. XXVIII. §. XVIII. Tom. I. p. 359.

(g) Platerus, de doloribus, Cap. XVII. pag. 763.

(h) Hyerem. Thriver. Brachel. Comm. in hunc Celsi locum pag. 547.

(i) Trincavellius, Consil. Medicinal. Lib. III. Consil. CXIX. Co-
lumn. 687.

(k) Nic. Piso, de cognoscendis & curandis morb. Tom. I. Lib. I.
Cap. III. pag. 13. & seq.

(l) Mercurialis, de morb. cutaneis, Cap. VII. pag. 31. 32.

(m) Trincavellius, ibid. &c.

cerpi debeant (a). Apparet macula lata, continua, rubicunda, subaspera, nec tamen conspicuis exarata pustulis, cujus color lividus vel albicans in centro, vividior ac rubicundior ad margines pressione non deletur.

LVIII. Cum fervor cutis adjungitur; exeduntur vasa quibus cum cute jungitur epidermis: hæc ichore copioso, peracri, foetido madens resolvitur in furfures humidos, squamulasvè sæpius humidas, tenues, lineam circiter latas; quæ, quâ proportionem cutem derelinquunt, eâdem novæ atque novæ ipsis succedunt, ac simili modo dimittuntur è cute. Talis herpes squamosi humidi nomen retinuit, cujus, ut plerorumque herpetum, symptomata (prout non semel vidimus) plenâ (b), præcipuè crescente lunâ (c) exasperantur.

LIX. Quamdiù copiosus exsudatur ichor, tamdiù macula videtur humida: si verò exsiccantia validdèque astringentia applicantur; crustam ducit, sed invalidam & mox humoris copiâ destruendam (d).

LX. Aliàs sponte siccatur, rubicundaquæ vel livida tantummodò deprehenditur cutis, nec ichore madida, nec furfuribus deturpata.

LXI. Nonnunquam, ubi videlicet ichor parcius exhalatur, siccescit epidermis, in squamosos furfures indefinenter secedit; & abrasis squamulis, subtùs apparet cutis nonnihil aspera; rubicunda; paulò, quàm in statu naturali, calidior, cum nullo, vel levissimo pruritu.

(a) Craanen, dissertatio Physico-Medic. de homine, Cap. XLVII. de scabie, pforâ & leprâ, pag. 354.

(b) *Macule & rubores in puero, erysipelas in senè, plenilunio quolibet efflorescebant.* Chrystoph. Guarinonius Consult. Med. DXXXII. p. 622.

(c) Mem. Natur. Curios. Decad. III. ann. IX. observ. 205.

(d) Manger, Bibl. Chirurg. Tom. IV. de tum. p. n. Lib. XVII. §. 12. pag. 28.

LXII. Quò humidior est herpes squamosus ; hòc major observatur humoris acrimonia , foëtor , &c. hòc magis serpit & expatiatur herpes ; hòc acerbior est pruritus ; qui , cum siccescit macula , solet remittere ; exasperari , cum eadem humectatur ; evanescere , cum nec squamis nec ichore foëdatur cutis , at rubore livido suffusa solummodò videtur.

LXIII. Cum acrior est humor , penitus destruuntur vasa quibus cum cute jungitur epidermis (§. 6) : ex rotundâ comparatur angulosa macula ; ichor indefinenter impetit vicinias : undè sæpè (quemadmodum herpes exedens) genua aut collum cinguli more circumdat ; ideoquè dicta fuit *collaris* aut *periscelis*.

LXIV. Aliàs humoris acrimoniâ non solum externa , sed etiàm interna cutis exeditur ; ulcus ad ossa usquè nonnunquam expanditur ; & hanc maculam , cum in esthiomenum abiit , lichenem agriam (impetiginem agriam Galeni) nuncupant (a).

LVX. Talem herpetem & ejus enunciata symptomata non rarò sequitur lepra ; sic ut nonnulli lichenem ad lepram viam sternere dixerint (b).

LXVI. Tùm tota cutis leproforum ad instar finditur , ulceratur , squamas crustasvè dimittit. Ulceribus externis adjunguntur interna : succedit febricula ; noctu imprimis exasperantur dolor , pruritus ac febris ; putrido diffluunt tabo corpora ; marasmus , insomnia , syncopes , mors presso pede sequuntur.

LXVII. Herpes discretus , *dartre bénigne* , seu *volage* (c) , ignis volaticus , &c. admodum fami-

(a) Amatus Lusitanus Curat. Med. Cent II. Cur. XXXIX. p. 171. 172.

(b) Calmet , *Dissertat. qui peuvent servir de Prolegomènes à l'Ecriture Sainte* , *Dissertat. sur la lèpre* , pag. 569.

(c) Astruc , *Traité des tumeurs* , Tom. I. Chap. X. pag. 364.

liaris observatur apud pueros, ac homines qui variis in Caput defluxionibus sponte vel arte evanescentibus liberantur; & frequenter in facie, rarius in cæteris corporis partibus deprehenditur.

LXVIII. Inflammata, paululumquæ tumida videtur cutis area, cum ardore notabili, nonnihil importuno; cum cutis aliquâ tensione, cum pruritu, &c. tum in diem, citius, tardiusvè prodeunt hinc & inde sparsæ bullulæ, milii grano circiter duplò majores; ast planæ, nec multum extrà cutem fastigiatae; modò limpidæ, modò citrinæ... referta pustulis area excoriatur; copiosum exhalat ichorem; crustâ cineraceâ vel subluteâ tegitur, quâ decidente, sana, rubicunda tamen apparet cutis.

LXIX. Cum sola roditur epidermis, tum evanescens herpes discretus nulla cicatricis in cute relinquit vestigia. Ubi verò malignior est; ichor acrior, uberior, fervidior in ejus vicinias expanditur; papillas nerveas vellicat; sanguinis circuitum in ultimis vasorum propaginibus interturbat: similis oritur inflammatio; prioribus (§. 68.) affines oriuntur pustulæ, quæ similiter disrumpuntur; versant ichorem; resiccantur, crustam induunt; ac sensim evanescunt.

LXX. Cum ulceratam cutis aream uberior appellit sanies; dimoventur à cute crustæ, quæ hâc ratione, priusquam cicatrizetur ulcus, decidunt; nec (jugiter stillante herpetico liquore) regenerantur. Herpes discretus tunc humidus apparet cum intenso fervore, acerbo pruritu & cutis ipsius superficiei exulceratione. Sic destructâ cuticulâ, supra cutem salire videntur guttulæ liquoris limpidi, adeò acris, ut sanas partes in quas labitur, sapius ulceret, ac similiter inficiat.

LXXI. Nonnunquam sic efferatur ichoris acri-

monia , ut non solum summa cutis , sed & subjectæ partes arrodantur. Tùm nomen ignis volagrii vel agrestis sibi vindicat herpes discretus jam ad estiomenum classẽ revocandus.

LXXII. Herpes crustaceus , *dartre à croûtes* (a) , in collo , brachiis & femoribus sæpius erumpit. Ad pili radicem primùm apparet pustula milio circiter compar magnitudine , quæ sensim fastigiatur ; eò magis conspicua videtur , quò cutis subjecta magis inflammatur ; & eò citiùs absque gravi pruritu exulceratur , quò purulentus ichor albicantem ociùs induit colorem. Disruptâ pustulâ , liquoris albicantis guttula primùm excernitur ; quam citò subsequitur stillicidium ichoris non rarò sanguine tincti. Intrà diem , ut sæpius fieri vidimus , exsiccatul ulcusculum obtegatur , & crustâ cineraceâ , vel luteâ ; quæ cum ab ichore pabulum indefinenter accipiat , multùm adaugetur , & ulceris diametrum excedit latitudine , non mollis , non levis , sed aspera , sed crassa , sed indurata.

LXXIII. Cum benignus apparet herpes crustaceus ; citò , quam induerat , crustam amittit & evanescit ; similes aliò surgunt pustulæ , quæ similiter purulentum humorem , ichoremque versant , crustam induunt , desquamantur , ac relictâ levi cicatrice similiter evanescunt.

LXXIV. Cùm verò malignior est ; fluit ichor crustam inter & cutem ; ulcus multùm expatiatur ; efferatur pruritus ; inflammatur cutis ; herpetis margines indurescunt ; multùm quandoquẽ tument ; in altum serpit herpes , modò crustis , modò purulentâ sanie conspurcatus , inter estiomenos tùm jure numerandus.

(a) Astruc , *Traité des tum.* Tom. I. Livr. II. Chap. II. pag. 371.

LXXV Herpes miliaris, *dartre miliaire* (a), *flechten* (b), Hair-worm (c), *eenchrias* (d), *ignis sacer* (e), *herpes pituitosus* (f), *herpes pustulosus* (g), *formica miliaris*, *serpigo miliaris*, *serpigo granosa*, *herpes granuleus* (h) &c. majorem, quàm crustaceus, impetit cutis aream; omnes & singulas corporis partes indiscriminatim obsidet, licet paulò frequentius in glabris reperiatur.

LXXVI. Proximum herpetis miliaris adventum significant cutis tumiditas & inflammatio (i). Tumor sæpius orbicularis apparet; non protinus ulceratur (k); verùm ex maculâ sensim surgunt pustulæ limpidaë, pellucidaë, *milii modo*, *vel ovorum piscium*, *vel ficûs granorum ad instar appositæ secundum aream* (l); ardore levi & pruritu, potius quàm lancinante dolore molestæ; *ut ut non procùl à partibus herpete affectis, antè & post eruptionem, dolor erodens à spasmodicâ fibrarum stricturâ ortus ferè semper sentiatur* (m), qui gravior leviorvè pro magis minusvè sensibili (14) parte cutis vulneratâ, diversoquè humoris acrimoniæ gradu percipitur.

» LXXVII. Febris autem hanc inflammationem

(a) Astruc, *ibid.*

(b) Manger, *Bibl. Chirurg. Tom. IV. de tumorib. Lib. XVII. p. 28.*

(c) Stephanus Blanchardus, *Oper. Med. Tom. II. institut. Chirurgic. Cap. XV. pag. 442.*

(d) Joël, *Oper. Chirurg. de herpete mil. pag. 182.*

(e) Primum ignis sacri genus delineatum à Celso, *Med. Lib. V. Cap. XXVIII. pag. 340. Ed. de Haller.*

(f) P. Forestus, *Obs. Chirurg. Lib II. Obs. VII. pag. 47.*

(g) A. Lusitanus, *Curat. Med. Cent. II. Curat. 37. pag. 185. P. Forestus, ibid. Observat. V. pag. 43.*

(h) Joubert, *Not. sur les Aposth. de Gui de Chauliac, pag. 96.*

(i) Kleinius de morb. exitu & præfagiis, *pag. 259. Rod. à Vega, Art. Med. Cap. LXXXI. pag. 107.*

(k) J. Alexandrinus, *Not. in XIV. Therap. Med. Cap. XVII. p. 560.*

(l) Joël, *ibid.*

(m) R. Morthon, *de feb. infl. Cap. II. pag. 70.*

comitans , præter omnes alias , quot quot sunt ;
 » mitis ac benigna videtur ; atque ex urinâ , pulsu
 » vel temperie agrè admodum perceptibilis. Ra-
 » rissimè funesta est ; undè de eâ altissimum apud
 » Auctores silentium. Tempore verò decubitûs
 » exacerbari solet , & vigiliis , inquietâ jactatione ,
 » calore aucto & siti sese aliquatenus prodere (a).

LXXVIII. Pustulæ miliaris herpetis , milii granum
 vulgò non superant ; nonnunquam tamen paulò
 magis exiguæ , hydroas seu sudamina maximè (*)
 referunt ; & cum *benignus* est affectus , nec serpit ;
 sero suo tum resorbto , tum exhalato concidunt ;
 arescunt ; tenues dimittunt furfures , ardore &
 pruritu sensim evanescentibus.

LXXIX. Cum herpes miliaris sponte vel arte dissi-
 patur ; nunc *duriusculis* obsita *tumoribus* , nunc absque
 tumoribus *duriuscula* (b) remanet cutis , & *siccus* tum
 nuncupatur. Nonnunquam pustulæ resurgunt ; &
 totam , quam primùm obsefferant , partem occu-
 pant (c).

LXXX. Aliàs multum expatiatur , eo , quod pri-
 mùm *vitiatum* fuerat , *sanescente* ; & quâ propor-
 tione serpit ; eâdem in viciniis rubor cutis , calor ,
tensio levis ac strictura (ut loqui amant ægrotantes) ,
 ardor & pruritus invalescunt ; pustulæ numerosæ
 conglomerantur , donèc viâ quâlibet dissipentur
 [78. 79.]

LXXXI. Cum sero nimium acri turgēt macula ;
 importuno pruritu & ardore molesta percipitur
 cutis ; sponte vel unguibus scalpæ disrumpuntur

(a) R. Morthon , idid.

(*) Ab his maximè discrepant , quòd sudamina nullatenus in aream
 cutis conglomerantur.

(b) Manget. Bibliot. Chirurg. Tom. IV. de tumor. P. N. Lib. XVII,
 §. 18. pag. 28.

(c) Manget , idid.

pustulæ; rubens, excoriata, sero suffusa videtur cutis superficies; exsiccatur ichor; abit in crustam, quæ non prius decidit, quin antea cicatrix ulceris fuerit perfecta.

LXXXII. Herpetis miliaris tumor nunc major, modò minor, aliàs rotundus, nunc angulosus in cute plures annos non rarò moratur; modò stat; modò serpit; nunc evanescit; nunc resurgit; donec (nî medelâ factâ discutiatur ichor) ipsa curis exedatur; vel humor in viscera diffluat, variosque pro variis circumstantiis inducat affectus.

LXXXIII. Herpes exedens, *phlyctenodes*, *dartre érysiplateuse*, erysipelas ulceratum (a), erysipelas nothum (b), erysipelas spurium (c), erysipelas vesiculare (d), vermis repens & mordicans (e), ignis sacer (f), formica miliaris seu ambulatoria, ut sæpiùs ex erysipelate sobolescit. Cum enim erysipelas malignum est, aut malè tractatur, solet emittere pustulas quæ nunc sudamina, nunc epynitidum aut plictenarum bullas æmulantur. Facile summum corpus ad epidermidem usquè penetrat; *ubi cum retinetur, nec ultrà expirat, eam partem exedit (g).*

LXXXIV. Inflammata primùm ac rubicunda videtur cutis area; urgent pruritus & ardor; noctu potissimùm erumpunt pustulæ (§. 83.); aliæ dissipato humore flaccescunt & in squamulas resol-

(a) Forestus, Obs. Chirurg. Lib. II. Obs. I. pag. 35.

(b) Langius, Epist. Med. Ep. XXXIII. pag. 132.

(c) Tozzi in Art. Galen. Med. Lib. III. Cap. XII. pag. 194.

(d) Blanchard, Institut. Chirurg. Cap. IV. pag. 426. Leoniceus Vigen. de morb. Gall. fol. 118.

(e) Turner, *Traité des maladies cutan.* Tom. I. Chap. V. pag. 113.

(f) Alterum ignis sacri genus, quod describit Celsus Med. Lib. V. Cap. XXVIII.

(g) J. Allen, Synopsis Med. de morb. cutan, Cap. XI. §. XVIII. pag. 283.

vuntur ; aliæ disrumpuntur ; humor limpidus ; acris , fervidus , nec tamen putris , nec saniosus exhalatur ; & macula (cum benignus est herpes) intra quatuor vel quinque dies evanescit.

LXXXV. Febris , quæ herpetem exedentem ut sæpius comitatur vel præcedit , nonnunquam epidemiarum genium induit (a) ; quandòque malignas pestilenciales æmulatur (b) , sæpius verò die tertiâ quâlibet suas habet exacerbationes ; & varia secum importat phænomena , pro variâ corporis conditione & diversâ sede humoris in visceribus aliisvè corporis organis fluctuantis.

LXXXVI. cum in caput detonat morborum impetus ; febris acutarum ad instar se gerit ; hæmorrhagiæ , pervigilia , delirium , cephalalgia , aurium tinnitus aliquoties *in unum conglomantur* : rubet facies ; & quò vividior est cum ardore rubor , eò herpetis eruptio certius est prænuntianda. Aliquandò concidunt pustulæ , vel ulceratus herpes absquè manifestâ causâ protinus exsiccatur , livescit aut nigricat , & ægri *strangulatu rapiuntur*.

LXXXVII. Cum humor circâ pectoris , aut iliorum viscera fluctuat ; lassitudines , inquietudines , præcordiorum anxietates , cordis palpitationes , pulsus intercisi febrem comitantur : summa pro variis hominibus in urinis ac alvo varietas : ad eruptionem maculæ solent remittere vel evanescere prava symptomata : quandòque tamen subsistunt vel exasperantur.

LXXXVIII. Cum humor ex prædictis visceribus ad cutem ablegatur ; macula sæpè se prodit in medio corpore , rarius in extremis artubus , frequenter in coxis , frequentius in inguinibus , & abdomine

(a) L. Tozzi , in Aph. Hypocratis , Sect. VII. Aph. XX. pag. 270.

(b) Tulpus , Obs. Medicin. Lib. III. Cap. XXXXIV.

circà costas, præcipuè spurias.

LXXXIX. Cum deterioris est indolis herpes exedens ex abdominalium viscerum penetralibus ortus; macula tres circiter digitos lata sæpiùs expanditur, & ità quandòque serpit, ut totum corpus ad instar cinguli circumdet; undè zonæ, circini aut herpetis circinati nomine donata est (a).

LXL. Zona benigna paucos intrà dies ut plurimum evanescit. Aliàs, ubi malignior est, livescit, vel nigricat; vel concidunt pustulæ, dum interim accedunt anxietas, lypothimiæ, &c. modò resurgunt pustulæ, & ægrotantium animi revirescunt. Nunc quod rariùs evenit, mutatur in esthiomenum.

LXLI. Quandoquè versùs febrium continuarum declinationem erumpit herpes exedens (§ 83.); & symptomata quibus premebatur æger imperfectâ crisi judicatus, evanescunt. Hòc latior apparet macula, quò copiosior est ichor, & magis fida crisis. Illius reliquiæ rarò per urinas, frequenter alvo & sudoribus eliminantur. Tanta nonnunquàm appellit cutem ichoris herpetici copia, ut pars corporis major quàm media fuerit erosa decimâ quartâ die febris miliaris cæteroquin pustulis numerosissimis antèà stipatæ, prout hoc anno vidimus.

LXLII. In corporibus impuris, cacochimicis, scorbuticis, & senibus non rarò se prodit herpes exedens. Macula à zonâ non multùm absimilis prægressâ febre ephemerâ frequentius erumpit in tibiis, cruribus, brachiisvè; rariùs in medio corpore. Cutis videtur minùs inflammata, sed livida magis, & innumeris exarata pustulis quæ summum inferunt pruritum, disrumpuntur, ichorem effundunt, ac in squamas tandem resolvuntur. Macula

(a) Manger, ibid.

menssem & ampliùs in cutem aliquotiès expatiatur; serpit, vel stat; aliàs omnem fermè corporis habitum impetit. Talem in quinquagenariâ mulierè vidit Swietenius (a) Hæc erat scorbutica; & ichor quò pustulæ distendebantur, adeò acris deprehendebatur, ut nisi pertusis vesiculis daretur exitus, cutem ulceraret... nonnunquàm zonæ ad instar in cutem producitur; & ideò zosteris aut zostri nomen ipsi tribuêrunt (b).

LXLIII. Herpes estiomenus, *dartre carcinomateuse* (c), *dartre estiomène*, herpesti-omenus (d), herpes ulcerosus (e), formica corrosiva (f), pustulæ corrosivæ, cancer cutis exulcerati, ulcus virulentum, ulcus erodens, ulcus depascens, ulcus exedens (g), cancer cutis (h), lupus vorax (i), papula fera (k), *Etende Daw-worm* (l), &c. majorem secum importat cutis ulcerationem. In delineatis enim herpetis speciebus, epidermis ferè sola cun corpore reticuloso vulnerata apparuit, illasâ vel saltem parùm læsâ cutis superficie. Estiomenus igitur non solum cutis superficiem impetit, sed cutem, carnes ipsas ulcerat; imò nonnunquàm ad ossa usque descendit.

LXLIV. Quò acrior est ichor; hòc externa magis, interna cutis minùs exeditur, tumquè cutis ardor & pruritus molestiores sunt; quò

(a) Swietenius, Tom. III. Comment. in Aph. Boërrh. 1151. p. 609.

(b) Kleinius, de morb. exit. & prælag. pag. 80.

(c) Astruc, *Traité des tumeurs*, Tom. I. Liv. II. Chap. II. pag. 271.

(d) Forestus, Observ. Chir. Lib. II. Obs. V. pag. 42.

(e) Amatus Lusitanus Curat. Med. Cent. II. Curat. XXXVII. p. 185.

(f) Avicenna, Fen. III. Lib. IV. Tract. I. Cap. VI.

(g) F. Joël, Oper. Chirurg. de ulcerib. pag. 221. Forestus, Gordanius, &c.

(h) Schmitzius, Compend. Med. Pract. pag. 193.

(i) Th. Bonnet, Oper. Chirurg. Tom. II. Lib. VI. de affectibus externis, Sect. IV. pag. 305. Joël ibid. de ulceribus virulentis, pag. 221.

(k) Sam. Hafenrefferus, de cutis affectibus, Lib. I. Cap. XV. p. 109.

(l) Blanchard, ibid. Cap. XV. pag. 443.

verò spissior est herpetica sanies ; eò , cæteris paribus , altius exedit ; dolor & ardor sunt supra pruritus , præsertim cum unâ tumescunt indurata estiomèni margines... summa datur varietas symptomatum pro variâ ulceris indole , & variis fontibus è quibus originem traxit estiomènus.

LXLV. Cum ichor magis impetit cutis superficiem ; tunc intactis vel parùm læsis subjectis cuti partibus magis in latum expatiatur , molestum infert pruritus , cutis ardorem , ruborem , copiosi ichoris exsudationem (a). Ulcus ejusmodi vocant *boubasticum*, *præhumidum*, *ferum*, *agrion*; quod non rarò succedit herpeti squamoso (§. 64.) exedenti (§. 83.) miliari (§. 82.) discreto (§. 71.) cutis excoriationi , frictioni , ustioni , phlyctenis , &c.

LXLVI. Cum talis herpes (§. 95.) iis in cutis regionibus insidet in quibus parcius exhalantur excrementa ; parciorque datur ichor ; lentè serpit ulcus ; magis siccum apparet , minorem infert pruritus ; crustis , potissimum squamis obducitur.

LXLVII. Aliàs , ubi liquoribus excrementitiis turgēt cutis , in latum & altum expatiatur estiomènus ; verùm lentiori movetur progressu ; ulceris ad ossa usquē nonnunquam serpentis margines sanie conspurcantur , molles , lividæ , tumidæ , ichorem albicantem , cineraceum , nigricantemvè profundentes. Talis herpes cacochymicis , pituitosis , pinguedinosi & senibus maximè familiaris ad *ulcera ca-coethica* revocatur.

LXLVIII. Alio se modo habet estiomènus cui præ cæteris obnoxii sunt hypochondriaci , melancholici

(a) Vigier, *grande Chirurgie des ulcères*, chap. VI. pag. 25 & suiv.

& viscerum obstructione tentati, in quibus viget solidorum robur, vasa non inania; sed humores crassi, peracres, cum cutaneis porulis eliminari nequeant, pustulis & ulceribus innumeris originem præbent. Exindè orti herpes estiomeni non solum cutem, sed ossa ipsa cum subcutaneis partibus aliquoties exedunt; & *phagedænarum* vel *cancrorum cutis* nomine donata sunt, quòd margines ulcerum tumida, indurata, nodosa, inflammata, glandulis obstita, varicosa, nunc crustis obducta, nunc ichore madida, dolore lancinante stipata, teterimum sicuti *cancrosa* odorem undequaque spargant (a)... Varii autem sunt estiomenorum fontes.

LXLIX. *Therminthus*, Barbarorum *Bothor*, Græcorum *Epynictis*, species est phymatis therebenthi fructu paulò maior; plus, minusvè protuberans. Macula videtur in cute rubra, ciceris circiter magnitudine, suprâ quam « eminet pustula, varii, pro-
» diverso quem continet humore, coloris; nunc al-
» bicans (*ut vidimus*), nunc nigra, uti testatur Ori-
» basius, nunc ex nigro viridis. Sanies autem quò
» magis ad pus venit, eò magis extenuatur cutis,
» quæ tandem extenuata disrumpitur, & sic pure
» arrosus ulcus squamâ obducitur, quâ sublatâ pu-
» rulenta sanies apparet. Ulcus naturâ est fermè ma-
» lignâ. Serpit enim tacitè labes; curatione contu-
» max est. Nonnunquàm rodit & vicinas partes de-
» pascitur; ita ut pro herpete habeant quidam: for-
» tass' autem hi non malè cum herpete congruunt
» estiomeno... Licèt herpetis naturam non habeant,
» dici possunt tumores herpetici. Sunt verò tuber-
» cula, tumoresvè potius quàm ulcera; transeunt

(a) Vigier ibid. chap. XIII. du *noli me tangere*, pag. 359. P. Poterius obs. cent. I. cap. XLII. pag. 40.

autem in hæc ex illis plurima phymata (a).

C. Ex thermintho natus fuerat herpes estiomenus, quo totum crus depopulatum fuerat; & cujus duræ margines referebant carunculas cartilaginis erosæ frustulis similes (b). Ex Therminthis ut sæpius oriuntur ulcera quæ nasi, palati, &c. membranas & ossa nonnunquam exedunt. Eò referri videtur *rosa* quam *thymium malignum* seu *parvum herpetem* nuncupant (c).

CI. In genere, quò major, crassior altius in cutè insidet pustula; hòc majorem infert inflammationem antè & dum ulceratur; durior apparet; lentius expatiatur; altius in carnes & ad ossa usquè descendit; minorem infert puritum, majorem dolorem; magis fetidum exhalat ichorem; pertinacius in cutè hæret; tardius adolescit, &c. Tales sunt omnes ferme estiomeni qui ex ulceratis glandulis cutaneis (§. 19. 20.) ortum duxêre.

CII. Pfydracia, phyzacia sunt pustulæ sejunctæ, milii grano circiter duplò majores, phlyctenis latitudine longè minores; ast acutiores, ac longè duriores. Basis illarum valdè rubet cum ardore notabili: acerbis adjungitur pruritus sic ut unguis ad pustulas invitè moveantur, & dolor cum pœnitentiâ pressio sequatur pede; ulceratur apex pustulæ; funditur parcus, albicans, subluteus, valdè tenax ichor ex glandulis cutaneis (§ 20) eructatus.

CIII. Cum ichor ex visceribus expurgatis ejicitur in cutem (prout in mulieribus hystericis vel cacochymicis coffeæ potu abutentibus evenire non semel vidimus); febre, calore interno, siti, anxietatibus

(a) Manget, Bibli. Chirurg. tom. IV. lib. XII. Rhazæ ad Mansor. division. lib. I. cap. CXXXIV.

(b) M. Aurel. Severin. Chirurg. efficace, des incisions, part. II, chap. LIV. pag. 236.

(c) Manget, ibid. lib. XVI. cap. XII.

premuntur ægri; evanescunt spasmodici nervorum affectus, hæmorrhoides &c. quâ proportionē mittitur ad cutem recrementorum colluvies; cutis psydraciis sejunctis videtur distincta potissimum in cruribus & medio corpore; acerbo pruritu tentantur ægri, sic ut neque quietem capiant, neque somnum; pustulæ aliæ intra diem ulcerantur; aliæ tum exhalato tum resorbto sero concidunt; citò dissipantur; his novæ succedunt similiter evanescentes: quatuor aut quinque dies producit eruptio, donec recrementis ob infirmitatem viscerum denuò comparatis, princeps recurrat morbus eadem operâ naturæ fortassis debellandus.

CIV. Alio modo se res habet cum in facie prorumpunt ejusmodi pustulæ. Mulieribus imprimis albo fluore laborantibus & sanguineis familiares, in senibus rarò; frequentius in pueris ac puberibus observantur. Rubicundior quàm in statu nativo, non tumida tamen apparet cutis area suprà quam gemmant psydracia. Basis pustularum magis ardet; inflammatur, cum pruritu qui tamen hic tolerabilior est: ulceratur pustula; ichorem plorat subflavum aut albicantem; siccatur; crustâ tegitur, furfures dimittit; novæ similiter erumpunt pustulæ, similiter evanescunt; & hâc ratione plures annos producit ichoris ad faciem confluxus.

CV. Neque hîc semper fixi sunt mali limites. Cum enim malignior est herpetis indoles, altius arroduntur vicinæ; in latum etiàm expatiantur ulcuscula & psydraciis succedunt estioni.

CVI. Sæpius in cute capillatâ sedent achores, favi, melicerides, furunculi (a). Ex-ulceratis ejusmodi phymatibus fædus admodum effluit ichor pro-

(a) Mercurialis de morb. cutan. cap. IX. pag. 35 & seq.

phymatis indole, humoris mobilitate, colore, acrimoniâ, odore varius. Tales pustulæ in continuam cutis ulcerationem non rarò degenerant, & majori vel minori inflammatione, pruritu &c. stipantur. Tineæ nomen huic affectioni tribuêrunt, cujus plures immeritò designatæ sunt species (a).

CVII. De tineâ rectiùs locutus fuisse videtur Celsus his verbis (b): “ Alterum genus est subalbidum & „ furunculo simile, sed majus & cum magno dolore, quod ubi maturefcit, habet foramina per „ quæ fertur humor glutinosus & purulentus; nec „ tamen ad justam maturitatem pervenit. Si divisum „ est, multò plùs intùs corrupti, quàm in furunculo „ apparet, altiùsque descendit. . . . Alterum est minus, & super caput eminens, durum latum, subviride, subpallidum; magis exulceratum; si quidem ad singulorum pilorum radices foramina sint „ per quæ fertur humor glutinosus, subpallidus, „ crassitudinem mellis aut visci referens; interdùm „ olei; & si inciditur, viridis intrà caro apparet; „ dolor autem & inflammatio ingens est.

CVIII. Ex his liquet tineam; cum serpunt & expatiantur ulcera, verum esse herpetem estiomenum; quòd non solùm ipsam cutem exedat, verùm ipsa capitis ossa valeat absumere. Nec mirum si graves in arte medicâ viri herpetem & tineam velut eundem affectum consideraverint (c), nec discrepantem nisi diversâ *materiæ peccantis acrimoniâ*; & *vario læsionis subcutaneæ gradu* (d).

CIX. Scabies in regionibus nostris olim frequentissima, nuper frequens; hodiè rarissima, alia sicca,

(a) Legantur Capivacius, de affect. cap. exter. cap. V. pag. 463, & post Guidonem de Cauliaco Astruc. *Tr. des tumeurs*, tom. I. liv. II. pag. 379.

(b) Celsus medicinæ, lib. V. cap. XXVIII §. 13.

(c) Swietenius, in Boerrh. aph. 1484 Blanchard. &c.

(d) F. Hoffmann. *med. rat. systh.* vol. III. cap. V. §. XLV. pag. 427.

alia humida. Pustulæ variæ magnitudinis in *humida* non in aream dispositæ, sed sejunctæ, circa pedum ac manuum juncturas frequentius, crebrò in artubus extremis, rarius in medio corpore videntur. Ulceratus apex acrem, saniosum profundit ichorem, siccatur, crustam induit, *cicatrizatur*, desquamatur... Cum acrior est humor, fit continua cutis ulceratio & scabiei succedit esthiomenus.

CX. Impetigo, serpigo, lepra, mentagra à variis auctoribus vario modo accipiuntur. Frequentior erat olim nostris in plagis lepra. Stant enim extrà urbis nostræ Cancellos, Nosodochomii in impetiginosorum, leprosoꝝ imprimis gratiam conditi rudera... Verùm penitus evanuit lepra, sæpius occurrit impetigo. Ex innumeris enim, quos hætenus vidimus ægrotantibus; nemo leprosus apparuit; impetiginosi complures deprehenduntur, iique potissimum lue venereâ infecti. Impetiginem dico non morbos omnes leprosos, quales, qui non vidêrunt, delineârunt, sed qualem qui observârunt, accuratiùs descripsêre, putà Steph. Blanchardus (a), præ cæteris Willisius. Hujus hæc sunt verba quibus addendum nihil observavimus.

» Imprimis papillæ sive pustulæ modò singulares,
 » modò plures congestæ in variis corporis partibus,
 » præcipuè in brachiis & cruribus excitantur; quibus singulis dùm morbus increscit, undiquè novæ
 » adjunguntur, & brevi ejusmodi molecularum
 » plures velut aggeres seu corymbi fiunt. Papillæ
 » (quæ pſydracia magnitudine referunt) enim juxtà
 » quamque stirpem primò in diem erumpentes &
 » latius usquè serpentes sex in orbem diffunduntur;
 » adeoque exanthematum aggeries quasque

(a) Blanchard. instit. Chirurg. de impetigine,

ampliari faciunt. Cujusque harum superficies as-
 pera, nonnihil albida & squamosa apparet; unde
 si scalpatur, squamæ decidunt; & ichor sæpè
 tenuis exudat, qui tamen mox excitatus, in
 squamam crustaceam rursus indurescit. Harum
 papillarum corymbi primò exigui & pauciores
 existunt in brachio, crure, aliove membro sin-
 gulari; tres forsàn aut quatuor ad magnitudi-
 nem denarii aut semi drachinæ apparent; postea
 verò si morbus crescere sinatur, crebriores ubi-
 què erumpunt; quæ quidem quoad arenas sensim
 auctæ, postea coronam argenteam aut æquant
 aut superant; verùm non semper rotundæ aut
 figuræ regularis, sed variiformes existunt. Nec
 factâ medelâ affectus pluribus in locis ebulliens
 & latius ubiquè serpens tandem haud solum
 membra integra, sed & totum corpus vitiligine
 leprosâ obducit, atque sic scabiem inter &
 lepram medium obtinet... in deteriori tamen
 statu ad lepram revocatur.

CXI. Ad herpetem estiomenum revocatur Men-
 tagra quam nonnulli corrosivæ luis veneræ symp-
 toma dixêrunt. Ex therminthis aliisvè pustulis non-
 nunquàm oriebatur; aut solâ deosculatone contra-
 hebatur. Tum videbatur in cute macula cum hâc
 epidermidis & cutis erosionem, ut lapsu temporis
 ossa ipsa exederentur: nec rarò in lepram degene-
 rabat (a) mentagra.

CXII. Nonnulli mentagram ab herpete squamoso
 diversam non faciunt; quæ novus olim in Italiâ
 morbus apparuit. Mercurialis eorum sententiam
 validis infirmat argumentis (b) quæ cum illa hodiè

(a) Calmet, dissert. sur l'Ecrit. Ste. tom. II. sur la malad. de Job, pag. 281. Petrus, Nosol. Harm. cap. 45. de Elephantiasi, pag. 400.

(b) De morbis cutan. cap. VI, pag. 77.

non videatur aut rariora sint ejusdem exempla (a) ; prætermittimus.

CXIII. Phlyctenæ , phlyctides , elkodes , vesicæ , gallicè *ampouilles* , *veffies* (b) , sunt pustulæ singulatim in cute positæ , ut plurimum fastigiatae , tabæ circiter magnitudine , ac lineam fermè protuberantes extrâ cutem. Bullarum modo lucidæ distenduntur humore limpidò , quadantenus flavo ; vesicis hæud absimiles , quæ ab aquâ vel igne ambustis accidunt.

CXIV. In fæminis , quibus menstrua defecerunt , aut aliàs rectè non purgantur , sæpè in cruribus apparent restituto fluxu menstruo evanidæ. Rariùs in viris emergunt ; ast pueris magis familiares in toto corporis ambitu indiscriminatim erumpunt , frequentius tamen in dorso & cruribus. Basis pustularum modò cum cute concolor , modò rubicunda deprehenditur. Quò acrior est ichor quò bulla distenditur ; eò magis rubor , ardor & pruritus intenduntur ; & quod in benigniori phlyctenâ serum resorbetur , id in maligniori facit ulcus ; excoriata cutis apparet aspera , ichore rubello (b) flavescente , peracri madida ; nec rarò brevè cutis & carnes exeduntur.

CXV. Cum retroagitur ichor herpeticus , per cellulas telæ cellulosæ (§ 15. 17.) labitur in varia corporis organa , præcipuè viscera in quibus excitat affectus pro vario acrimoniæ gradu , pro variâ organorum quæ virus excipiunt , constitutione varios

CXVI. Tum febris non rarò suboritur stipata delirio , gravi spirandi difficultate ; atrocibus dolo-

(a) Mentagram à se visam testatur M. Aurele Severin Chirurg. *essai de l'Exopyste* , chap. LXVIII. pag. 615.

(b) Sam. Hæffenrefferus , *ibid.* lib. I. cap. XIII.

ribus, spasmis, convulsionibus; cum pulsu duro, frequenti, admodum contracto. Hanc ideò nonnulli ad malignas referunt (a): alii febrium malignarum causam proximam admittunt virus (b) herpeticum sive retropulsum sive congenitum.

CXVII. Dolores ac symptomata modò graviora, modò leviora, varia sunt pro variis partibus in quas ichor irrumpit, pro duratione decubitùs, &c. & vaga sunt, cum nondum fixas egit in corporis penetralia radices, sed per varios telæ cellulosæ tramites ex organo in organum remeat.

CXVIII. In robusto villico topicis retroagebatur herpes squamosus siccus qui nares maximè confurcabat; quatuor elapsis mensibus, illum acuta febris invadit; lethargus quem acerbissima præcesserat cephalalgia, subsequitur. Potu largo, diluente, clismatibus, balneis imminuebatur febris: pulsus venæ sectione mollior factus fuerat; in motum actus humor è cerebro divertitur: sanus sibi videtur æger. Quatuor vel quinque circiter diebus elapsis, atrocissima, fulguris ad instar, accedit colica quam balneis, enematribus oleosis, vesicantibus compescuimus. Subdola redit sanitas & æger temperamenti sui viribus nimium conquiescens, vesicantia, & omnem (spretis consiliis) medelam dimittit. Quindecim elapsis diebus recurrit eadem febris: alter vocatur Medicus qui vigenti his temporibus epidemicæ feбри debellandæ idonea suasit medicamina. Æger quintâ die atrocissimos intra capitis & præcordiorum dolores moritur.

CXVIX. Herpes aquâ arsenicali lotus lethalem in puero lethargum induxit (c) . . . herpetis squa-

(a) Lanzonus, act. nat. cur. tom. I. obs. CCXXXI.

(b) Cl. Tissot, ep. ad Haller, &c.

(c) R. de Hauteclercq, obs. med. tom. II. pag. 312, 313.

mosi pollicem inter & digitum sedentis & topici percussu sequax fuit cephalalgia cum faciei rubedine, validâ febre, &c. (a).... fœmina in ætatis flore constituta ex retroactis pruriginosis affectibus in utroque brachio anno quolibet erumpentibus atrocissimam passa est cephalagiam quæ vix remediis sanari potuit (b).

CXX. Ab exanthematum ejusmodi retropulsione surdus evadit juvenis (c) ... tinea lotionibus sanatâ, moritur mulier cujus cerebri hemisphærium reperitur putridum ac ichore citrino refertum (d) ... Apoplexia non rarò sequitur ichoris herpetici retropulsionem (e). Mirum sanè quòd virus scorbuticum visceribus læsis, cerebrum & cerebellum veneretur, quæ sæpiùs impetit retroacta lues herpetica!

CXXI. Serum quod retroagitur nonnunquàm adeò causticum est, ut ipsa valeat exedere viscera... à retroactione maculæ herpeticæ, tracheæ arteriæ vasorum erosio, sanguinis in mediastinum descensus & cita Trombellii mors (f) ... ipsum cor aliquoties erosum fuit (g) ... nec rarò ab eâdem causâ ortum duxere phthisis, tusses ferinæ, asthmata & cætera ejusmodi (h) ... nonnunquàm etiàm indè sobolovêrunt acutæ thoracis inflammationes (i).

CXXII. Cum ichor in abdominalia viscera corrivatur, parit appetitus prostrationes, vomitus, sum-

(a) Raymond. Tr. des malad. dang. à guérir tom. I. pag. 155.

(b) Eller, de cogn. & curand. morb. pag. 158.

(c) *Idem* ibid.

(d) Bonnet, sepulchret. sect. IV. § II.

(e) F. Hoffmann. med. rat. syst. vol. III. cap. V. § XIX. pag. 429.

(f) Morgagn ep. anat.

(g) *Idem* ibid, ep. XXVII. §. 8.

(h) F. Hoffmann ibid.

(i) R. de Hauteferck. ibid. pag 323.

mas præcordiorum anxietates ; colicos dolores ; hydropes (a) ; atheromata (b) ; rhumaticos dolores (c) ; gangranam (d) ; & mortem.

Diversa igitur corporis viscera retroacto viru herpetico irradiata obturari , marcescere , continuè affici stillicidio ; vel ichore superobruta penitus infici , consumi lentâ suppuratione , aut gangranata sphacelari , hæc sunt infelicia nimie credulitatis ægrotantium : & medicastrosum ignorantie confectaria.

CXXIII. Sed ipsa corpora viru herpetico non retroacto contaminata cutaceis non semper apparent foedata ulceribus : etenim non raro evenit , ut fixæ corporis penetralibus mali radices ad causæ singularis appulsum emoveantur ; nunc obfirmantur ; modò pullulent ; ac internis affectibus herpeticis suâ febre [71] stipatis seu chronicis , seu acutis locum annuant. Et ex hoc fonte quod scaturiunt gravedines , raucedines , catarrhi , tusses ferinæ , phtises , asthmata , peripneumoniæ , pleuritides nothæ , vomitus , spasmodici affectus , viscerum abdominalium tumores , suppurationes (e) , febres lentæ , rheumatismi , arthritides , &c. quorum

(a) F. Hoffmann, *ibid.* &c.

Hypocrates. *epidem.* scribit quemdam herpete tentatum , aquis calidis usurpatis , hydrope periisse.

(b) Kleinius , de morb. exitu & præfag. pag. 258.

(c) Morgagnus , *ep. anat.* variis locis.

(d) Quesnay , *traité de la gang.* chap. 1. pag. 353.

(e) Melancholicis affectibus à pubertate ad quadragesimum annum ; obnoxium vindicabat à morbo eruptio herpetis squamosi totam cutem , caput imprimis deturpantis. Cura peragitur ope sublimati corrosivi : verum æger & negotiis & mærore agitato , importunas ægrè ferens medicaminum farragines , morbum negligit hyeme rigidâ exasperandum. Sponte sanata cute gravis accedit dolor in hypochondrio dextro. Incusatur sublimatum. Dysenteria & nauseis afficitur æger de sublimato querelas cum Medicis & assidentibus movens. Lac & cætera ejusmodi , quæ sal obtunderent , affatim ingeruntur . . . applicatur vesicans affecto lateri. Remittit dolor. Tum vix serosus , vix sanguine tinctus alvi fluxus , &c. Interea dolores ad artus & pedes accedunt. Arte siccatulæ ulcus in latere dextro

genium varius causarum confluxus, ægrotantium ydiosyncraria, vel inexpectata herpetis eruptio non semel revelârunt de affectione herpeticâ nequidem somniantibus.

C A P U T III.

De sede, causis, diagnosi, & prognosi variarum herpetis specierum.

S E C T I O I.

De Herpetis sede.

CXXIV. **H**ERPETICARUM affectionum sedem alii reponunt in membranâ cutis pinguedinosâ (a): alii in glandulis sudoriferis (b) seu miliariis; alii in glandulis sebaceis (c); alii tandem in corpore reticuloso (d).

CXXV. Verùm pro variis herpetum speciebus, varia primariò vulnerantur cutis organa. In herpete furfuraceo [§ 52] cute intactâ parùm contaminari videtur *reticulum* [§ 10], solâ fermè læsâ exteriori cuticulæ [§ 8] laminâ. In herpete squamoso [§ 56] tota roditur epidermis, illæsâ vel parùm vulneratâ cutis superficie. In herpete discreto [§ 67], miliari [§ 75], exedente [§ 83] vitiatur cuticula cum superficie cutis quæ solito rubicundior apparet [§ 12]. In herpete crustaceo [§ 72], thermintho [§ 99], favis, achoribus [§ 106], humidâ excitatum, ut nova in affectis artubus efficiantur. Protinùs recrudescit dolor hypochondrii, redit dysenteria. Novæ de sublimato querelæ. Eadem remedia. Serosus antea alvi fluxus evadit purulentus. Inter lypothymias & febrem hecticam perit æger cujus deprehendimus sana abdominis viscera præter jecur pure fermè penitùs arrosam.

(a) F. Hoffmann. med. rat. systh. ibid. § IX.

(b) Tract. path. de morb. cutan. cap. XVI. pag. 271.

(c) Morgagn. Ep. anat. Epist. V. art. 12. & seq.

(d) Astruc, *Traité des tumeurs*, Tom. I. Liv. II. Chap. II. pag. 272.

scabie [§ 109], impetigine [§ 110] &c. glandulæ cutaneæ [§ 19 , 20]; in phlyctenis [§ 113] vascula quibus cum cute nectitur epidermis [§ 6, 19] primariò vulnerari videntur. Ipsa viscera , ut monstravêrunt lustrata hominum lue venereâ tinctorum cadavera (a) , nonnunquàm pustulis & ulceribus obsidentur [§ 66].

S E C T I O II.

De Herpetis causis.

CXXVI. **I**NTER Medicos qui primarias herpeticorum affectuum causas disquirere studuerunt ; alii non ex herpeticæ luis indole & viribus æstimatas , at animo potiùs effectas tradidêre ; sic ut herpetis nulla alia esset causa præter bilem (b) aut pituitam bile remixtam (c).

CXXVII. Alii sobolescentia ex viru herpético phænomena scrupulosè pensitârunt ; fontes undè saliebat virus , rimati sunt ; & hujus indolem genuinam non solum ex elementis & elementorum quæ ipsum constituerent , copiâ ; sed etiâ ex phænomenis ichore herpético concitatis collegêrunt.

CXXVIII. Ast præcisè determinari nequit illa variorum elementorum , quæ reperiuntur in herpético viru , proportio. Altissimis etiâ obvolvuntur tenebris stupenda variorum elementorum secum invicem affinitas , ac emergens ex affinitate connubium. Novimus equidè principia quæ bilem ;

(a) St. Blanchard, oper. Med. Tom. II; institut. Chirurg. Cap. LXVI; pag. 524.

(b) G. Fallop. de ulcer. cap. X. fol. 11. Rodric à vega , Forestus , &c.

(c) Vigier, Grande Chirurg. des herpes Chap. II. pag. 515. Amat. Lusitanus , &c.

novimus quæ urinam constituunt. Non valde dissimilia prædictis ex humoribus (licet valde diversis) [§ 2] analysi subjectis extricantur elementa.

CXXIX. Verùm quomodò secùm invicem & quânam proportionē nectuntur? quânam subeunt mutationes humor biliosus, cutaneus &c. ut ex excrementis in statu corporis sano innocuis habeantur humores qui non scabiosam, non leprosam, sed herpeticam affectionem efficiant? Qui herpetem furfuraceum, non estiomenum; qui miliarem, non exedentem; qui exedentem, non squamosum concitent? Hæc problemata solvenda posteris veneranda reliquit Antiquitas; nec ætas nostra doctiores avis tulit nepotes.

CXXX. Cum igitur primaria nos lateant (a) morborum elementa; herpeticæ cujuslibet affectionis virus ab effectibus potissimum æstimandum venit... nulla porrò datur herpetis species quæ cum erosionē epidermidis, cutis, vel utriusque non reperiatur. In furfuraceo roditur externa cuticulæ lamina; in squamoso epidermis & tubuli, quibus cum cute jungitur epidermis; in herpete miliari, discreto, phlyctenis tota cuticula; in estiomeno tota cutis & subjectæ partes nonnunquam eroduntur.

CXXXI. Verùm caustica illa ichoris herpeticæ virtus, licet non multum aliena sit ab eâ quæ in vesicatoriis, diversi generis causticis ac venenatis deprehenditur (b), cuinam adscribenda venit herpeticæ liquoris elemento? an salibus? an terrenis elementis?

CXXXII. Eiusdem acrimonia & falsedo maximè

(a) *Mém. de l'Acad. de Chirurg. tom. I. chap. I. pag. 12 & suiv.*

(b) Isaac Cattierus, *Hist. & observ. rarior. med. phys. cent. II. obs. 43. pag. 142.*

sensibus obviæ deprehenduntur. Si enim intra chartam collegeris ichorem herpeticum & sensim exsiccaveris; plurimæ salitæ (31) crysalli hinc & inde micantes apparebunt . . . ex herpetis retropulsione cita non rarò comparatur gangræna, in quâ serum adeò acre deprehenditur, ut cum illud aliàs gustaverit Valsalva « non modò summam acredinem perceperit; verùm etiàm hæc linguæ papillas per solidum quasi diem mordicaverit (a).

CXXXIII. In variis herpetibus pruritus est levior vel acerbior, pro variâ sede herpetis [§ 125]; ubi pauciores vel numerosiores habentur nervi [§ 14]; vel prout ichor herpeticus partibus oleosis [§ 19,] 20] mucosivè magis minùsvè alteratis plus minùsvè impeditur. Nullus aut levis est in herpete furfuraceo in quo intactis aut parùm laxis papillis nervis, fermè sola roditur exterior epidermidis lamina: major in herpete miliari, discreto, in quibus inflammata deprehenditur cutis superficies, & non nihil vulnerantur ultimæ cutis nervulorum propagines; gravior in exedente, in quo tenuior, acrior, fervidior est ichor: obtusior in estiomeno, qui altius expatiatur: acerbus in herpete squamoso, præprimis humido, in quo nullo fermè muco irritati sales microcosmici; aut rancidis oleis & insensibili perspiratione largâ irrorati per excretorios cutis tubulos indefinenter aut sæpiùs eructantur.

CXXXIV. Insensibilis perspiratio, potissimum sudor [§ 30] particulas salitas, glutinosas, oleosas terrenas per cutis spiracula secum indefinenter averrunt. Hæc excrementa, si congeruntur in cutem, hujus organorum nutritionem interturbant: morâ, aut eveccto loci calore rancescit adeps cutis.

neus (a) ; fetidus magis evadit [§. 62, 106] ; teterri-
mumque herpetico liquori odorem communicat.

CXXXV. Serosa colluvies tenuior dissipatur ;
crassior fluctuat in telâ cellulosâ ; aut funditur in-
trâ cutem & epidermidem. Adipe rancido , parti-
culis terrenis , salibus imprimis & glutine perspi-
rationis insensilis feta majorem protractâ morâ con-
cipit actitatem ; pungit nerveas fibrillas ; rodit or-
gana cutis ; epidermidem à cute dimovet ; ulcerat.

CXXXVI. Quò diutius illuvies herpetica remo-
ratur in cute ; quò uberius in eam congeritur ;
quò minùs apta redditur ad exhalandum ; quò
magis obstipantur exhalantia vasa : hoc magis elan-
guescit sanguinis in affectam cutem motus ; mi-
nor evadit perspiratio cutanea ; major fit recre-
mentorum in cutem affluxus ; majorem spissitu-
dinem aut acrimoniam contrahunt fluida : solidor-
um enim infirmatis viribus , fluida spissari aut
liquefieri necessum est (b).

CXXXVII. In herpete furfuraceo humores cu-
tanei potissimum adeps lentiores sunt ac spissiores
quàm ut epidermidis unctioni sufficiant ; siccatur
epidermis ; in furfures resolvitur [§ 7]. Herpes
furfuraceus frequentius accidit in siccis , sangui-
neis & calido temperamento præditis ; ac iis po-
tissimum in cutis regionibus in quibus hæc par-
ciùs perspirat & epidermis est tenuissima [§ 6].

CXXXVIII. In herpete squamoso eadem fermè
deprehenduntur phænomena cum siccus est , si
majorem humorum acrimoniam addideris. In squa-
moso humido tenuius est serum , acrius ; salibus
magis refertum , oleo & glutine minùs impedi-

(a) V. Haller, comment. in instit. med. Boërrhav.

(b) Cl. Lorry, *trait. des alimens*, Tom. II. pag. 54, & suiv.

tum. Ichor funditur intrâ cutem & cuticulam; hanc ab illâ sejungit, ac in laminas velut aquæ ferventis ope [§. 7] resolvit; tangit nudas nervorum papillas; acriter vellicat; uberrimum ab insensibili perspiratione pabulum indefinenter aut sæpius accipit, & per vulneratam cutis partem imprimis eructatur; nunc intrâ cutem & *reticulum* funditur in maculæ vicinias, novasquæ cum intolerabili pruritu strages edit: Frequentius autem occurrit in perinæo, sub axillis, &c. in quibus major est calor; copiosius exsudatur serum: & visceribus obstructa cacochymicaquæ corpora præ cæteris impetit.

CXXXIX. In herpete miliari, priusquàm exurgant pustulæ, cutis inflammata videtur & rubicundior, quàm in aliis quolibet herpete; minùs tamen rubet; minùs dolet; minùs calet; minùs prurit, quàm in *exedente*. Ichor igitur in herpete miliari spissior est, minùs acris quàm in *squamoso*, benignior quàm in *exedente*... Is potissimum familiaris est herpes miliaris quibus cutis à nativitate ita constituitur, ut minùs perspiret; & humores cutanei crassiores sunt ac lentiores, quales in mulieribus, præcipuè pituitosis.

CXL. In herpete discreto, exedente, major observatur humorum acrimonia; validior eorundem in cutem commotio; major inflammatio cutanea; major in cute calor; intensior rubor; major in affectâ parte fervor, imprimis in exedente in quo deprehenduntur acerbior pruritus, molestior sensus erosionis, velocior cutis exulceratio, citâ nonnunquàm in gangrænam mutatio. In biliosis temperamentis, cachecticis, pituitosisvè corporibus, post notabilem inter exercitia corporis, aut liquorum spirituosorum abusum, humorum commotionem

frequentius observantur ejusmodi herpes.

CXLI. In herpete Crustaceo, in omni estiomeno lymphæ cutis, oleum, gluten, spissitudinem & acrimoniam contraxerunt; succis lentis turgent glandulæ cutaneæ. Aliàs ichor herpeticus ex cellulæ telæ cellulosæ migrat in cellulas; ulcus indefinenter expatiatur, nunc in latum, ubi tenior est ichor; nunc in partes subjectas, ubi magis oleosus, crassior, lentior est, unàquæ vitæ vis infirmior. Crustaceo & estiomenis imprimis tentantur ii quibus cutis adipe & sero valdè turget, quales sunt pinguedinosi & cacochymici (a).

CXLII. Herpeticus ichor vitæ viribus indomabilis est: imò inter artis auxilia vix alterationem patitur. In quolibet enim herpete legitima naturâ vel arte nusquam cieri potest suppuratio (b). Verùm nisi rescindantur ejus radices, constanter viget morbi seminum. Nunc tacitè vires acquirit eundo contracta labes; nunc protinus evolvitur & sua variis in regionibus infligit vulnera. Varii autem sunt ichoris herpetici fontes.

CXLIII. Herpes hæreditariâ labe comparatur cum ex parentibus vel nutricibus herpetico viru tinctis sobolescent aut alimoniam sugunt pueri quorum corporis rudimenta morbi germine hæc viâ conspurcantur. Dum evolvuntur organa, major evadit humorum motus; ad corporis ambitum adauctâ vi cordis uberius mittuntur; luis germina sensim explicantur; in cutem corrivantur; perpetuumquæ liquoris herpetici stillicidium excitant*. Fœtus syddatus ac veluti tabo putrefactus abortu rejectus est, dum herpetis evanescentis ac sensim in graviditate

(a) Liber cui titulus, *Liv. des observ. chirurg.* Observat. VII. pag. 37. Tulpus, *obs. med. monita med.* 42. pag. 384.

(b) Barchusen, *collect. med. gener.* pag. 349.

* Hæreditaria lues ad adolescentiam non raro illucescit; St. Blanchard, *inst. chirurg.* cap. XLVI. pag. 525.

discussi humor fuit ad partes uterinas translatus (a)... Variis in proavi lue venereâ infecti stirpibus herpes squamosus ficans in facie potissimum ac naribus erumpit circa pubertatem, ut in duabus familiis cæteroquæ numerosis hic datur observare... Sana videbatur mulier quæ foetum lue venereâ infectum crustosis ulceribus scatentem edidit (b)... Qui puer à parentibus morbum pustulosum contraxerat, lue venereâ non unam nutricem infecit (c).

CXLIV. Cum exiliora sunt fibrarum stamina, vis fasciculorum muscularium debilior est; elanguescunt vasorum actiones; minor est fluidorum motus; minor tritus & elaboratio; minus rite defecantur viscera; recrementis infarciuntur potissimum jecur & lien [§. 32, 33] : illa sensim cutem appellant, & ulcus excitant. Hoc, instar fonticuli, sensim eliminatur humor qui majores in infarctis visceribus excitavisset strages, nisi viam aliam elegisset... Zona persequitur pallidiores & cachectico corporis habitu præditos [§. 92]. (d). Scorbüticis, hypochondriacis, cachecticis familiaria sunt cutis vitia (e). . . . “ Quibus, inquit Hippocrates, magnus est lien, si quidem biliosi sunt; foedati multum apparent, ac ulceribus obsiti. . . . Secto cadavere hominis herpetici, lien insignis magnitudinis, valde inflatus, turgidus & liquamine atro sanguineo repletus apparuit (f)... Senec-

(a) Ballonius, conf. med. lib. II. conf. XXVIII. pag. 245.

(b) Blanchard. ibid.

(c) A. Lusitanus Curat. Med. Cent. I. Cur. XLIX. L. p. 81. 82.

(d) Th. Bonnet, oper. chir. Tom. II. de affectib. extern. Sect. IV. Liv. VI.

(e) Hoffmann. ibid. vol. III. cap. V. §. XX... Ad diagnof. obftructionum hepatis valde conferunt maculae & cutaneae efflorescentiae. Ballonius confil. med. lib. II. hift. I. pag. 55.

(f) Hoffmann. ibid. obs. VIII. pag. 442.

tam in quâ sensim perimitur actio mutua fluidorum in solida, scorbutum alterum non immerito diceret (a). ulceribus autem cutaneis in inferis potissimum artubus ætas senilis est obnoxia. In pueris humores ad superiora magis raptum efficiunt: in adultis medium corpus affectibus pruriginosis frequentius exaratur.

CXLV. Inter corporis exercitia validè contrahuntur alternis vicibus & relaxantur muscoli. His impliciti liquores fortius adacti uberius exprimuntur; copiosius fluunt ad cor sanguis, ad cutem lymphæ; frequentius & altius inspiratur & expiratur aër: dum sic adaugetur sanguinis impetus, jecur musculis abdominalibus & diaphragmate validè comprimitur; major exprimitur bilis [§ 33] quantitas; calor alioquin intenditur; spissantur fluida; remorantur in emunctoriis; majorem inibi concipiunt acrimoniam; eliquantur; fibras vellicant; in motum ducta mittuntur ad cutem; variæ pustulæ, erysipelata cum febribus emergunt (b); *commotis* enim, ut cum Hippocrate (c) loquitur Theophrastus, *impuris corporibus fiunt ulcera*.

CXLVI. Cum inertī torpet otio corpus, recrementis impletur tela cellulosa; turget adipe; comprimuntur vasorum rubrorum radices; motus solidorum impediuntur; liquida stagnant; magis ac magis alterantur; cachecticum, scorbuticum evadit corpus: nascuntur ulcera (d) ... ex Judæis, qui sedentarias ac statarias artes exercent, omnes fermè vadunt in melancholiam, præcipuè cachexiam; ita ut etiã inter ditiores pauci sint

(a) Walschmidius, inst. med. lib. IV. cap. VI. pag. 112.

(b) Tozzi, de recto non natural. usu, pag. 240.

(c) Exoriuntur ulcera, si quis dum impurgatus est, laboraverit. Hippocrat. Epid. VI. V. 50.

(d) Swietenius, Comment. in Boërrh. Aph. 1151. Tom. III. p. 602.

qui pruriginoso aliquo affectu non laborent (a).

CXLVII. In somno diutius protracto minuitur admodum liquidorum circuitus; recrementa copiosius in telam cellulosam congeruntur; pars tenuior exhalatur: remanet crassior & ad acrimoniam concipiendam magis idonea... pariori factâ per noctem insensili perspiratione, plus puris effluit ex ulceribus cutaneis (b).

CXLVIII. In vigiliis diutius protractis major adest humorum agitatio; sero suo sensim spoliatur sanguis; maiorem contrahit spissitudinem & acrimoniam lymphâ... pruritus, scabies, herpes immodicis vigiliis non rarò succedunt... sanguis autem scabiosorum & ulceribus cutaneis laborantium ferè semper concretus apparuit (c), & in coagulum adeò densum firmatus (d); ut sale penetrari nequeat; efferbuerit cum aceto, & plumbum ustum supernataverit (e).

CXLIX. Aëre frigidiori vel humido vel utroque stringitur obturaturvè cutis; spissantur cutanei liquores; in cute morantur; vix vel non perspiratur (f); & nisi una excretio gerat vices insensilis perspirationis, humores excrementitii sensim in corpora coacervabuntur, morâ liquabuntur, morbisquè cutaneis originem dabunt... „gressâ æstate humidâ & frigidâ, siccioris tem-
„periei homines pruriginosâ serpiginosâ scabie la-
„borârunt (g)... autumno & vere humidis, aut

(a) B. Ramazzini, de morb. artif. diatrib. cap. XXXII. pag. 603.

(b) De Haller, elem. physiol. tom. V, lib. XII. sect. II. §. XVI. pag. 75.

(c) Morgagn. ep. anat. LIII. §. 7.8 & seq.

(d) Hoffmann. ibid. §. XIX. pag. 429.

(e) Calmet, ibid. Tom. I. dissert. sur la lepre, pag. 566.

(f) De Haller, ibid. §. 19. pag. 83.

(g) F. Hoffman., ibid. obs. VII. pag. 441.

se prodit, aut recrudescit, aut redit herpes (a). Omnium autem pustularum genera frequentius autumnali & vernali tempore proveniunt (b).

CL. Æstate spissantur humores ; acrimoniam concipiunt (c) : & quâ proportionē accedit autumnus , eâdem frigore constipatis cutis emunctoriis , excrementa congeruntur in cutem , & hanc eò citius exedunt , quòd ichor herpeticus æstivis caloribus adustus longè sit acrior : *morbi enim* , inquit Ballonius , *autumnales magis fiunt ob qualitatem . . .* „ Sub autumnī finem , ac deinceps per totam „ hyemem sequentis anni , Neapoli crustosum erysipelas (herpes exedens) vagatum est ; quod cunctos facie peculiariter affecit , cum febre acutâ , „ pervigilio , delirio , narium hæmorrhagiâ aliisque „ pravis symptomatis ; è quo pauci admodum evasere (d).

CLI. Eadem præstare videtur aeris calidioris in frigidiorē mutatio , vel alterna caloris & frigoris vicissitudo . . . Observatum enim est plures qui ex Galliâ & regionibus trans Rhenum sitis , aliisque locis vitiferis aere subtiliori donatis ad Athmosphæram rigidiorē se converterunt , ulceribus cutaneis fuisse tentatos (e).

CLII. Hyemali frigore sana firmanantur corpora ; cacochymica verò recrementis frequentius obruuntur (f), & licet Hippocrates meritò dixerit (g) *vernam tempestatem omnium saluberrimam* ; attamen cum

(a) F. Hoffmann. ibid.

(b) Skenkŭs , obs. med. lib. V. pag. 629.

(c) Oris ulcerationes æstate fiunt. Hypocrat. aph. sect. III. aph. XXI.

(d) Tozzi , in Aph. Hypocrat. sect. VII. Aph. XX. pag. 171.

(e) Hoffmannus ibid. pag. 427.

(f) Hyeme frequenter ; observantur achores , N. Piso , de cogn. & curand. morb. Tom I. Lib. I. cap. V. pag. 21.

(g) Hippocrates , aph. Sect. III. Aph. IX.

vernales ad auras intumescunt ductus cutanei, major fit ad corporis ambitum, humorum hyemali tempore congestorum proventus. Ideò, non in sanis, at in cacochymicis corporibus, vere prodeunt impetigines, vitiliginis, pustulæ ulcerosæ & tubercula (a) plurima.

CLIII. Calidior aër cutem efficit rariorem; fit major excrementorum in eandem affluxus; fluida turgent, rarescunt, eliquantur; elongantur solida; vires hebescent; fluidorum stagnationis, dissolutionis & acrimoniæ effectus ubiquè corporis persentiuntur... In Hollandiâ morbi cutanei sæpè deprehenduntur Austrorum sequaces (b)... In Asiâ ubi fervet æstus, & mala victus ratio; canceri frequenter occurrunt (c)... Austrinam tempestatem, *quæ feri mali parens est*, sequuntur pustulæ, prurigines (d), &c.

CLIV. Tristitiâ, mœrore, poenitentiâ quassatus homo percipit in regione Gastricâ quamdam ventri constrictionem & pondus; respiratio laeditur; cordi gravius incumbit onus; languet circulatio; & motus recrementorum suspenduntur (e); aliundè subvertuntur digestionis; malè peragitur ultima succorum alibilium concoctio; horum colluvies jam remoratis in corporis habitu recrementis addit alas; acrimoniâ magis ac magis contractâ, cutis exeditur.. Animi pathemata languidiora scorbutis, cardialgiis, melancholicis tumoribus, canceris [§ 98] fores pandunt (f).

(a) Hippocrates, *ibid.* Aph. XX.

(b) Zimmermann, *Traité de l'expér. en Méd.* Tom. II. pag. & *suiv.*

(c) P. Alpinus, de Medicinâ Ægypt. Lib. I. cap. XIII. pag. 23.

(d) Ballonius, *consil. medic.* Lib. II. Conf. XLII. pag. 287.

(e) In tristitiâ & mœrore gravius evadit corpus. De Haller, *element. physiolog.* tom. V. Lib. XII. Sect. II. § 14. pag. 71.

(f) Walschmidius, *inst. med.* Tom. I. cap. X. pag. 44.

CLV. Majorem solidis tonum impertiuntur validiores animi commotiones; æstuat in vasis sanguis (a); moventur in cacochymicis recrementa & cutem appellant... Ab animi vehementiore succussione homo labitur in notabilem corporis inertiam, artuum tremores, &c. pallet cutis; morantur ad corporis ambitum recrementa, & occasione datâ prurigines inducunt.

CLVI. Neque solùm externam, sed etiã internam [§ 23] perspirationem lædunt validiores aut languidæ mentis commotiones. Dum enim convellitur alimentaria [§ 14] fistula, & angunt cordis palpitaciones, non solùm elanguescit sanguinis motus in abdominalia viscera; sed non rarò sic *spasticè stringuntur intestina*, ut bilis, quæ secum universa fermè viscerum abdominalium recrementa trahit [§ 32], aditus in duodenum præcludatur, recurrat in hepar in quo morâ protractâ liquatur, acrimoniam concipit, varicosquè subeundo telæ cellulosæ [§ 36] tramites tandem cutem appellit & herpetem excitat.

CLVII. Qui spirituosius abutuntur, iis paulatim subvertuntur digestionēs: inspissantur sanguis & alibiles succi; nec rarò recrementis infarciuntur viscera; sensim augetur obstructio; recrementorum reliquiæ mittuntur ad cutem & herpetem nonnunquã excitant.. Spirituosius abutentium visa cadavera præ se ferunt scirrhus jecoris (b); nec rarò his adjunguntur ulcera tum interna tum externa... Sordidis crurum ulceribus obnoxii sunt bibaces, edaces, scabiosis, herpeticis contaminati pustulis falicarii (c).

(a) Eller, ibid. Sect. I. pag. 16. & seq.

(b) Cl. Lorry, *Traité des alimens*, Tom. II. pag. 203.

(c) Ramazzinus, ibid. cap. XXVIII.

CLVIII. Acræ medicamina (a): cibi saliti, peracres, aromatici; piperata; saliti pisces; carnes fumo indurata &c. ejusmodi, quæ humorum acrimoniam concitare valent (b), pruriginosis affectibus ansam non raro suppeditant.

CLIX. Cibi farinacei, pingues; alimentorum crassioris, ac durioris substantiæ farragines ægrè digeruntur: sanguinem vitiant; viscerum infarctus accersent: sensim in præcordiis comparatur excrementorum colluvies, quæ datâ quâlibet occasione in cutem irrumpt & herpetem excitat.

CLX. Maxima tamen consuetudinis in victu ratio habenda est: *consueta enim, à multo tempore, etiamsi deteriora fuerint, minùs turbare solent* (c): Hinc evenit ut farinaceis assueti validisque laboribus unà dediti Rustici non ideò pustulas cutis contrahant. Ex adverso cita cibi dulcis & pinguis in acriorem (quemadmodum subita quâlibet in sex rerum non naturalium usu) mutatio morbos cutaneos excitare valeat... Nempè dum unà cum climate mutatur victûs ratio; piperatis & cæteris ejusmodi abutuntur qui alioqui calidiorem Atmosphæram experiuntur recéns advenientes in Indiam, sudamina sæpiùs experiuntur adeò infesta, ut pustulis ungue apertis ulcuscula cacoëthica sæpè oriuntur ut maligna, sic sanatu difficilia (d).

CLXI. Cum excernenda variis in organis retinentur; suboriuntur affectus pro morbificæ materiæ sede, indole, & vitæ viribus diversi. Interim, ut nobilia serventur viscera, Natura sæpè permittit aut ipsa procurat ut morborum impetus ad

(a) Hoffmann. *ibid.* § V. pag. 435.

(b) Eller, *ibid.* Sect. I. pag. 13. Cleyerus, &c.

(c) Hippocrates, *aph.* Sect. II. *aph.* 50.

(d) Bontius, de *Med. Indorum*, cap. XVIII. pag. 33.

aliquam partium ignobilium feratur... hâc viâ tum acuti tum chronici soluti non rarò visi sunt (a).

CLXII. Recrementa his in circumstantiis febriles inter motus in corporis ambitum ejici non rarum est... » Certis anni temporibus sub imagine » serpiginis miliaris vel aliâ papularum rubellarum » facie quandoque prodeunt herpes, ex quibus » non rarò serum acre sub epidermide hinc & » indè elevatum eructatur; qui si temerariò medicamentis retroagantur, valdè periculosos excitant affectus (b). Ab his non multum alienas observationes tradidit (c) *Cl. de Hautesierck*.

CLXIII. Declinantibus variolis aut febribus continuis, morbi reliquias in summum corpus nonnunquam ablegat Natura; & virus sub imagine impetiginis furfuraceæ, virulentorum & mali moris ulcerum potissimum in facie & lumbis obortorum ex præcordiis extricat, quorum humor ubi remeat ad præcordia; citò sphacelum affert & gangrænam, nî tempestivè remediis perversa retundatur ejus indoles (d).

CLXIV. Colluvies catarrhosa quæ coctionem eludit, in cutem quandoque corrivatur & herpetem miliarem discretumvè proritat. Hyeme nuperâ vigeat in Urbe nostrâ catarrhus in quo materies peracris arduum plurimis ægrotantibus & Medico faceſſebat negotium: in pueris, frequentius in adultis humor in faciem circa nares & labia irrumpens herpeti discreto dabat originem... herpetem, quo laborabat puella, præcur-

(a) Hoffmann, ibid. §. 17. pag. 428. & §. 18. obs. I. pag. 438.

(b) Eller. de cog. & cur. morb. acut. Sect. VI. pag. 157.

(c) *Observations de Médecine*, Tom. II. pag. 312.

(d) R. Morthon, de variolar. declinatione, cap. X. pag. 129. Obs. Chirurg. obs. XXI. pag. 46.

rebant multæ catarrhofæ fluxiones & ingens odontalgia (a).

CLXV. Rhumatica colluvies *vi vitæ* nonnunquam ducitur ad cutem ; hâc viâ musculis aut visceribus impactus humor extricatus & ad corporis ambitum ablegatus herpetem excitat, evanescentibus principis morbi symptomatibus... « novimus, inquit Hoffmannus (b), immanes artuum dolores obortâ pforâ vel scabie lepræ albæ naturam habente, penitus sublatos... artuum dolores ulceribus sponte obortis in pedibus conquievissè, qui postquàm arte consolidata fuerunt, mox resuscitati sunt, pluriès annotavimus.

CLXVI. Cum humor arthriticus in artus detonat, non rarò tumet aut inflammatur pars affecta. Pars humoris arthritici per poros cutaneos tenuior exhalatur; altera copiosis urinis sponte vel arte prodeuntibus feliciter eructatur; aut cutem vulnerat, variasquè ciet efflorescentias quarum eruptione multum levaminis accipiunt ægotantes (c) ... nonnunquam etiàm herpetem excitat humoris arthritici visceribus impacti metastasis in cutem.

CLXVII. Cum adest acrium humorum in viscus aliquod affluxus, Natura morbi fomitem aliquoties ducit in organum ignobilius... ulcera exedentia in pedibus & manibus apparentia phthisim in mercatore Londinensi averterunt... tuberculum tibiâ

(a) Th. Bonnet, Oper. Chirur. tom. II. lib. VI. sect. IV. de tum. p. n. Obs. XVIII. pituitû humoribus acris permixta, quocunque proruperit, maxime in non consuetos locos, eos ulcerat. Hippocrates, de flat. §. XVI.

(b) Hoffmann. med. rat. systh. vol. II. de doloribus & spasmis, &c. Sect. II. cap. VIII. pag. 32. & vol. III. cap. V. obs. I. pag. 437.

(c) Idem ibid.

mediâ infidens puerum à morbo quo, tuberculo evanescenti, deinceps extinctus est, tres menses vindicavit (a).

CLXVIII. Comate somnolento afficiebatur puella quæ miliarem herpetem in brachio postea passa est (b)...hic vivit æger qui per aliquot annos importunâ tussi fatigatus, tandem herpetem squamosum in axillâ sinistrâ fuit expertus: tussis intereâ siluit quæ herpete nunc evanescente redit, nunc resurgente recedit.

CLXIX. Mulier cateroquæ sana, priusquàm in femoribus erumperent impetigines [§. 110], atrocissimâ premebatur colicâ, quæ prout observavimus, toties redibat, quoties sponte evanescerent impetigines... vomitus aderat, dum herpes in ventriculo federet (c).

CLXX. Sudaminibus obnoxia sæpè videtur senilis ætas. Humore uberrimos inter sudores cum intolerabili quem notavimus, pruritu ex visceribus extricato, pristina redit sanitas.

CLXXI. Cum recrementa jecoris aliorumvè viscerum abdominalium remorantur in præcordiis, sæpè se produnt hæmorrhoides. Humoriluvies non rarò cutem appellit & herpetem, præcæteris zonam [§. 89] excitat... Aliàs suppressis hæmorrhoidibus humor cerebrum impetit ac feram inducit apoplexiam alioqvè cerebri affectus [§. 120].

CLXXII. Nonnunquàm etiam variarum, quæ fiunt per uterum, evacuationum vicarius observa-

(e) Swietenius, comment. in aph. 1198. Tom. IV. pag. 17.

(b) Th. Bonnet, oper. chirurg. tom. II. lib. VI. sect. IV. observat. XVIII.

(c) De Haller, elem. physiol. Tom. VI, Lib. IX, Sect. IV. pag. 296.

tur herpes. . . Hic fruitur optimâ sanitate virgo quæ nusquam menstrua nisi per cutem passâ est. Certis temporibus variis in cutis regionibus, potissimum in unâ vel alterâ clune se prodit miliaris herpes; ulceratur tumor; sanguis aliquot dies ordinariâ copiâ fluit ex ulcere quod sponte clauditur ad sanguinis recessum. Non valdè absimiles in scriptis Medicorum observationes reperio.

CLXXIII. Cum à diuturno tempore silent menstrua, omnes omninò corporis actiones elanguescunt, corpus recrementis obruitur: cacochymicum evadit; variisque morbis afficitur, nisi recrementis modo quolibet exitus concilietur. Qui tunc erumpit herpes, agros à gravibus ærumnis non rarò vindicat . . . in muliere cui menstrua defecerant, insultus apparent hysterici cum violentis cordis palpitationibus. Ab herpetis furfuracei circum aurem eruptione salus (a).

CLXXIV. Imprægnationis & graviditatis ordinaria symptomata sunt pica, malacia, & pustulæ mensium suppressorum comites (b) . . . lochia & fluor albus ad herpetis exedentis, potissimum miliaris adventum sæpiùs evanescent . . . in febre puerperarum lacteâ humor in cutem quandoque mittitur & herpeticam affectionem humoris colore facilè dignoscendam generat (c).

CLXXV. Cum naturâ vel arte, citiùs, quàm par est, occluduntur ulcera quibus natura defecabat corpora; retroacta sanies aliam legit viam; majorem nonnunquàm offendit circâ corporis penetralia resistantiam; minorem verò versùs am-

(a) *Mémoire de l'Acad. de Chir, Tom. I. Chap. I. pag. 14.*

(b) *Ballonius, consil. med. Lib. II. cons. 42. pag. 287.*

(c) *Puzzos, Traité sur les Accouchemens, mém. sur les dépôts laiteux, pag. 346.*

bitum; in cutem sibi pandit iter ac herpetem non raro suscitatur... occasionem herpeti miliari quandoque dedit ulcus narium (a)... Zonâ quidam periit ex ulcere cruris quod intempestivè consolidaverat Chirurgus (b)... Levissimo narium ulceri perfanato succedebat herpes miliaris in brachio erumpens (c)... tibia pulvere tormentario comburitur; frigidis applicatis inflammatio cruris aliaque graviora symptomata suboriuntur; herpete totum crus exeditur (d)... post retropulsam in milite scabiem, herpes exedens effloruerat in toto corpore (e).

CLXXVI. Antequàm herpetes erumpant in his circumstantiis, febris ut sæpius excitatur, quâ vigente humor in ignobiliora rejicitur organa... febre continuâ laboravit ager, in quo devictâ scabie ulcera maligna serpentina in toto corpore visa sunt (f)

CLXXVII. Non tamen in omnibus aëris adeo felices observantur artis vel naturæ conatus.... arte siccatis tibiæ ulceribus, icterum, dysenteriam & mortem passus est adultus (g)... miris omnium corporis partium convulsionibus veluti strangulatum occumbere vidimus puerum cujus herpes palpebrâ sinistrâ insidens fuerat retroactus.

CLXXVIII. In scorbuticis affectibus humorum illuvies ex corporis penetralibus nonnunquam ejicitur ad ambitum. Indè prodeunt pruriginosæ cutis affectiones quarum eruptione morbi cura longè fa-

(a) Vigier, *grande Chirurg. chap. XII. pag. 357.*

(b) Langius, *Ep. med. XXXII. pag. 497.*

(c) Bonnet, *chirurg. Tom. II. lib. VI. sect. IV. obs. XVIII.*

(d) Hildanus, *obs. chir. obs. XCIX. pag. 124.*

(e) R. de Hauteclercq, *Obs. de Med. tom. II. obs. VII. pag. 318.*

(f) P. Poterius, *Cent. II. Cap. I. pag. 23.*

(g) A. Lusitanus, *curat. med. cent. I. curat. LXXXIII. pag. 132.*

cilius obtinetur (a)... quæ de scorbuto hic tradimus, ea de cacochymia sunt eodem modo accipienda.

CLXXIX. Cum virus scrophulosum artis vel naturæ operâ subactum in cutem emovetur, varii pro humorum acrimoniâ, tenuitate vel spissitudine herpes nonnunquam efflorescunt, adauctâ vel minutâ strumâ, prout parcius aut uberius ex ulceratâ cute manat scrophulosa lues (b). Aliàs virus herpeticum scrophulosi naturam induit [§. 98.] & herpeti strumæ succedunt.

CLXXX. Inter varias herpetis species nulla frequentior observatur herpete squamoso potissimum in pudendis insidente. Huic imprimis occasionem dat virus venereum (c).... Viri quos novimus, quatuor cum infectâ muliere eâdem nocte concubere. Singuli herpetem squamosum contraxerunt... lue venereâ & herpete squamoso tentatus cum muliere sanâ concumbit; alter postridiè cum eâdem coit, & herpete squamoso in eâdem cutis regione sito donatur.

CLXXXI. Media fermè pars hominum confirmatâ lue venereâ tinctorum herpete conspurcatur, qui sub humili rusticorum casâ, ubi delitescit virtus, longè rariùs occurrit.... Adeò frequens luis venereæ symptoma reputatur herpes, præ cæteris squamosus; ut, in ancipiti casu, latitans virus venereum (d) sapiùs incusetur illo præsentè.

CLXXXII. Quadruplici sub respectu considerari potest virus venereum; vel quatenus inflammationum

(a) Glissonius, de Rachitide, cap. XXII. n. 27. pag. 301.

(b) Cl. de Bordeu, *Dissertat. sur l'usage des eaux de Barèges*, & du mercure dans les écrouelles, pag. 61.

(c) F. Joël, oper. Chir. de tum. cutis in specie; pag. 182. Poterius, Cent. II. cap. LXV. L. Botallus, de lue venereâ, pag. 451. Manardus, Cent. II. lib. VII. Ep. med. II. pag. 52.

(d) *Médecine Théologique*, Tom. II. part. III. pag. 312.

author, ut in gonorrhœâ, urinæ fervore, bubonibus, &c. vel quatenus parùm lassis solidis fluida magis impetit ac proinde mariscas, thymos, verrucas, fungos, exostoses inducit; vel corrosivum, quo excitantur ulcera phagedænica, narium, mutilationes, herpes; vel tanquàm pustulosum(a).

CLXXXIII. In lue venereâ corrosivâ potissimum ac pustulosâ habentur exempla naturæ syphiliticum virus extrâ corporis cancellos eicere satagentis.

CLXXXIV. Ea tamen sæpiùs est luis venereæ energia ut non rarò maximam humoribus interat visciditatem. » Plures enim, inquit Massa (b), mortuos » in hospitalibus secui, qui viventes morbo gallico » laborabant, in quibus venæ per universum corpus » erant plenæ materiâ pituitosâ albâ, quæ pituita » longè in quantitate superabat sanguinem; & loca » etiam dolorosa madebant eâdem materiâ pituitosâ, imò in aliquibus omnes lacerti madebant istâ » jam dictâ materia.

CLXXXV. Benignioris indolis venereum virus hodiè faciliùs cutem appellit & ad exhalandum per cutis spiracula videtur aptius (c). Ideò cum nostris temporibus evidenter à suâ malignitate deflexerit; rarior occurrit lepra qualis olim observabatur (d).

CLXXXVI. Fatemur intereà non omnem lepram à viru venereo scaturire qui aliorum observationibus (e) edocti novimus aeris calidiorem

(a) Mauget, Bibli. Chir. Tom. IV. lib. XV. cap. V. de syphilide, pag. 88. & seq.

(b) Epist. med. tom. I. epist. XXX.

(c) R. de Hautehierck, obs. de med. tom. II. chap. V. pag. 310.

(d) Calmet, Dissert. sur la lèpre, Tom. I. & dissertat. sur la malad. de Job, à pag. 274. ad 285.

(e) Ab usu aquæ putrefactæ, & salitorum Cacoehymia, scorbutus, Elephantiasis. P. Alpinus de med. Ægypt. Lib. I. pag. 26, &c.

Annonæ penuriam sequebantur ulcera cutanea. Galenus de probis, pravisque aliment. succis, cap. I. Charter, Tom. VI. pag. 416. 417.

temperiem; pravam victus putridi, saliti, piperati, paludosi &c. rationem scorbuti, lepræ, & elephantiacis sceditatibus ansam non raro suppeditasse.

CLXXXVII. Neque solus herpes squamosus lue venereâ tinctos adoritur. Virgo enim, quam vidimus, venereum ulcus in sinistrâ nare patiebatur; quo evanescenti gravis accedit cephalalgia cum febre, comate somnolento. Revirescit sanitas ad herpetis miliaris eruptionem in brachio sinistro. . . . Syphilide fuerat affectus tutor calceonarius qui postea zonam expertus est (a). . . . herpete farinaceo in seroto & facie hic tentatur lue venereâ infectus. . . . Elephantiasis ei minabatur, qui ter luem hispanicam contraxerat. . . . quibus malè curata lues, si sæpè redduntur elephantiaci; impetiginosi (b).

CLXXXVIII. Contagio traducitur ichor herpeticus, cum indefinenter avolans ex ulcere herpetico fumus (c) halituosus in sani cutem viâ quâlibet intromittitur. . . . “ Hinc affecti loci contrec-
 » tatione ab alio; ablutione in eadem aquâ in quâ
 » lotæ sunt partes impetiginosæ & serpiginosæ; ab-
 » sterfione manuum & faciei cum linteolo in quo
 » absterfæ sunt partes serpiginosæ (d); & chiro-

Plebei, Mendici, Pauperes vivunt obnoxii sordidis dorsis, brachiorum, femorum, surarum, &c. ulceribus. F. Hoffmann. med. rat. systemat. vol. III. cap. X. §. IX. pag. 427.

In Insulâ Javâ frequens est elephantiasis, ubi prava datur victus ratio, loci calor adurit & venerea lues est inquinata. Bonnet, Chirurg. Tom. II. Lib. VI. Sect. V. I XV. Ab austrinâ tempestate & diluvio quod circa Pelagii tempora erupit, luem veneream & quodlibet pustularum malignarum genus repetit Leonicens, de morb. gallic. fol. 128.

(a) Manget, Bibli. Chirurg. tom. IV. lib. XVI.

(b) Ballon. Consil. med. Lib. I. cap. LXI. pag. 349.

(c) Ezech. à Castro. ign. lamb. pag. 60.

(d) Joël, praxeos Lib. X. Sect. III. pag. 546. Virgil. Georgic. Lib. III. versùs finem.

» thecæ manibus inducæ ab impetiginosis antea usur-
 » patæ novaculorum viru tinctorum usu ; . . .
 concubitu & deosculatone (*a*) herpes traduci po-
 test præ cæteris humidus (*b*).

CLXXXIX. Cum in cute stagnat humorum il-
 luvies ; ex animalculorum ovis in illam depositis &
 loci calore incubatis prodeunt vermes qui hinc &
 inde reptantes , acriter latibula sua compungentes
 molestum , excitant pruritum . . . in scabie potissi-
 mum (*c*) ac herpete miliari (*d*) nonnunquam ap-
 paruerunt. An à sanguineis vasis ad cutem dilapsi
 sunt ? . . . Aliquoties in sanguine visi sunt (*e*) . . .
 Estiomenum procul dubio concitassent vermes
 exigui in pustulâ lentis magnitudinem vix superante
 latitantes , nisi causticis aperto tumore subduxis-
 set eos Poterius (*f*) . . . Non tamen causam omnis
 morbi , etiam cutanei , cum Cl. Default , vermem
 benè diceres.

CXL. Longè frequentius herpetis eruptioni fa-
 vent ea , quæ cutem siccant , stringunt , obsti-
 pant , aut quâlibet viâ sic afficiunt , ut acrium suc-
 corum variorumquè recrementorum ex cute con-
 tinuò manantium ostia præcludantur (*g*) ; ac exitus
 illis omninò denegetur ; videlicet cutis , aere sicco ,
 sole vel igne siccatio ; aquâ fervidâ ambustio ; fri-
 gore constrictio (*h*) ; compressio ; ligaturæ (*i*) dis-

(*a*) Tractat. patholog. de morb. cutan. cap. XVI. pag. 273.

(*b*) Astruc. *Traité des Tumeurs*, Tom. II. Liv. II. chap. II. pag.
 279.

(*c*) Morgag. Ep. an. Epist. V. §. 6. & seq.

(*d*) Tozzi , in Hippocr. aph. Sect. VI. aph. IX. pag. 168.

(*e*) Isaac Cattierus , Hist. & observ. méd. phys. Cent. III. obs. IV.
 pag. 198.

(*f*) P. Poterius , Cent. I. Cap. XLVII. pag. 43.

(*g*) F. Platerus , de superf. corp. dol. pag. 776.

(*h*) Hildanus , obs. chir. cent. 1. obs. 99. pag. 74.

(*i*) Trincavellius , cons. med. Lib. III. consil. CXVII. fol. 685.

tentio, ictus, frictio, abrasio (a) immundities, vestimentorum sordes, &c.

CLXLI. Herpeticus ichor variis de causis retroagi potest. Cum infirmantur cordis vires; quæ minimis in canalibus hujus actione fermè sola peragebatur, elanguescit humorum circulatio; recrementa lentius & parcius varia cola & cutaneos porulos appellant; telam cellulosa infarciunt; ex hac in viscus in quo minorem offendunt resistantiam, dilabuntur; atque pro variis in quibus decumbunt organis pro majori vel minori suâ acrimoniâ; varios, periculosos admodum ac sæpè lethales excitant affectus.

CLXLII. Hæc phænomena in ætate senili rugis distinctâ; potissimum inveteratis herpetibus; vel fractis viribus ægotantium sæpius observantur.... Senes occlusis sponte ulceribus citò pereunt.... In mammis mulieris insidens herpes sponte siccabatur & evanescebat. Citò mulier acutâ plevro-peripneumoniâ corripitur & frustra tentatis quibuscumque remediis moritur (b). Similes nec in praxi medicâ raras observationes omittere liceat.

CLXLIII. Omnia porrò quæ cordis & vasorum rubrorum vires infirmant; motum humorum & recrementorum evacuationem intercipiunt; aut modo quolibet ita retardant, ut in corporis penetralia retroagatur virus herpeticum, inter causas percussione herpetum jure numerantur.

CLXLIV. Ad eas revocantur languidiora mentis pathemata; vita deses; somnus diutius protractus, quam pati potest ægrorum ætas aut constitutio corporis; aer spissus, frigidus, nebulosus;

(a) Astruc. *Tr. des tumeurs*, ibid. pag. 276. 277;

(b) R. De Hautesierek, ibid. pag. 323.

potus aquosi, frigidi, largiores; alimenta frigida, aquosa farinacea, ceteraque ejusmodi, quæ sanguinem spissum crassioraque recrementa præstare valeant, aut molem humorum, infirmatis unà solidorum viribus, adaugeant.

CLXLV. Cum adsunt causæ delineatæ [§. 194]; ubi medicamentis frigidis, oleosis, stipticis, causticis, &c. obteguntur ulcera herpetica; vel idoneæ curationi variarum herpetis specierum cautela neglectæ sunt: tunc præpeditur ichoris effluvium; hic varios subit telæ cellulosæ tramites; & in caput, thoracem aut abdominalia viscera, potissimum in organum undè manaverat, refluit.

CLXLVI. Quot & quantas non experti sunt strages; quàm gravibus ærumnis intempestivè topicorum usu comparatis non mulctati sunt, qui Medicorum severum, dum herpetis cura tentabatur, vitæ regimen imperantium consilia spernentes, circulatorum, agyrtharum & cæterorum ejus farinæ medicantium opem sunt mutuati!... Siscitanti dicent sepulchra quibus victimæ vix numerabiles jacent æternis obvolvendæ tenebris.

S E C T I O I I I.

De herpetis diagnosi.

CLXLVII. Diversas cutis pustulas & ulcera decurrenti & cum herpeticis maculis comparanti luculenta sese primo intuitu offerunt mutux omnium secum invicem affinitatis argumenta.

Pleraque cutis affectiones iisdem, quas variis herpetibus assignavimus, causis possunt excitari; eadem ferme symptomata, nec dissimilem curationis methodum sæpè requirunt: imò metastasibus

æquè periculosis occasionem quandoquè suppeditant.

CLXLVIII. Varias ejusmodi cutis ægritudines inter se peculiari tantummodò humorum alteratione, & exindè surgentibus phœnomenis à se invicem discrepare diceres.

CXCIX. Varii tamen dantur characteres quorum ope herpes ab herpete, vel alio cutis affectu dignoscatur. Priorem diagnosim quod attinet, pauca herpetis historiæ subjungemus, ut potè quòd illa haud operosè deduci possit ex variarum herpetis specierum [§ 52, 56, 67, 72, 75, 83, 93, &c] imaginibus, sede [125.], causis [128.], &c. secum invicem collatis.

CC. Posteriores adimplebit breviter instituta comparatio morborum cutaneorum cum herpeticis maculis vel ulceribus, quales sunt vitiliginis, intertrigo, lactumina, lupus, cancer, &c. magis consimilium.

CCI. Lactumina cum herpete squamoso sicco [§. 61.] aliquam licet habeant affinitatem; attamen, cum benigna sunt, squamas latiores vel crustas absquè pruritu saltèm notabili dimittunt; nec rarò capillorum eruptionis prodromi videntur (a).

CCII. Herpes squamosus humidus videtur cum intertrigine puerorum adeò affinis, ut rubicunda cutis in intertrigine non rarò (b) excorietur, ichorem effundat, quandoquè altè ulceretur [§. 145]; licèt mortificatione sæpè terminetur intertrigo (c).

CCIII. Etsi herpes furfuraceus, squamosus, erysipelas, & herpes exedens secum invicem qua-

(a) Brouzet, *Educat. médicinal, des enfans*, Tom. II. chap. II. pag. 93.

(b) *Tract. pathol. de morb. cut.* Tom. I. cap. XXIV. pag. 193.

(c) *Ethmuller, oper. med.* Tom. II. colleg. pract. de morb. infan-
tium, cap. VI. pag. 1081.

dantenus convenient, in multis tamen valde differunt. Hac autem cutaneorum affectuum analogia cutis superficiei & epidermidis erosione potissimum stabilita, erroribus nonnullis occasionem dedit, quos ipsa Hippocratis, vel ejus Interpretum lectio potuisset retundere.

CCIV. Triplex habetur erysipelatis species : 1^a. subsequitur variarum corporis partium ulcera (a). in eâ sanguis ad margines ulceris remoratus, eliquatus in cutis superficiem effunditur ; & stasi suâ quandoquē gangrænam advocat.

CCV. Rosa nuncupatur altera ; quæ absquē ulcere *quamdam excitat* deflagrationem & ardorem levem. Cutis, haud secus ac in quorundam pulmonicorum facie, roseis perfusa videtur coloribus. Initio februm acutarum quæ crasi humorum scorbuticâ stipantur, sæpius erumpit (b); & rubello tincta colore quandoquē videtur tota cutis ; prout bis vidimus in febribus pestilentialibus. In scorbuticorum facie nonnunquam observatur ; præcipuē cum spirituosos liquores uberius hauserunt ; vel irâ nimium percelluntur. Aliàs in peculiarem faciei locum effunditur sanguis ; ut scorbuticis & sanguineis temperamentis (gallicè vocant *couperosés*) evenit. Macula hæc, quam rosam nuncupant, sanguine rubello velut irrigata videtur ; paucisque modò nullis dimissis fursuribus, perspiratione & sanguinis fluxu redintegratis evanescit.

CCVI. Tertia rigorem habet & febrem cum cutis rubore *qui pressione subterfugit* ; rarò admodum *circumscribitur*; molestum cutis ardorem infert ; epi-

(a) Tagault. inst. chir. Lib. 1. cap. viii. pag. 96.

(b) Kleinus de morb. exit. & præf. pag. 78.

(c) Horstius, refer. Hercule, locorum communium, Lib. V. cap. xv. pag. 312.

dermidem ulcerat: in furfures resolvit; adeoque paucos intra dies excutitur & *erysipelatis ulcerati* nomen retinuit.

CCVII. Cum hæc erysipelatis species deterio-rem se præbet, aut negligitur, aut infrigidantibus tractatur; solet emittere pustulas miliariis [§. 82.] paulò majores, alias aliis minores, acri sero refertas; modò fixas, modò serpentes; tumquè alienam ab erysipelaceâ sibi vindicat indolem.

CCVIII. Cum enim, inquit Kleinius (a), erysipelas malè tractatur, aut negligitur; vadit in sup-
purationem pessimam... Ulcera exedentia, mali-
moris ac insanabilia nascuntur; & tum propriè di-
citur ignis sacer [§ 83].

CCIX. Hic ulceratorum erysipelatum exitus ab Hippocrate designatus fuerat. *Ab erysipelate*, inquit, *putredo aut suppuratio, malum* (b). *Suppurationis* autem nomine Hippocrates hic non intelligit icho-
ris erysipelacei in pus conversionem; verùm icho-
ris in erysipelas congestionem, & ex ejusdem
congestionem, humoris ulcerationem: ac voce *pu-
tredinis*, humoris mutationem in gangranam: non
enim proprium est erysipelatis suppurari vel pu-
trescere (c). Malignum igitur erysipelas, aut ne-
glectum, aut malè curatum, quod vesicatur,
nihil aliud est quàm herpes exedens (d). *Vesica-
tum igitur, dein ulceratum erysipelas, ejusdem est
generis cum herpete* (e); nusquàm enim erysipelas
ulceratum visum est (f).

(a) Kleinius, ibid.

(b) Hypocrates, aph. Sect. VII. aph. XIX.

(c) Cardanus in hunc aph. pag. 768.

(d) Galenus, therapeut. lib. XIV. cap. 2. P. Forestus, obs. chir. lib.
II. obs. 1. pag. 35.

(e) Montanus, comment. in 2. Galeni lib. art. curat. ad Glaucon
pag. 1229 & seq.

(f) Camanes, comment. in eundem Galeni lib. pag. 56.

CCX. Ab herpete erysipelatibus succedaneo [§ 83], vesicis imprimis [§ 120] non longè recedit ignis persicus. In hoc tamen ardor & pruritus molestiores observantur; & cutis velociter, nî succurratur, impletur aquâ subtili adeò acri, ut eam pro veneno habuerit Brunus. His adde quòd locus igne persico vesicatus, sapè lividus, niger aut plumbeus evadat; undè prunæ, carbonisve (februm pestilentialium prodromi vel comitis) nomen comparavit.

CCXI. Cum crustaceo & estiomenis crustâ obductis quadantenus convenire diceret *lupum*; verum suo cutis loco manet lupus, nec serpit, licet quadraginta annos in primum obsessâ parte nonnunquàm visus fuerit (a), non saniosus, nec dolore, nec pruritu &c. stipatus.

CCXII. Neque magis estiomenum [§ 98] pro cancro accipies, ubi noveris hunc ex scirrhis, tumoribus subcutaneis, vel glandulis conglomeratis ortum ducere; labra præ se ferre prædura simul & inversa; dolore lancinante stipari; febre & atrophîâ corpus absumere; vapores adeò tetros ulceratum expirare, ut etiàm à longè stantes molestè ferant; &c.

CCXIII. Herpes squamosus, præcipuè siccus & sinè squamis [§ 60] adeò cum vitiliginibus est affinis ut Riolanus eas ad *morbos levitatis* revocaverit; alii, quos inter Astruccius (b), pro herpetibus acceperint, licet inter utrumque affectum intercedat multum discriminis brevi vitiliginis descriptione detegendi.

CCXIV. Vitiligo est macula cutis nonnihil

(a) Gordonius, de curat. gangrænæ & herpestiomeni seu lupi, Rubr. IV. pag. 72. Guid. de Cauliaco, Paracelsus, &c.

(b) *Traité des tumeurs*, Tom. I, Liv. II, Chap. II. pag. 270.

extensa, subaspera; non rubra, non inflammata; nullis exarata pustulis, nullo stipata pruritu; verum continua & ad carnes usquè nonnunquam extensa. Acu puncta macula nec dolorem exhibet, nec sanguinem dimittit (a). Cum albicat, *leuce* dicitur & in hâc apparent veluti squamæ cutaneæ, ut Aetius ait, seu guttæ, ut Celsi verbis utar, quæ squamas æmulantur. *Alphus* à Celso nuncupatur: ab aliis *Albaras*, *Alguâsen*, *Vernicata*; aut *Morphea nigra* seu *melas*, ubi niger est maculæ color & eadem in cute videntur phœnomena.

CCXV. Ab hac vitilagine parùm differt *leuce*, *morpheea alba*, quæ nihil aliud est, quàm cutanea macula absque tumore, rubore, pruritu, ulceratione vel asperitate. *Leuce* summam tantùm cutem infestat non continua, non cohærens, ast dispersa variis locis cutaneis. *Leuce* alia, quemadmodum *Alphus*, alba deprehenditur; alia nigricans seu *umbræ* similis, vel *hepatis colorem referens*. Utrâque non rarò distinguitur lue venereâ vel scorbuto laborantium cutis, & ut plurimum, nullis advocatis medicaminibus, intrâ quatuor aut quinque dies evanescit.

CCXVI. Signa variarum herpetis specierum anamnestica potissimum eruuntur ex cognitione functionum læsarum, ægri temperiei, & causarum, quæ pruriginosis affectibus occasionem dederunt, quas in Capitis II. sectione II. delineavimus.

CCXVII. An à lue scrophulosâ oriatur herpes, arguitur quòd in juvenibus humorum in aures oculosvè defluxione tentatis glandulæ potissimum in collo intumuerint; si cæteræ pariter infarctæ fue-

(a) Vide, *Mercurialem de morb. cutan.* lib. II. cap. II. pag. 54.

rint glandulæ; si strumis evanescentibus herpes succedant, &c.

CCXVIII. An à viru venereo vel scerbuticâ labe sobolescant herpes, non ità facilè determinari potest. Virus enim venereum aliquoties ità traducitur ut, parùm vel non læsis genitalibus, ad singulas corporis partes æquè distribuatur; & scorbuticis maximè similia proritet symptomata; licèt signis peculiaribus apud plurimos ægrotantes non rarò manifestetur (a).

CCXIX. Verùm justam de lue venereâ movet suspicionem herpes, imprimis squamosus & in eorum genitalibus ortus, quos ad scorbutum non ducunt intemperantia vitæ vel constitutio corporis; qui impuro concubitu labis venereæ vestigia potuerunt contrahere; & solitis medicaminibus haud obsequiosos experiuntur artuum dolores.

CCXX. Qui herpes rhumatismi, cachexiæ; scorbuti, phthisis, colicæ convulsivæ, asthmatis &c. soboles existunt [§. 142]; variarum, quibus ægri sunt aut fuerunt obnoxii, affectionum indolem sequi solent, atque ex accuratâ ægrotantis vitæ historiâ & præsentì corporis conditione haud ægrè deducuntur.

CCXXI. An verò dantur signa pathognomonica morborum ex retropulso herpete scaturientium [§. 115. 116. 117. 118. 119. 120. 121. 122.]? Febris equidem nullâ gravi vel manifestâ causâ pargressâ, videtur violenta: insolita dolorum & symptomatum absque causâ sensibili ferocitas justam quidem movere possunt suspicionem de retropulsione luis alicujûs in organum in quod morbi totus detonat impetus. Ast dubium

(a) Rondeletius de morb. italico pag. 840. Baglivius, &c.

exindè natum tutius excutitur cum æger aut adstantes dissipatum fuisse viâ qualibet herpetem confitentur.

S E C T I O I V .

De Herpetum prognosi.

CCXXII. „ **U**LCERA , inquit Hippocrates (a)
 „ qui nosse volet , qualem quæque
 „ exitum habitura sint : is imprimis quidem ho-
 „ minum naturas animadvertere ; quænam ad ul-
 „ cera melius ; quænam etiam deterius affectæ
 „ sunt ; deindè ætates in quibus sua cujusque ge-
 „ neris ulcera non faciliè profligantur &c. His si
 „ quidem omnibus cognitis , quænam cujusque
 „ eventa futura sint , faciliè assequetur. Corporis
 „ autem probandæ sunt naturæ leves , moderatæ ,
 „ firmis visceribus præditæ neque admodum car-
 „ nosæ , neque duræ. Tùm quæ colore sunt albo
 „ aut nigro aut rubro. Hæ enim probantur si puræ
 „ sunt. Deterius est , si ex pallido mixtum colo-
 „ rem , aut pallidum , aut lividum habeant. Quæ
 „ verò naturæ supra positæ adversantur , eas de-
 „ teriores esse constat.

CCXXIII. Herpes generatim est morbus reme-
 diis parum obsequiosus (b) ; majorem secum im-
 portat foeditatem , quàm vitæ periculum (c) ; artis
 aut naturæ viribus admodum ægrè submoveri po-
 test ; & eo tempore sæpè recurrit , quo curatus
 reputatur (d).

(a) Hippocrates , Præd. lib. II. sect. XVII. XVIII. §. 60. & seq.

(b) Vigier , grande Chirurgie des ulcères , chap. II. pag. 516.

(c) Hippocrates , præd. lib. II. sect. XXI. §. 16.

(d) Astruc. Tr. des tumeurs , Tom. I. lib. II. cap. II. pag. 281.

CCXXIV. Cum herpes naturæ vel artis operâ vincitur, sanus ac incolumis factus homo nullas nec ex virûs in viscera retropulsione dein patitur ægri- tudines; nullam experitur morbi cutanei recidivam.

CCXXV. Rariùs autem observatur adeò benignus macularum herpeticarum exitus (a). Hinc maximè suspecta videri debet parva modo quolibet her- peticæ luis excussio, donec appareant manifesta confirmatæ sanitatis argumenta.

CCXXVI. Herpes in cutem vel *ut morbus erum- pit*, vel *ut abscessus*; vel *ut quid tertium* (b)... *ut mor- bus*, cum in debili corpore pravi cumulantur hū- mores, qui versùs ambitum ejus commoti sensim inibi radican- tur; variasquè pustulas & ulcera dein- cept excitant.

CCXXVII. Idyopathicus igitur erit herpes qui paulatim emergit; qui temporis lapsu capit in- crementum: & qui, ut Hippocratis verbis utar, *longo tempore ad ultimum incrementi sui gradum pervenit*.

CCXXVIII. Cum corporis penetralia recremen- tis infarciuntur quæ suis emunctoriis educi nequeunt; humor telâ cellulosâ visceribus insitâ impactus par- tim in viscus aliquod congeritur; partim cutem sensim appellit; & per hanc indefinenter effluit, quoniàm obstructo viscere non alia magis expe- dita, per quam exhalari possit, humori patet via. Qui autem ex internâ labe, viscerumquè morbis oriuntur herpes, difficiliùs, nec nisi sublatâ vis- cerum corruptelâ tolluntur; facile enim reno- vantur, ac repullulant (c).

(a) R. de Hautefierck. ibid. tom. II. pag. 311.

(b) Ballonius, epid. & ephem. lib. I. pag. 65. 66.

(c) F. Hoffmann. med. rat. systh. vol. III. cap. V. §. XXIV. pag. 456.

CCXXIX. Verùm agri sui statûs inscii, ubi medelæ tempus opportunum daretur, vix aut non Medicorum opem implorant; vel data consilia spernunt subdolâ sanitate conquiescentes; adolescit morbus, cuius fontes exhauriri naturâ vel arte jam nequeunt. Hinc evenit quòd tumores, obstructio- nesvè viscerum, licèt in principiis artem minimè superare videantur; attamen *sivè id ex agri negligentia aut inattentione Medici, sivè ex agrotantis indocilitate fiat, rarò curentur (a).*

CCXXX. Quò recentior igitur erit herpes, quò minùs inveterata sunt viscerum vitia; quò meabiliora vasa; quò parciore ac benignior visceribus impacta moles recrementorum; hòc minùs pertinaces erunt herpes.

CCXXXI. Hinc faciliùs ac tutiùs eradicatur herpes recens, quàm vetustus; in pueris, quàm in senibus; in sanis, quàm in obstructis, cacochymicisvè corporibus: ex variis enim herpetum speciebus, ex sunt pertinaciores quæ secum important alicujus visceris læsionem (b); & ulcera quæ à causâ internâ, scorbuto, cachexiâ suboriuntur, sunt difficillima (c).

CCXXXII. Herpes *ut abscessus* reputatur cum febriles inter motus [§. 161] recrementorum illuvies in cutem tota rejicitur. Cum enim, inquit Hippocrates, *impetigines, lepræ albicantes, vitiligines subito multùmque contingunt, certè abscessus dici possunt (d).*

CCXXXIII. Verè criticus reputatur herpes, cum ab hujus eruptione protinùs evanescit omnium

(a) Carol. Pifo, de morb. à serosa colluvie, cap. III. pag. 349.

(b) Hoffmann. ibid.

(c) Kleinius de morb. exitu & præfagiis, pag. 311.

(d) Hippocrates, prædict. Lib. II. Sect. XLIX. §. 187.

quibus febris stipabatur, symptomatum series: hoc namque modo factâ sanguinis & succorum alibilium despumatione, revirescit sanitas; & excrementa sunt sanorum similia, sic ut corpora tunc tutò possimus alere (a).

CCXXXIV. Cum humoris excrementitii moles non omnis in cutem transmittitur; ab herpetis eruptione mitescunt equidem symptomata & febres; ast non penitus evanescunt. Morbosam tunc non immeritò diceres corporis constitutionem; nec enim omnes omnino corporis actiones velut in sanitate peraguntur, nec excrementa sanorum similia videntur. Pars equidem ichoris herpetici refunditur in cutem; altera verò remoratur in visceribus; & herpes ut *abscessus* & *morbus* tùm reputatur.

CCXXXV. Cùm verò major adest recrementorum copia; ubi majori stipantur acrimoniâ scorix morbosæ; febriles motus in agrotantis perniciem non rarò vertuntur; ab herpetis eruptione exacerbantur symptomata; & criticè prorupti herpetes maligni, sæpè perniciosi deprehenduntur.

CCXXXVI. Intereâ pro variis ex quibus emerfit fontibus, magis minùsvè benignus, sanabilis aut insanabilis reputatur herpes. Hinc benignus est ac facile sanabilis qui contrectatione corporis herpetico viru tincti; vel causâ [§. 189] externâ fuit excitatus; aut erupit in perfectâ crisi [§. 272]; *malum* enim solummodò *cutaceum* existimatur (b).

CCXXXVII. Alio sub respectu consideratur herpes qui modo quolibet excitatus [§. 275] longo tempore sibi relictus fuisset. Aliquid enim ichoris herpetici continuò divertitur ex cute versùs

(a) Hippocrates, Aph. Sect. II. aph. 15.

(b) Ballonius in Hippocrat. epid. Lib. I. pag 73.

corporis penetralia (a) : ideò qui semel adolevit ac inveteratus est herpes , licèt solummodò cutaneus primùm apparuerit , ab idyopathici [§. 256] curatione non multùm alienam sibi vindicat.

CCXXXVIII. Herpes venereus nunc *ut abscessus* , nunc *ut morbus* , nunc *ut quid tertium* erumpere potest. An dantur signa quorum ope determinari possit ejusdem indoles ? Fida nondùm suppeditavit observatio : ideò prudens Medicus , dum nihil certi pronunciare audet ; curam internam non omittit , antequàm ad externam deveniat (b).

CCXXXIX. *Ut abscessus* tamen reputari potest , cum ab ejus eruptione dolores ac symptomata evanescent , nec , nisi minuatur ichoris per cutem excretio , resurgunt ; ac cæteroquin illibata omni ex parte videtur sanitas.

CCXL. *Ut morbus* judicatur , cum ab ejus eruptione nedùm minuantur , imò exasperantur symptomata ; floridus cutis color emarcescit ; elanguescunt functiones ; mutatur excrementorum indoles ; & aliquid de vitâ die quâlibet evidenter detegitur.

CCXLI *Ut morbus & abscessus erumpit* herpes venereus , cum hoc imminuitur , totus nihilominus non averritur morbi fomes. *Impetigines enim & herpes squamosi à phtisi , variisque viscerum morbis non rarò vindicant , aut funestos horum affectuum effectus potenter coercent.*

CCXLII. Eo pertinacior & malignior aestimatur herpes venereus ; quò major fuit suscepti virûs copia ; quò morbus vetustior ; quò graviores visceribus intulit strages ; quò debilior est cor-

(a) R. de Hauteferck , Tom. II. Chap. V. pag 302.

(b) F. Hoffmann. *ibid.* & alii.

poris constitutio; quò pluribus causis evectum fuit virus; quò lues venerea magis in eodem corpore neglecta fuit & sibi relicta.

CCXLIII. Cum herpes hæreditariâ labe comparatur, malignior æstimatur, si deterioris indolis [§. 143.] morbus in patre vel matre visus fuerit; si unâ & pater & mater venereâ lue conspurcentur; si nutricis labe simili infectæ lac pueri jam contaminati morbum ingeminaverit, aut ipse puer pravo vitæ regimine caducam sibi comparaverit viscerum constitutionem, *qualis enim juvenis, talis ferme (cæteris paribus) senectus.*

CCXLIV. Quò latior est herpetica macula scrophulis laborantium; quò uberius in hanc effunditur ichor; hòc benigniores evadunt scrophulæ; hòc facilius dissipantur. Hinc licet non impetu critico mittatur ad cutem humior glandulis impactus; diurnâ tamen ejusmodi vacuatione sensim minuitur scrophularum fomes, & quod ars cauteriorum; &c. ope; id in scrophulis herpetis eruptione hic præstat Natura.

CCXLV. Longè aliter sentiendum est de herpetico humore, qui scrophulosi naturam induit [§. 98]; humorum enim acrimoniæ tunc maximus additur lentor; sic ut plures nodulos subcutaneos [§. 141] exhibeant induratae herpetis margines. *Malum enim est, inquit Schmitzius (a), herpetem in cancrum degenerare; „ vel ex cute in cor-*
„ poris penetralia radices agere; pertinaciores enim
„ sunt affectus cutanei si in partibus musculosis &
„ pinguedinosis dorsi, brachiorum &c. parvi no-
„ duli ad modum glandularum, exterius invisibiles,
„ interiùs palpabiles, instar cicerum vel fabarum ob-

(a) Compendium Medicinæ pract. pag. 193

servantur, luculento indicio quod non tam glandulæ cutis induratae, sed quod humor stagnet in cellulis pinguedinosis (a).

CCXLVI. In arthritide paroxysmus non discutitur, nisi per insensilis perspirationis, urinæ, &c. vias humor subducatur; secus nodos & tophos excitat, vel in viscera confluit. His in circumstantiis erumpat herpes; ab injuriis arthritico humore inferendis immunes evadunt ægri.

CCXLVII. Nequè minùs iis proficit herpes, in quibus ob viscerum infirmitatem, perpetuum arthritidi suppeditatur pabulum: ulceribus enim ejusmodi corpus expurgatur; & infirmi, præcipuè senes, in quibus admodum periculosi sunt insultus arthritici, nequè faciliè discutitur arthritis, vitam longè minùs molestam diutius trahunt.

CCXLVIII. In rheumaticis doloribus, præcipuè vagis; cum per varios telæ cellulosaë tramites meant ac remeant humores, & sunt crassiores, quàm ut cutaneis ductibus eructari valeant; illi non raro cutem arrodunt & herpetem excitant, quo jugiter stillante cruciatus sensim levantur & cum rhumatismo evanescent.

CCXLIX. In scorbuto cum humorum colluvies, in cutem corrivatur; non parùm ab herpetis eruptione minuuntur infarctus; expediuntur corporis penetralia & relevantur ægri [§. 117]: ulcera enim, potissimum in extremis scorbuto laborantium artubus oborta nil aliud esse videntur, quàm totidem fonticuli, quibus qui digeri, aut modo solito vacuari nequeunt, humores feliciter eliminantur; cum, imminuto saniei per ulcera prædicta effluxu, aut exsiccatis ulceribus, in maximum

(a) F. Hoffmann. vol. III. cap. V. §. XXIV. pag. 430.

vita discrimen ægri conjiciantur (a). Idem sentiendum de prurigine vel ulceribus, quibus est obnoxia senectus.

CCL. Imminente phtisi nullum citius ac tutius experiuntur ægri solatium, quàm ubi colluvies humorum, quæ saliebat in teneos pulmones, ad corporis extrema refunditur. Fortunatos meritò dicimus eos, quos ab imminente phtisi, aliisvè gravissimis ægritudinibus herpes indè natus ita vindicat.

CCLI. Longè aliter judicandum de ulceribus illis ac innumeris pustulis, quibus declinante morbo non rarò deturpatur phtisicorum cutis. Cum enim sputa minuuntur, aut cohibentur, illuvies purulenta nunc fluit in abdominalia viscera; nunc suppressa diarrhæa cutem appellit, quam variis contaminat pustulis & ulceribus herpeticis. Verùm tales Naturæ conatus, licèt salutare omninò dene-gandi non sint, tardius apparent & sæpè sunt mortis prodromi. Quibus enim *salsa sputa cum tussi subsistunt, iis corpus velut efflorescentibus pustulis rubescit, antè obitum verò exasperatur* (b).

CCLII. Catarrhosis defluxionibus originem non rarò præbet perspirationis in capite, faucibus vel thorace suppressio. Materies indigesta nonnunquàm crassior est, quàm ut per obstipata cutis spiracula possit eructari; variisque morbis præbet originem. Qui tunc erumpit herpes, ægrum ab affectu graviore liberat, & admodum salutaris existimatur. Levis enim inflammatio cutis [§, 67] cum ulcere fugaci, pectoris inflammatione aut ulcere longè levior meritò reputatur (c).

(a) Swietenius, comment. in Boerrh. aph. 1151.

(b) Hippocrates, coac. §. 243.

(c) Observ. chirurg. Cent. IV. obs. LXIV. pag. 184.

CCLIII. Nequē minūs salutarēs habentur herpetes vetsūs febrium continuarum declinationem efflorescentes : manifesta namquē Naturæ triumphatricis argumenta , imminens ab imperfectâ crisi periculum ac recidivas præcavent. . . » In truci pestilentia servati fuerunt illi quorum in manus aut pedes procumberent maligni humores qui exdebant & exulcerabant partes illas (a).

CCLIV. Non eadem sunt autumanda de herpeticis maculis quæ primaria febrium continuarum symptomata deprehenduntur. *Quandocumque enim*, inquit Hoffmannus (b), *herpetem miliarem caput infestantem cum odontalgis , cephalalgia & catarrhis defluxionibus variolæ vel morbilli sequuntur. Res non sine periculo est. & interdum post mortem spatium in vertice morbosum denigratum & sphacelatum fuisse novimus.*

CCLV. Item pertinaces erunt herpetes quibus ansam dabunt viscerum post varias febres & morbos imperfectâ crisi judicatos , obstructions. . . Morbi enim cutanei » qui post febres intermit- » tentes ; variolas , morbillos , luem veneream fo- » bolescunt ; interna præcipuè viscerum vitia ar- » guunt ; nonnisi sublata visceris corruptelâ tol- » luntur ; facile renovantur ac repullulant ; imò » nonnunquam in phthisim aut hydropem degene- » rant (c).

CCLVI. Asthmata ; præcipuè convulsiva , colicæ & morbi spasmodici nusquam tutius ac felicius judicantur , quàm largâ turbidarum urinarum illuvie quæ antè paroxysmos à lymphâ rupeâ non

(a) Sanctorius , method. vit. error. in art. med. Lib. XIII. cap. VII. pag. 24.

(b) F. Hoffmann. Voi. III. Cap. V. §. XXVIII. pag. 430.

(c) Idem ; ibid.

ab similes esse solent. Cum recrementa cutem appellunt; innumera sæpè prodeunt pustulæ; herpetica sequuntur ulcera, quorum jugi stillicidio spasmodici motus evanescunt, sanata cute redituri.

CCLVII. Benignior autem existimatur herpes ortus inter affectiones spasmodicas quibus originem dederunt *vitia fluidorum pravo non naturalium usu comparata.*

CCLVIII. Malignior, pertinacior ex adverso reputatur herpes qui ex *idyopaticis nervorum affectibus* oritur. Cum enim exiliores sunt ac debiliores fibræ nervæ, quantas in eodem corpore temporis momento valeant concitare turbas inordinatæ illæ sive fluidorum sive solidorum commotiones, vix credibile. Partis exinde fluidorum vitiis non rarò succedit humoris in cutem felix inter Naturæ conamina proventus (*); & hâc ratione, miliaribus pustulis vel herpeticis ulceribus apparentibus expurgantur corpora. Verùm eâdem positâ corporis conditione, morbus secundarius (herpes aut sudamina) non rarò refurgit, nisi princeps affectus, ex quo sobolescit, fuerit edomitus.

CCLIX. Ex iis autem, qui herpetibus aliisque similibus [§. 143.] tentantur cutis affectibus; magis periclitantur robusti, sanguinei, frigosi, difficilè spirantes. Mollioris è contrâ texturæ homines ac imbecilles morbum faciliùs ferunt; foeminae etiàm præ masculis maximè convalescunt (a).

CCLX. Cum saniosis humoribus aut recrementis in corporis penetralia congestis per varia cutis ulcera datur exitus, Naturâ vel arte siccato ulcere, retroactus humor gravissimas, ut sæpiùs in-

(*) Serpignes seu pustulæ miliares his in circumstantiis sæpè præcumpunt interno regimine facilè dissipandæ.

(a) Allionius, de miliaribus, cap. VII. pag. 60.

fert ægritudines . . . Ex ulcere tibiæ occluso ; Aphonia , sensuum hebetudo , mors intrâ biduum (a) . . . Ex percussâ scabiæ quidam venit in vitæ periculum (b) . Minima feri portio quæ mortem ipsam afferre potest : maneat in cute aut ex visceribus in hanc remeet ; in utrâlibet hypothese maximè salutaris erit herpes indè natus.

CCLXI Cùm segniùs moventur viscerum imprimis abdominalium recrementa , pars major subit [§ 32] venas abdominales ; sanguinis fluxus in jecur multùm elanguescit ; non rarò se produnt hæmorrhoides ; & quamdiù his eructatur humorum colluvies quâ venæ podicis distendebantur , tandiù remanet illibata sanitas. Verùm occlusis hæmorrhoidibus ichor non rarò fluit in cerebrum & lethalem inducit apoplexiam... Ex adverso cutem appellat & exedat ; nullum ex hæmorrhoidis suppressione tunc agros manet periculum ; sed quâ proportionem generantur in abdomine recrementa ; eâdem per cutem salutariter ablegantur.

CCLXII. Cùm menstrua per solitas vias fluere nequeunt , aut desinunt ; & plethorâ molestâ fatigatur corpus ; sanguis per nares , pulmones ventriculumvè quandoquæ sibi pandit iter , & assueto tempore menstruorum ad instar eructatur. Ubi major adest humorum acrimonia , sanguinis evacuationi nonnunquàm succedunt ulcera ; & phtisi , mulieres absuntur. Huic periculo eæ non sunt obnoxia , quibus humorum illuvies cum sanguine funditur in cutem & herpetem excitat... Si enim foeminæ menstrua remanent ; aliquando ex ulcere quod habet , maximè femoris vel pedis saluta-

(a) Morgagn. Epist. anat. IV. § 7. 13.

(b) Isaac Cattierus , ibid. Cent. II. obs. XCII. pag. 184.

riter emanat [§. 171] cruor mutato itinere (a).

CCLXIII. In gravidis varia ex viscerum sitūs mutatione vel irritatione suboriuntur incommoda. Nunc digestio, nunc variorum humorum excretio, nunc utraque turbantur; nec rarò herpes tunc salutariter erumpit, à partu (videlicet restitutâ solidorum & fluidorum secum invicem harmoniâ) evanidus.

CCLXIV. Aliàs humor herpeticus ex cute labitur in uterum, pabulisquè alendo fœtui dicatis adjungitur; undè fit ut discusso herpete prolis extinctioni succedat matris incolumitas [§. 142]. Vidi matrem sic vindicatam ab herpete qui tres annos antè partum in brachio dextro nunc apparebat, nunc evanescebat. Qui parentis luem contraxerat puer, dissipato herpete squamoso totam fermè cutem contaminante, intrâ annum mortuus est.

CCLXV. Fortunatæ mulieres, quibus ex lochiorum vel lactis suppressione vel impeditâ excretionē suboritur herpes; quas à gravioribus ægritudinibus ità liberat. Haud aliter sentiendum de ulceribus, quæ fluori albo succedunt & quibus morbi pertinaces & ipsa mors non rarò prævertuntur.

CCLXVI. Intereà lactis, lochiorum & fluoris albi conditionem sequitur herpetis indoles. Hinc mulieribus cacochymicis, &c. herpes indè natus non rarò malignusprehenditur; quandoque spontè retroagitur; & mortem ipsam inferre potest. Vidimus pertinacissimos herpes excedentes ex lochiorum suppressione patos... Novimus lac in cutem ductum in cacochymicâ muliere, herpeti furfuraceo totam cutem occupantî originem dedisse. Morbus lapsu temporis exasperatus est; squamis hodiè deturpatur cutis; rubent oculi;

(a) Kleinias, ibid. pag. 311.

tument artus faccorum ad instar ; primariaque pforæ scorbuticæ [§. 53] jam apparent symptomata.

CCLXVII. Magis minusve pertinax ; magis minusve periculosus æstimatur herpes pro variâ indole humoris herpetici , variâ strage quam in cutem intulit ichor , &c.

CCLXVIII. Herpes furfuraceus cutis exsiccatione , ustione [§. 189] nativâ cutis siccitate [§. 137] suscitatus in sanis hominibus ; omnium ulcerum , quæ depascendo serpunt , minimè periculosus est (a) , vel sponte recedit ; vel solâ salivâ curatur (b).

CCLXIX. Magis arduus est curationis labor (c) cum granulis referta videtur cutis area [§. 53] ; cum serpit ; ubi cutem capillatam obsidet ; tunc enim non rarò in *herpetem squamosum* , ipsamve *ti-neam* degenerat (d).

CCLXXX. Malignior verò est ac longè pertinacior , cum huic adjunguntur viscerum infarctus (e). His enim citò succedunt hydropes , lepræ vel affectus scorbutici.

CCLXXXI. Nonnunquàm etiâ acutis morbis locum cedit , prout observavimus... Herpes furfuraceus in adulti mento sedebat , evanescebat , resurgebat , donec aere mutato [§. 159] , alioque victu instituto prorsus abigeretur. Interea continuâ largâque diarrhæâ vires exhauriebantur ; ichor in abdominalia viscera fermè totus irrupit ; & æger febri malignæ , quâ sex intra dies occu-

(a) Lommius , *ibid.* pag. 268.

(b) Celsus , *Med. Lib. V. Cap. XXXVIII. §. 18.*

(c) F. Joël , *oper. Med. Tom. V. Lib. II. Sect. II. pag. 151.*

(d) N. Piso , *de cognosc. & cur. morb. Tom. I. de porrigne.*

(e) Vigier , *Grande Chirurg. des ulcères Chap. II. pag. 516.* Ethmüller & *oper. med. Tom. II. Obs. V. pag. 525.*

Sam. Hassenrefferus , &c.

buit , perferendæ prorsus impar factus est. . . ; mulier herpetem furfuraceum in facie sedentem balneis excusserat , quæ gangrænâ pedum postea periit (a).

CCLXXXII. Herpes squamosus , in sanis corporibus ob impeditam frigore stipticisvè medicamentis, &c. perspirationem in cutem erumpens , benignus est , facile sanabilis , nec rarò sponte dissipatur. Ideò haud operosè curatur herpes *periscelis* , ut Ill ; Sauvages verbis utar , Ecclesiasticorum cingulo collari suscitatus.

CCLXXXIII. Longè pertinacior est herpes squamosus in spongiosis , carnosus & mollioribus locis cutaneis insidens ; potissimum si acerrimo ichore inundetur macula , prout sub axillis , in capillatâ cute , &c. sæpius evenit : (*ex locis enim* , inquit Hippocrates (b) , *difficiliùs sanantur alæ [§. 56] laterum cavitates & femora*) ; si velociter serpat ; si ex lue venereâ sobolescat ; tunc enim difficiliùs eradicatur ; vel sanatus facile revertitur ; vel sibi relictus in pertinacissimum estiomenum quandoque vertitur ; vel in impetiginem remediis fermè quibuslibet obsurdescentem degenerat.

CCLXXXIV. Herpes discretus , qui à causâ externâ [§. 180.] , potissimum cutis immunditie ortum duxit , vel motu critico velut in catarrhosis defluxionibus [§. 164.] excitatur , benignus , maximè in pueris , admodùmque fugax observatur.

CCLXXXV. Secus agit cum pueris edacibus , corporibus cacochymicis , infarctisvè , præprimis ubi maligna datur epidemica constitutio. Tum enim pertinaciter in cute hæret expatiaturvè ; ipsam cu-

(a) Quesnay , *Tr. de la gangrene* , pag. 353.

(b) Hippocrates , prædict. Lib. II. Sect. XVIII.

tem altius quandoquē rodit, vel morbis gravissimis ansam præbet... Vetula, quam vidimus, olim in adolescentiâ herpeti discreto pertinaci fuerat obnoxia, quæ narium estiomeno cancroso postea periit.

CCLXXXVI. An varia cutis in infantibus echymata, scabies, achores, herpes &c. illos à variolis aliisque morbis vindicant vel miasmata morbifica retundunt?... Negat Hoffmannus (a) qui vidit pueros à scabie cæterisque ejusmodi pruriginosis affectibus liberatos in variolas confluentes, vel mali moris morbillos incidisse.

CCLXXXVII. Verum, ut optimè notat Swietenius, „ ad excipiendum virus quodlibet, prava „ requiritur fluidorum ac solidorum dispositio, „ quæ, quò gravior est, hoc periculosiores sunt, „ qui coincidunt morbi. Hinc factum fuit, ut plures qui tempore variolarum epidemicarum impune se contagio exposuerant, sequente aliâ epidemicâ constitutione variolosâ fuerint correpti & quidem satis graviter (b).

CCLXXXVIII. Obstructos igitur & cacochymicos pueros ab aliis agnitionibus vindicare nequit herpes, quo maximus ex adverso arguitur ichoris & humorum in corporis penetralia confluentium apparatus.

CCLXXXIX. Cum verò vitæ viribus circa pubertatem adauctis reserantur vasa, & deteruntur obstructions; nonne herpes tùm salutare existimandi sunt, quorum eruptione tutus omninò recrementorum colluviei sic paratur exitus?... A variolis & pestilentia immunitatem quandoquē de-

(a) Med. rat. systh. vol. III. cap. V. §. XIII.

(b) Comment. in Boërh. Aph. 1403. Tom. V. p. 1351.

dit scabies (a) ... Ut intempestivam impetiginis aut scabiei suppressionem frequentè sequitur rachitis ; sic rursus erumpente scabie atque pruritu excitato indeque aucto in externis membris calore, pueros facile restitutos vidit Glissonius (b).

CCLXL. Nequè prorsus alienam ab herpetis discreti prognosim habet Crustaceus. Benignus enim citò crustam induit ; nec serpit , desquamatur & evanescit. Malignus è contrà in morboſo corpore , vel inveteratus in esthiomenum sæpè degenerat.

CCLXLI. Herpes miliaris recens contagio communicatus [§. 177] ; externâ causâ suscitatus [§. 180] vel in cute natus fidam intrâ crism [§. 160, 162. 163. 165. 16h. 170. 175.] *vel à causâ sanguinem non multùm alterante inductus* videlicet menstruorum vicarius , sæpè , potissimùm in sanis corporibus , sponte evanescit.

CCLXLII. Tùm pustularum fernm resorbetur aut exhalatur , vel utroque modo dissipatur , absquè medicaminum auxilio ; sanaquè cutis, aspera tamen ac duriuscula remanet [§. 78] vel evanescentibus pustulis duriusculi tumores in affecto membro succedunt , *solis discutientibus facile resolvendi.*

CCLXLIII. Nonnunquàm tamen macula siccis exarata pustulis ulterius serpendo progreditur , & totam in quâ sunt , partem occupat , nisi obstiteris (c) ; pustulæ ad maculæ margines acri sero referuntur ; acerrimum plorant ichorem ; & quandoquè cutem ipsam & subjectas partes arrodunt.

CCLXLIV. Generatim eò malignior ac perti-

(a) Forestus , Obser. Chirur. Lib. VI. Obs. XXIV. in scholio.

(b) De Rachitide , cap. V. pag. 38. & cap. XXIII. pag. 301.

(c) Manget , Bibli. Chir. Tom. IV. de tumor. lib. XVI. pag. 354.

nacior est ; quò magis angulosus , minùs in orbem procedit ; quò acrior est ichor ; quò vividior est cutis rubor ; acerbior pruritus ; quò citius ulcerantur pustulæ ; quò magis vulneratur cutis superficies ; quò magis inveteratus est ; vel pertinax , prout in corporibus obstructis vel cacochymicis observatur.

CCLXLV. Herpes exedens , qui versùs febrium continuarum declinationem erumpit impetu verè critico , febrem & symptomata dissipat , & paucos intra dies evanescit [§. 84].

CCLXLVI. Cum verò crisi minùs perfectâ judicatur febris ; morbi fomes partim in cutem , partim in intestina mittitur ; & æger herpete & diarrhæâ liberatur.

CCLXLVII. Symptomaticus autem ac valdè periculosus reputatur herpes , cum erumpit ab initio febris. *Mala enim est quaecumque defectione qua inunte aut crescente morbo peragitur.*

CCLXLVIII. Benignus existimatur qui 1°. non in facie vel collo , sed in cæteris , potissimum extremis corporis partibus infidet ; cum enim supernas impetit , frequenter ab ejus retrocessu subsequuntur deliria , comata , anginae , peripneumoniae , vel & cita mors. 2°. Cujus area videtur rubella , leviter inflammata ; non livida , non nigra , non tumida , non sensu orbata. 3°. Qui obsessam cutis partem retinet , nec serpit. 4°. Cujus eruptione dissipantur cephalalgiae , deliria , præcordiorum anxietates , ardores , syncopes , &c. 5°. Qui recrementa sua probè rejicit [§. 84] , nec sanatus aliò resurgit ; nec in esthiomenum degenerat.

CCLXLIX. Malignus ex adverso reputatur herpes exedens qui præcurrit febres pestilenciales (a)

(a) Vide Forestum , observ. chirurg. Lib. II. obs. VI.

aut versùs earum incrementum erumpit ; quo præ-
sente vigent aut exacerbantur febriles excandes-
centiæ ; qui tùm in latum tùm in altum citò ser-
pit ; qui sinè causâ vel ratione manifestâ evanes-
cit ; si à pressione partis fovea relinquatur ; si sen-
sus in infectâ cute dispereat , &c.

CCC. Cum in corporibus cacochymicis liqui-
dorum acerrimorum moles uberior est , quàm ut
tota uno impetu critico mittatur ad cutem ; quâ
proportione humoris reliquiæ ex præcordiis ad il-
lam corrivantur , eâdem in circulum expatiatur
macula & medio corpore cingit hominem. An
ideò lethalis evadit ? Affirmant nonnulli , quos in-
ter (a) Valesius & Sennertus (b).

CCCI. Zona quidem in impuris cacochymicisvè
corporibus valdè periculosa reputatur ; nec tamen
ideò semper lethalis. . . Imò perversâ medelâ trac-
tata , sæpè mortem infert ; videlicet ubi propter
acrem , quo cutis uritur , calorem , infrigidantia in-
tùs & extùs advocantur. Sic qui plantaginem vi-
ridem , non scillam , ex consilio Galeni , herpe-
tibus exedentibus admovebant , citam , ut scribit
Sanctorius (c) , mortem accersebant.

CCCII. Præterea cum negligitur herpes exe-
dens , sæpè gangrænam & mortem advocat. In
viduâ crus & inguina herpetibus exedentibus oc-
cupabantur. Solitis medicaminibus obsecundabat ,
qui crus exedebat : cùm autem mulier de al-
tero herpete inguinibus insito præ pudore non

(a) Controvers. Medic.

(b) Sennertus , prax. med. Lib. V. part. III. sect. I. cap. VI.

(c) Legatur insuper , lib. XIII. method. vitand. errorum , cap. III.
pag. 502.

admonuisset; ille sibi relictus gangrænâ mortem intulit (a).

CCCIII. Herpes exedens igitur (zona imprimis) maximè periculose est in cacochymicis; pallidioribus, obstructivè corporibus unâ febre putridâ vel pestilentiali decumbentibus; quæ frequentius adoritur & hâc de causâ sæpè jugulat (b).

CCCIV. In scorbuticis, hypocondriacis, arthriticis &c. maximè senibus non rarò periodicè apparet herpes exedens [§. 92]; & hâc ratione vitam perennat periculosis alioqui conturbandam ægritudinibus.

CCCV. Imò chronicos viscerum affectus quandoquè radicitus extirpat... Vidit Kleinius (c) in bibone cardialgiam chronicam zonâ ventrali, fato quodam solutam.

CCCVI. Quò magis impura sunt corpora herpete exedente laborantium; quò malignior est epidemica constitutio: quò graviores & plures adsunt causæ, &c. hoc ille periculosior existimatur. Si enim tum caput obfesserit, parit phrenitidem, affectus soporosos, linguæ paralytes, &c. Maximè in senibus, morbo fractis, cacochymicis vel scorbuticis... In cæteris verò cutis regionibus ubi perniciosè sedet; inflammationes viscerum, imprimis stomachi (d), hepatitidem, asthmata, cardialgias, singultus, dyspnœas, delirium symptomaticum & mortem ipsam antè decimum quartum diem inferre solet (e).

CCCVII. Herpes estiomenus aliis herpetibus mo-

(a) Th. Bartholinus, act. med. Hassnienſia, Tom. I. Cap. CVIII. pag. 198. 199.

(b) Manger, Bibliot. chir. lib. IV. de tum. p. n. obs. XVI. §. XI.

(c) Kleinius, ibid. pag. 80.

(d) Kleinius, ibid.

(e) Hippocrates, aph. Sect. IV. aph. VI.

lestior est, admodum pertinax & remediis parum obsequiosus. Benignus est, qui ex herpete miliarum vel discreto, phlyctenis ac cæteris ulceribus ad superficiem cutis magis vergentibus ortum ducit; qui recens est in juvenili corpore, in quo ætatis mutatione sanari potest; qui firmis prædita visceribus impetit temperamenta; qui corporibus defecandis inservit; qui cutem illæsis partibus subjectis exedit; qui ulcus exhibet benignum, non durum, non nodulis stipatum, in partibus minus glandulosis situm; qui minus prurit, minus serpit, lentiori gradu movetur in cutem; qui crustis aut squamis obducitur; neque putrilaginosus aut copioso madidus ichore videtur, &c.

CCCVIII. Eò deterior ex adverso reputatur, quò citius, latius, altiusvè serpit; quò peior est ichor quem stillat; cum *circum glabræ* sunt illius margines; cum circum articulos expanditur (a); qui nodosus est, prædurus glandulis oblitus; qui herpete squamoso, therminthis, psydraciis, humidæ scabiei, impetiginibus successit; in corpore senili, cacochymico, vel morborum vehementiâ confraçto. . . Non rarò enim vel gangrænam inducit aut in viscera retroagitur; vel scorbuto, phtisi aut leprâ perimit ægrotantes. Hanc & illam estiomeni prognosim illustrare valet exitus tinea cognitus.

CCCIX. Tinea recens mitior est; sæpius facit ad secundam valetudinem (b); pueros ab epilepticis motibus vindicat, sic ut epilepsiâ rarò capiantur pueri, quibus in capite scabiosæ pustulæ superveniunt (c). In benignâ tineâ cutis mollior est;

(a) Tozzi, in Aph. Hypocrat. sect. VI. Aph. XX. pag. 271.

(b) Kleinus, ibid. pag. 157.

(c) Blaglivius, praxeos, med. Lib. I. pag. 114.

digiti vestigium notat; ac post frictionem rubet (a); temporis lapsu sæpè judicatur (b) medicinâ irritâ (c), & nonnunquàm sordiditatem vel excrescentiam cranii fungosam post se relinquit.

CCCX. Cùm verò à nativitate nimium negligitur, malè tractatur, aut deterior est (d); cutis arida, testacea non rubet ad frictum; alopecia sequitur insuperabilis & in lepram abire potest... ægrè curatur hæreditaria (e); vel cum indocilis est; de viru aliquo cogitandum (f). Interim admodum pertinax habetur, ubi pervenit ad illum gradum in quo ipsa capitis ossa cœpit afficere (g).

CCCXI. Quoad morbos ex ichoris herpetici retropulsione scaturientes attinet; quò malignior erit transmissi au congeniti virûs indoles; quò magis inveteratus est herpes; vel graviores affectus, undè traxit originem; quò plures causæ viribus ingeminatis herpetis eruptioni simul & repercussioni ansam dederunt; hòc periculosiores erunt morbi ex virûs in viscera retropulsione scaturientes; hòc magis irrediviva corpora.

CCCXII. Cùm rapitur in cerebrum ichorosa colluvies, varias ægritudines valdè periculosas, non rarò lethales inducit. Soporosis enim affectibus indénatis, motibus convulsivis, paralyti &c. sæpè citò succedit gangræna, potissimum ubi deterior est virûs indoles, debiliior corporis constitutio, vel morbo confractæ sunt agrotantium vires. In

(a) Kleinius, *ibid.*

(b) Brouzet, *Educat. méd. des enfans*, Tom. II. pag. 101.

(c) Kleinius, *ibid.*

(d) St. Blanchard. *inst. chir.* cap. XVIII. pag. 455.

(e) Ambr. *Paré chirur.* Liv. XVII. chap. II. pag. 587.

(f) Brouzet, *ibid.*

(g) Swietenius, *comment. in Boerrhav. aph.* 1484. Tom. V. pag.

cerebrum igitur; quam in cæteras corporis partes, retropelli herpes periculosus est.

CCCXIII. Generatim verò minus reformidantur morborum. indè surgentium effectus, cum virus nondum in corporis penetralia radices egit; cum fluctuat [§. 117.] in telam cellulosam: cum vagi sunt dolores & symptomata incerta; ubi febris viget, nec vires collabuntur; in adultis; robustis ac puris corporibus; cum febriles inter motus non arida, non aspera, sed modicè calida cutis apparet, cum urinæ non tenues, non limpida, non parca, non suppressa; sed copiosa, turbida, arenulis referta; cum alvus egeritur non sicca, non parca, sed humida, copiosa, cum levamine; cum adsunt vomitus porraceæ vel flavescens materia; vel sputa prodeunt copiosa, non concreta, cum levamine: cum in cutem revocatur ichor; vel inter vicariam insensilis perspirationis excretionem ubertim eliminatur.

CCCXIV. Maximum imminet periculum ex herpetis retropulsione, si ab his aliena videantur phænomena, si incassum tentatis opportunis medicaminibus viscera nihilominus deprædetur herpes, &c.

CCCXV. Eandem omnino prognosim sibi vindicant affectus herpetici corporis penetralibus insidentes, quibus originem dedit hæreditaria vel adventitia viscerum morbosa constitutio.

CCCXVI. Ex prognosi variarum herpetis specierum nonnulla fluunt theoremata, quæ curationem illarum attinent.

CCCXVII. Herpes recens & contagio [§. 187] traductus, vitæ regimine curabilis est... Cum enim aliquis cum scabioso concumbit, & cutis inficitur, malum verè cutaceum est, ac superficialia tantum esse

esse debet curatio (a.) Ideò Helmontius meritò redarguebat Medicos qui, ut scabiem contrectatione partam curarent, neglectis externis medicamentis, cholagogis, venæ sectionibus, & phar-
macis intemperiei jecoris emendandæ dicaris, incassum eum fatigabant ac in marasimum ducebant (b).

CCCXVIII. Eodem sub respectu consideratur herpes à causâ externâ ortus, nec inveteratus: talis est quem suscitârunt cutis ustio, abrasio, frictio, ligatura, confusio, &c. Tunc enim vel sponte sanatur, vel externa tantum exigit auxilia.

CCCXIX. Cum in perfectâ crisi erumpit, levi observato regimine, topicis curandus est. Si enim, inquit Ballonius (d), dartæ vulgò dictæ non tam sequuntur malam diathesim partium internarum, quam externarum; an tantû refert, quantû interesse putant, si extinguatur darta quæ partem aliquam obsedit. Hinc herpes critici in puris corporibus [162. 163. 164. 165. 166. 167. 168. 169. 170.] nullam vel minus scrupulosam interni regiminis observantiam exigunt.

CCCXX. Prædicti herpes [§. 317. 318. 319] diù sibi relinquuntur, alio modo tractandi sunt. Dum enim topicis curatio suscipitur, interna quibus sanguinis massa defecetur, medicamina non sunt omittenda.

CCCXXI. Qui febrium continuarum initio erumpunt [§. 232.], citam exigunt medelam; & maximè fovendi sunt, ut recrementa copiosius in cutaneum ulcus irruant.

(a) Ballonius in Hippocrat. epid. Lib. I. pag. 73

(b) Vanhelmont, de scabie & ulcer. scholar. pag. 196. & seq.

(c) Tract. pathol. de morb. cut. cap. XVI. pag. 273.

R. de Hautefierck, &c.

(d) V. Bennet, labyrinth. med. Lib. X. pag. 608.

CCCXXII. Qui viscerum obstructionibus et malè judicatis febribus aut morbis [§. 255] succedunt; non abigantur, nisi vitia viscerum prius emendata fuerint.

CCCXXIII. Herpetis in febre crisi imperfectâ judicatâ erumpentis curatio suscipiatur, dum non negliguntur indicata medicamina.

CCCXXIV. Herpetes in graviditate nati; fluori albo, lactis aut lochiorum suppressioni [§. 262. 263.] succedanei, sibi relinquuntur; donec opportunum curationis tempus habeatur.

CCCXXV. In his attendamus ad ægotantium temperiem [§. 266.], viscerum constitutionem, & fluidorum indolem. Si enim pravus est corporis habitus & malum curabile; prius mutari debet idyosincrasia, quàm ad topica deveniamus.

CCCXXVI. Serventur herpetes hæmorrhoidibus succedanei in senibus; in adultis verò non abigantur, quin prius redintegrata fuerint viscera [§. 261].

CCCXXVII. Qui scorbuto [§. 178], scrophulis [§. 179], rheumatismo [§. 165], arthritidi [§. 166] lvi venereæ [§. 182], motibus spasmodicis [§. 258] succedunt herpetes, scrupulosè servantur; neque topicis tententur, quin viru aut recrementis tincta prius expurgata fuerint corpora.

CCCXXVIII. Intactus dimittatur herpes ex acrimie defluxione vel ulcerum retropulsione [§. 174.] ortus; neque topicis tentetur, nisi in juvenibus aut adultis, ac severo præmissò regimine interno.

CCCXXIX. qui ex levi tantum in sex rerum non naturalium usu [§. 145. 146. 147. 148. 149. 150. 153. 154. 155. 156. 157. 158. 159.] errore sobolescit herpes; magis curationem externam amat; minorem affectat medicaminum internorum pom-pam.

CCCXXX. Cùm verò diuturnior fuit *non naturalium* abusus [§. 329], curationis internæ major habeatur ratio.

CCCXXXI. Qui herpes infarctibus viscerum [§. 144.] succedunt in corporibus morboſis, palidis [§. 231.], intacti dimittantur, neque tractentur, niſi prius immutata fuerit tota corporis conſtitutio.

CCCXXXII Generatim herpetis curatio longè tutiùs tentatur in pueris, præcipuè puberibus; miùs tutà in adultis; præcipuè in mulieribus, quæ quadrageſimum annum ſuperant: verùm periculofa videtur in valdè ſenibus.

Temporibus Medicina valet, data tempore profunt.

Hinc in ætate ſenili, gravi morbo contritis, verè ſcorbuticis & cacochymicis à diuturno tempore hominibus ſemper in memoriã ſervatur effatum: *virium conſervatio præſtantior eſt, quàm morbi depulſio.*

C A P U T III.

De variarum Herpetis ſpecierum curatione generali.

S E C T I O I.

De Præſidiis internis.

CCCXXXIII. CUM virus herpeticum arte vel Naturâ tractatum nuſquàm legiti-
mi puris indolem valeat induere [§. 142.] in ejuſdem alteratione vel evacuatione totus variarum

herpetis specierum curationis cardo vertitur.

CCCXXXIV. Potissima chronicarum ægri-
tudinum causa triplex (a) recensetur; videlicet hu-
morum multitudo, crassities & viscositas, quibus
acrimoniam non immeritò subjunxeris. In his au-
tem, inquit Tozzi, *multum temporis infumitur, ut*
multa diminuantur, crassa tenuentur, incidantur vis-
cosa, demulceantur acra; nisi vitia humorum nu-
perrimè contracta [§. 317.] fuerint.

CCCXXXV. Victus imprimis regimen, aeris
delectus, exercitia corporis, &c. vario modo pro
diversis circumstantiis moderata non minimam in
curatione variarum herpetis specierum partem
sibi vindicant.

CCCXXXVI. Inediâ minor evadit moles hu-
morum; uberius dissipantur recrementa; levius,
etiam ad stateram, evadit corpus; roborantur
fibræ; fluida tenuantur; reserantur vasa; tollun-
tur infarctus; & his succedanei herpes facilius
abiguntur, potissimum in pinguedinosis & caco-
chymicis.

CCCXXXVII. Verum tenuis non sit victus, li-
cèt parcior hic laudetur. In illo namque delin-
quunt ægri (b), qui semper in chronicis affectibus
est periculosus (c) Talis igitur non est opportu-
nus, nisi temperamentis in quibus major, habitâ
viscerum virtutis ratione, ciborum ingeritur co-
pia, quàm quæ vitæ viribus elaborari, applicari
vel excerni valeat.

CCCVIII. Sit igitur contrarietas remedio (d): & la-

(a) Galenus, Lib. II. de different. feb. cap. ultim.

(b) Hypocrates, aph. Sect. I. aph. V.

(c) Idem, ibid. Aph. IV.

(d) Idem, ibid. Sect. II. Aph. XXII.

bes voracitate contractæ , per inediam curentur (a).

CCCXXXIX. Qui verò plenior victus annui potest sanis vel leviter morbosus; idem impuris, infarctis aut aliquo viru tinctis non parùm infestus est; corpora enim impura quò magis nutriveris, eò magis læseris (b).

CCCXL. Intereà major habeatur ciborum qualitatis ratio. Cum enim acria , pingua , piperata , salita , cibos farinaceos , carnes fumo duratas ægrè ferat ventriculus , & exindè non rarò scaturiat acrimonia [§. 132.] muriatica; manifestum est ulceris herpetici sanationem frustrà sperari , nisi blandis alimentis obtusa fuerint ichoris herpetici salium spicula.

CCCXLI. Huic adimplendo scopo multùm idonea sunt lac, lacticia, ova, pisces fluviatiles , cremores hordei cum jujubis , ficibus , oryzæ varia præparata , &c.

CCCXLII. Ast intereà sedulò vitentur acidum nimis spirantia; vegetantia nimis ad acidum proclivia , quibus laxarentur fibræ & fluida spissarentur; piperata & acria quælibet, quæ majorem humoribus motum conciliarent; ciborum farragines &c. *habitâ nihilominus loci , consuetudinis & temperiei ratione* (c).

CCCXLIII. Quoad potum attinet aqua; diluentia quælibet solvendis alimentis equidem inserviunt; ast humores efficiunt aquosiores. His emolliuntur fibræ; torpent vasa , & segniùs commota parciùs eliminantur excrementa.

CCCXLIV. Hinc est cur illa valdè noceant lan-

(a) F. Hoffmann. med. rat. systh. vol. III. cap. V. §. VI. pag. 431.

(b) Hippocrates , Aph. Sect. II. aph. X.

(c) Sanctorius, method. vitand. error. in art. med. Lib. XIII. cap. III. pag. 505. & seq.

gūdis, pinguedinosis, cacochymicis, pituitosis, &c. in quibus actuosioribus utendum est medicaminibus... quidam hīc optimā sanitate fruitur, qui estiomeno totum occipitium depascente olim laboraverat. Per quinquennium innumera frustra tentaverat, cū desperatæ sibi visæ salutis tadium ut allevaret, vino liberalius indulgit, quo non-quā usus fuerat. Quatuor intrā menses, vini potus erexit vires, dedit solatium ac salutem restituit... Hoc modo sanatus fuit Riverii (a) ager, cujus tibiæ frequenter erysipelate deturpabantur.

CCCXLV. Ex adverso, qui potus spirituosus aut aromaticis imprægnatus maximè juvat pituitosos, pinguedinosos, cacochymicos; melancholicis, siccis & biliosis plurimū infensus esse potest; quatenus humorum spissitudinem, acrimoniam, ac proinde viscerum infarctus fovere potest; aut acrium humorum colluviem ad corporis ambitum evocare.

CCCXLVI. His in temperamentis aqua copiosa, quam robustus ferre valet ventriculus (b), solvit alimenta, salia diluit ac temperat; spissa resolvit; vasa reserat; ac proinde sive cibos, sive medicamina herpeti debellando idonea vehat, eorum virtutem non parū erigit (c)... non igitur in siccioribus temperamentis, etiā dū ulceribus foedatur corpus, semper à diluentibus aut refrigerantibus abstinendum (d).

CCCXLVII. *Impura corpora, quò magis exercentur, eò magis leduntur. In languidis ex quiete ad motum*

(a) Riviere, *Observat. Cent. II. obs. XLI. pag. 217.*

(b) Barchusen, *Collect. Med. gener. pag. 122.*

(c) De la Metrie, *Théorie chymique, pag. 100.*

(d) Henric. ab Heer. *obs. med. pag. 200.*

ductis effatum imprimis verum deprehenditur; sæpè enim recrementa quibus tela cellulosa turgēt, in organum nobilias irruunt; variasquē, pro variis circumstantiis, edunt strages.

CCCXLVIII. Ideò nisi prius expurgatis impuris corporibus nocet corporis exercitium. Caterùm vires obfirmat; bilis [§. 33] & cæterorum excrementorum [§. 25] evacuationem fovet; & corporibus defecandis non parùm inservit.

CCCXLIX. Hâc forsàn ratione ductus Ill. Boerhavius (a) in variis ægritudinibus in quibus exercitia corporis ad curationem conferre possunt; horum vicarias commendat frictiones; quas in impuris (nisi antea defecatis) meritò damnavit Averrhoes (b).

CCCL. Ast corporis motus debilioribus multùm utilis, valdè infensus est siccis & cholericis hominibus. Moderato igitur motu corporis in debilibus, quiete in siccis faciliùs præcaverentur aut curarentur herpes.

CCCLI. Eadem fermè de componendis somno & vigiliâ, variisvè animi pathematibus, habitâ nihilominus hominis uniuscujusque consuetudinis aut temperamenti ratione, non immeritò diceres.

CCCLII. Neque omnibus herpete laborantibus idem placet aer: corpora enim cacochymica, pinguedinosa & humida, cutaneis ulceribus aut defluxionibus obnoxia; quæ depressis, paludosis in locis, humidioribus in casis vitam degunt; sicco & calidiore recreantur aere. Ideò Veteres inter Medicos acceptus erat mos ægrotantes in arenosa loca sole tepefacta mittendi, ut hâc arte serum

(a) Boerrhavius, Consultationes medicæ, variis locis.

(b) P. Alpinus de Medicinâ Ægypt. fol. 113.

acre ciendis defluxionibus opportunum per insensibilis perspirationis vias eliminaretur (a).

CCCLIII. Ex adverso crassus & humidus aër iis imprimis opportunus est, quibus cutis fortunâ vel nativitate laxior, faciliè in sudores extillans, corpora sicca fecit (b) & crebris defluxionibus aut ulceribus cutaneis obnoxia. Herpetes igitur qui prægressâ calidâ tempestate suscitati sunt in corporibus siccis, refrigeria magis postulant. Hic præstat aër humidior, uti Parisinus, quem laudant in herpetum curatione (c). Nunc ad interna medicamina deveniamus.

CCCLIV. Serum lactis crassos, viscidos, concretos humores diluit; fluxiles facit; infarcta referat viscera; humorum acrimoniam temperat; sicciores humectat fibras; relaxat spâsmo constrictas; & medicaminum vires quandoquè multum adauget. . . » In corporibus siccis, inquit Baglivius (d), ulcere aliquo tentatis, præstant diluentia ex sero lactis &c. diætâquè his observata; quibus temperatum sal acre ulcerum per commodas naturæ vias eliminatur & cicatrici locus faciliùs annuitur.

CCCLV. Cum inter alterantia reponitur serum lactis, uberius hauriendum est, ut ubiquè corporis manifestentur ejus vires & emunctorium omne sero lactis referatum suam abripiat ichoris herpetici particulam. Auctorem hujus consilii habemus Hugenum, qui majori, quàm suo tempore fieri solebat, copiâ serum lactis suadebat in

(a) M. Aurele Severin . *Médecine efficace de l'insolation* , Chap. I. pag. 471.

(b) Tozzi , de recto *non natural.* usu, de aere, pag. 212.

(c) Gabr. Fallopius, de tumor. cap. XI. de ulcerib. fol. 12.

(d) Baglivius, de usu & abusu vesic. pag. 658.

antiquis totius corporis ulceribus pruriginosis. Qui enim, inquit (a), exiguam illius quantitatem portant, frustramur sine alterationis & purgationis.

CCCLVI. Non minùs apud Veteres in usu erat antequàm scammonium (b) & valida pharmaca insurparentur in inveteratis ac pertinacibus cutis affectibus. Imò valdè celebratur cum aquis medicatis, aperientibus &c. per septimanas (c) ingerendis, ad tollendas viscerum obstructions: neque parùm inservit ad moderandos febriles impetus in herpetibus potissimùm exedentibus, qui erysipelatis in modum erumpunt, ac proindè refrigerantibus internis, haud secùs ac inflammatorii morbi, locum annuunt (d).

CCCLVII. An magnâ copiâ serum lactis, lac & lactinia, nisi medicata, in obstructis, impuris, cacochymicisvè corporibus ingerenda sunt?... Vetat Baglivius qui diætam exsiccantem, decocta fudorifera & cætera ejusmodi, siccis (prout nos edocuit observatio) corporibus admodùm noxia, illis valdè commendare videtur (e).

CCCLVIII. Juscula pullorum, testudinis, ranarum (f); lac bubulum, asininum (g) præstantissimos exerunt effectus in curatione defluxionum acrium quibus obnoxii sunt senes, stomacho languidi, spasmis tentati, præcipuè sicci & macilenti,

(a) Hugenus, Ep. & conf. med. Tom. II. Lib. I. & T. I. Lib. XII. Epist. I.

(b) Hoffmann. med. rat. systh. Vol. III. Cap. V. §. XV. XVI. pag. 433.

(c) Idem, ibid.

(d) R. de Hautesierck, obs. de med. Tom. II. obs. V. pag. 318.

(e) Baglivius, de usu & abusu vesic; pag. 658.

(f) Astruc. *Traité des Tumeurs*, Tom. II. Liv. II. chap. II. pag. 283.

(g) Hippocrates, de int. affect. Lib. IX. Epid. Lib. VII. & alijs locis.

in quibus magis debent expugnari humorum acrimonia & mordacitas [§. 340] quàm crassities & tenacitas (a).

CCCLIX. Cathartica fordes in alimentariâ fistulâ remoratas excludunt; intestina stimulant; adaugent motum sanguinis in abdominalia viscera; recrementorum inibi fluctuantium excretionem promovent; infarctus minuunt; ad sanguinem deducta vasorum vires erigunt; excretiones adaugent & corporibus defecandis non parum inserviunt.

CCCLX. Suspectus non est eorum usus cum adsunt spiritus solito fetidior; linguæ fordes; cephalalgia ac sensus ponderis in stomacho à prandio; ventriculi dolores ac subversiones; ructus acidi, nidorosi; borborigmi, colici dolores, cum molestis lumborum aut artuum lassitudinibus.

CCCLXI. Neque minus utilia sunt inveterato herpete tentatis, obstructis, impuris, caco-chymicisvè corporibus. Neglectis enim purgantibus, vel topica frustra tentantur, vel topicis excussus herpes citò resurgit... » Qui, inquit, Ori-
» basius, totum corpus purgat, deinde repellentia
» particulis affectis admovent, is herpetem, ut par
» est, curat. Qui verò statim utitur iis quæ cuti-
» culæ cicatricem inducunt; is cuticulam equidem
» sanat, cæterum non prohibet quin de integro
» priori similis affectus oriatur, aut in deteriorem
» transeat (b) Fœmina, inquit Galenus,
» herpete in malleolo laborans, purgatione tan-
» dem adhibitâ convaluit.

CCCLXII. Varia pro variis temperamentis, va-

(a) Tozzi, in Hippocr. Aph.

(b) Oribasius, med. synop. Lib. VII. cap. XXXIII. Rabbi Moses de Ægypt. Part. IV. aph. sent. 145.

riis circumstantiis , purgantia suadentur . . , Vix veratro protrahitur alvus in aratoribus & athletis , quorum dura corda , pectus alienum . . Mulierculas aliquandò mirè conturbant levia cathartica .. Cùm torret ægros juvenilis æstus , cum flava bilis in præcordiis accenditur , prout in erysipelatosi febribus [§. 297. 299.] fieri videmus ; cùm exæstuant acrioribus turgida succis ventriculus & intestina : tubum alimentarium , antequàm ad cathartica deveniamus , uberrimis irrigari diluentium imbribus necessum est.

CCCLXIII. Talis cautela minùs opportuna videtur in pueris , mulierculis , cacochymicis , maximâque generis nervosi sensibilitate donatis hominibus , in quibus sordes alimentarii tubi copioso potu dilutæ migrarent ad massam sanguineam ; herpetemquè (prout non semel observavimus) exasperarent ; ventriculum alioquì relaxarent , & digestionem jam læsas penitus everterent.

CCCLXIV. Debiliora igitur , cacochymica corpora , pueri & mulieres parciores amant potum , blandioraque & tonica cathartica ; ex adverso pituitosi & ad melancholiam humoralem proclives , colocynthidem , scammonium & veratrum ipsum vel minimè reformidant.

CCCLXV. His pharmacis ad expurgandam bilem atram in cholericiis & hypochondriacis feliciter utebantur Veteres (a) : & maximè locum habent in herpetibus inveteratis , estiomeno , squamoso &c. qui pituitosos , melancholicos , obstructos infestant.

CCCLXVI. Ast cum nostris temporibus efficacia simul & tutiora noverimus , illa sensim (b)

(a) Cl. Lorry , de melancholiâ , T. II. pag. 301 & seq.

(b) Hoffmann. med. rat. syst. Vol. III. Cap. V. §. IX. pag. 432.

obsoleverunt. Ex usu potius venêrunt varia resinosa mercurialibus adjuncta quorum laudes à quibusdam Hippocratis Interpretibus celebrantur (a).

CCCLXVII. Verùm hæc (nisi parcâ dosi concedantur) validiora sunt & admodum infensa verè scorbuticis ; quibus præ cæteris arrident mel , serum lactis &c. . . » datur , inquit Dioscorides (b) ,
 » serum lactis iis quibus sine vehementiâ moli-
 » mur dejectiones adversus lepram , elephantiasim ,
 » & efflorescentias per totum corporis habitum
 » erumpentes... Cum succo citri (c) , vel ipsum lac
 cum aquæ quintâ parte mixtum (d).

CCCLXVIII. Ex adverso in stomacho languidis , cacochymicis , obesis , &c. præstantiores obtinemus effectus ex purgantibus quæ dum lordes primarum viarum expurgant , unâ stomacho robur conciliant ; qualia succi depurati fumarie , &c. Rhabarbarum & varia ex eo præparata , &c. Inter hæc Poterius extollit catholicum , cuius & depurantium usu paucos intra dies antiqua sanabat (e) ulcera.

CCCLXIX. Neque etiam omittenda sunt purgantia iis in affectibus in quibus ichorosa colluvies *vi* vite partim in cutem , partim in intestina translata est ; talia sunt sennæ , rhabarbari , &c. Cum tamarindis decocta , salia nonnulla , manna , cæteraquæ ejusmodi . . . » Tuberculis enim , inquit Galenus (f) , in cute existentibus , si Natura totam superfluitatem ad cutem non transmisit , tutissima erit purgatio.

(a) Cardanus , oper. med. Cap. X, §. 22. pag. 399.

(b) Lib. II. Cap. LXXV.

(c) Sylvaticus , Cent. I. conf. XXII.

(d) Oribasius , Lib. IV. cap. XIII.

(e) Oper. med. Cent. I. Cap. LXXX. & aliis locis.

(f) Galenus , in Aph. Hippocratis , Sect. II. Aph. XV.

CCCLXX. Cum in inveteratis herpetibus minus prosperos ex validorum pharmacorum [§. 374-376.] usu obtinemus effectus, ad emetica confugiendum. Angli Medici non alio utuntur remedio ad omne languoris genus & solvendas abdominis obstructions (a).

CCCLXX. Bilis in jecore quandoque moratur, atrimoniam aut lentorem contrahit; nec raro fucta telæ cellulosa foraminibus in cutem ducitur. Alvus stricta, candicans, ructus acidi, flatus, colici dolores, pravae digestiones, lassitudines, cutis color luridus, sensus ponderis in toto corpore; hypocondriorum tumores, vitia viscerum, præcipue jecoris luculenter arguunt. Verum bilis excretioni præ cæteris favent exercitia corporis & emeticorum usus; dum enim inter horum operationem mirum in modum contorquetur omni ex parte corpus; tanta nonnunquam succedit bilis excretio, ut ad quindecim libras cum bonis agri rebus egesta fuerit (b).

CCCLXXII. In exhibendis purgantibus ad aeris constitutionem & anni tempestatem etiam attendendum est. Herpes enim qui prægressa calida simul & sicca tempestate [§. 150.] præcipue versus autumnum effloruit, magis amat edulcorantia, diluentia &c. quam evacuantia quælibet. His etenim non utendum nisi postquam illa prius usurpata sunt. Insuper, *estate ventres superiores magis purgentur, quam inferiores.*

CCCLXXIII. Vere & autumno imprimis accidunt herpetes [§. 149.]. Cum verò languent Naturæ motus quos ad corporis defecationem hæc excitaverat, atque stimulis indiget quibus excretio-

(a) Robinson, of food and discharges, pag. 115.

(b) Raymond, *Traité des maladies dangereuses à guérir*, Tom. II, pag. 47.

nes peragantur ; scorix morbosæ in motum à Naturâ ductæ sudificis , diureticis , catharticis potissimum sæpè feliciter eliminantur. Hanc assertionem firmat Palmarius qui elephantiasin incipientem solâ catharsi & phlebotomiâ vere & autumno celebratis sanasse se gloriatur (a). Opportunum autem præ cæteris est herpetum curationi vèrnum tempus , dein æstivum.

CCCLXXIV. Si verò herpes sit tantummodò cutaceus [§. 317.] vel modo quolibet ità suscitetur , ut illæsis corporis penetralibus sola cutis vulneretur ; supervacaneum est , ne dicam periculosum pharmacis ægròs fatigare... Hinc Poterius meritò redarguit eos , qui putant nullam fieri posse ulcerum sanationem absquè alvi subductione ; citrà phlebotomiam , citrà manifestam aliquàm evacuationem (b).

CCCLXXV. Expurgatis alimentariæ fistulæ sordibus ; ichorosa colluvies per varia corporis emunctoria subducenda est vel specificis retundenda. Verùm ducatur per *loca magis convenientia*.

CCCLXXVI. Porro cum materies vasis impacta sanguiferis & lymp̃ha lentiores sunt , quàm ut per cutis spiracula possint eliminari , cum interea torpent vasa , & languet humorum circuitus , diuretica multùm valent in curatione herpetum

CCCLXXVII. In languidis & humidis corporibus maximè juvant diuretica calida ; vasorum enim vires erigunt ; movent humores ; lentos , viscidos attenuant , eliquant & meabiles per varia corporis emunctoria , præcipuè per urinæ vias efficiunt.

CCCLXXVIII. Ideò cacochymicis , ad Scorbutum

(a) V. Skeukium , obs. med. Lib. VI. Obs. II. pag. 804. & seq.

(b) P. Poterius , obs. med. Cent. II. Cap. I. pag. 6.

declinantibus , arthriticis , catarrhosis , defluxioni obnoxiiis , languidis , debilibus , pituitosis , pinguedinosis nonnihil acria & paulò calidiora medicamina præ cæteris arrident ; scilicet juscula millepedum , cum corallis , cum oculis cancrorum ; antiscorbutica piperatâ virtute donata , beccabunga , Raphanus rusticanus , fumaria , lupulus , &c. . . . Trifolio fibrino intus & extus usurpato ulcera depascentia etiâ inveterata brevi temporis spatio sanabat Willius (a).

In prædictis igitur corporibus in quibus ad scorbuticam humorum dissolutionem via tantummodò panditur , & magis adest eorum lentor , quàm dissolutio & liquefactio , valdè utilia sunt ejusmodi medicamina.

CCCLXXIX. Cum verò sic inveteratus est morbus , ut loco crassi sanguinis ac concreti , serum valdè tenue , coccinei coloris & saporis acris habeatur (b) ; erodentes urgeant dolores ; pulsus parvus sit & inæqualis ; sudores diffuant frigidi cum universalis lassitudinis sensu , detrimentum potius , quàm juvamen ex antiscorbutis acrioribus est expectandum.

CCCLXXX. Ideò tinctura cantharidum in herpete squamoso sicco [§. 61.] cæterisque crustâ vel squamâ obductis quibus pituitosa tentantur corpora ; humores lenti sunt ac spissiores , sanguis concretus ; in ipsâ leprâ &c. non rarò præstantissimos exerit effectus , quâ haud secus ac synapizatis , acerrimis vegetalibus , salibus alkalinis volatilibus (c) , humores quoslibet citò & potenter resolvi propriis

(a) V. Th. Bartholin. æt. med. Hæffer. Tom. II. Cap. LXXV. pag. 124.

(b) F. Hoffman. , ibid. Tom. IV. Part. V. pag. 10.

(c) Th. Bartholin. ibid. Vol. I. Cap. CXIII. pag. 208.

compertum experientiis habuimus: quâ tandem sanguinis & humorum feces per urinarios ductus ubertim abripi docuit observatio (a).

CCCLXXXI. Verum in scorbuticâ sanguinis & humorum dissolutione (qualis ab hydrargyrosi nonnunquamprehenditur (*)); item in scorbuto confirmato valde noceret (b) idem medicamentum 398.] quod in psorâ, lichene & leprâ, seu herpete squamoso & impetigine hâc forsan ratione lethale vidit Plinius (c).

CCCLXXXII. Hinc nonnunquam evenit ut ex optimis medicaminibus intempestivè advocatis efficiantur venena... sic dum herpes verè criticus apparet; nisi febris vehementia & sicca robustaque corporis constitutio locum annuant nitro & frigidis medicaminibus, hæc valde suspecta, imò periculosa reputantur, ut potè quæ reprimunt motus febriles, materiam ex cute ad interiora revocant, Naturæ conatus interturbant, morbiquè fomitis reliquias ad interanea sæpè revocant.

CCCLXXXIII. Præstat igitur his in circumstantiis eò ducere humores quò *Natura vergit*, & potu copioso, diluenti, aromatico suscitatis (ubi languet febris) vasorum motibus, morbi reliquias ad eutem sudificis mittere, quàm humorem jam ex corporis penetralibus excussum ad penetralia frigidis revocare.

CCCLXXXIV. Præstat etiâ, ubi vires ægrotantium sufficiunt, ad instar Langii quiescere, quàm ægros fatigare pharmacis. Sæpè enim herpes haud secus ac scabies versùs quartanarum aut continua-

(a) R. Mead, *Medicina sacra*, cap. II. pag. 15.

(*) V. Storck, *ann. med. ann. 1758*, pag. 26.

(b) F. Hoffman. Vol. III. Cap. V. §. II. pag. 434.

(c) Langius, *ibid.* Ep. XLVII. pag. 210.

rum declinationem apparentes citrà omne præsidii genus evanescunt, prout Langius de scabie scribens centiès observavit. Quòd si tunc, inquit, phlebotomia facta fuisset, vel pharmacum exhibitum, ingens fuisset periculum, ne per venas, per quas materia morbi fuerit expulsa, hæc prorsus ad interna viscera retrahatur. Quæ de pharmacis aut venæ sectione hic docet Langius (a), ea de diureticis frigidis, aut refrigerantibus quibuscumque audienda sunt.

CCCLXXXV. Nihilominus ad ægrotantium constitutionem attendendum est. In siccis enim ac biliosis hominibus fibræ sunt rigidiores, vasa magna, sanguis concretus, cum notabili humorum spissitudine & acrimoniâ pedisequâ. Porro copiosum lactis serum cum alkalinis plantis non acerrimis, variisve nitratis, humores cum sanguine tenuat, demulcet, liquat, per urinæ vias potenter emovet; ac proinde in herpete squamoso sicco, ceterisque crustâ vel squamâ obductis, quibus tentantur melancholici, strictioris habitûs & sicci homines, maximè locum sibi vindicat.

CCCLXXXVI. Hinc in impetigine, herpete squamoso, esthiomeno, [§. 96] &c. qui magnas cutis areas obsident, ac obducti squamis crustisve perspirationem plurimum imminuunt vel cohibent; maximè juvare possunt. Tum enim cutis excrementa, prout non semel vidimus, versùs urinarios ductus confluunt; urinæ crassiores, rubicundæ, turbidæ, arenulis refertæ, sedimento divites eructantur, pruritu & ardore cutis hoc modo plurimum imminutis.

CCCLXXXVII. Cum recrementorum illuvies

(a) Langius, ibid.

ex corporis penetralibus ad cutem ducitur [§. 161. 162.] vel præpeditâ insensili perspiratione [§. 149. 151.] sese produnt herpes ; nec ad absolvendum *depurationis opus* Natura sufficit ; maximè juvant potus theæ (a) , pulveres diaphoretici, decocta lapathi, cardui benedicti, scordii, sambuci, scorfonæræ, &c. Ligni Guaiaci, Betulæ, &c. largo seri haustu temperata.

CCCLXXXVIII. His imprimis annuitur locus, ubi lymphaticorum imbrum iners ac viscida moles variis in organis fluctuat ; nondum in aliquod viscus fixa est ; ubi sanguis spissus est, viscidus ac parte glutinosâ [§. 184.] nimium fetus ; prout in pituitosis, catarrhalibus, rhumaticisque defluxionibus obnoxiiis sæpè deprehenditur.

CCCLXXXIX. Cum adolescens elephantiasi tentatus non alio potu, quàm ulmi decocto in vino uteretur, tantos ac graveolentes experiebatur sudores, ut vix illos (b) custodes ferre possent. . . . Inveteratos & aliis remediis obsurdescentes herpes pertinaci Ulmi decocti usu dissipatos fuisse novimus.

CCCLXL. Empiricus decocto stibii calcinati cum *salsâ* & aliis, morbos cutaneos perniciosasquæ scabies persanabat (c).

CCCLXLI. In affectibus ejusmodi, ut in multis aliis incurabilibus, observatum est multam antimonialibus educi colluviem nigram, pituitosam, aquosam, viridescentemvè (d).

(a) Multum adauget insensilem perspirationem. De Haller, elem. physiol. Tom. V. Lib. XII. Sect. XV.

(b) J. Donyetus, Lib. I. Cap. VII. Magna insuper prodibat urinæ crassæ & nigricantis copia. . . Eadem, ut observavimus, præstitit cimaroubæ radix.

(c) F. Platerus de superf. corp. /dol pag. 866.

(d) P. Alpius, de med. Ægyp. Lib. IV. pag. 130.

CCCLXLII. His medicaminibus adeo confidit Poterius (a), ut dixerit eos qui non debitis cautellis pforas (herpetes squamosos) tractant; virusque sub cute latitans per antimonialia non evacuant, planè deridendos esse.

CCCLXLIII. Aqua pluviosa, inquit Huxhamius (b), & fluviorum aliquo modo in antimonii crudi corpus agit, ac refert lacteum colorem & sulphureum antimoniale odorem & saporem, si cum eo moderato solis aut ignis calore digeritur.... *Atque hanc aquam ità refertam ac largè potam in cutaneis aliisque morbis magnam utilitatem præstisse compertum fuit.*

CCCLXLIV. Tantam vim antimonialibus ad evertendos achores, pustulosos & pruriginosos affectus tribuêrunt, ut varia ex antimonio præparata, luis venereæ & chronicarum cutis affectionum specifica nuncupent (c).

CCCLXLV. In herpetibus inveteratis in quibus humorum lentorem cum acrimoniâ deprehendimus, nec adsunt viscerum obstructions, neque cacoehymica vel scorbutica corporis constitutio; *observatione dignum est in contumacibus cutis defædationibus quæ sæpè revertuntur (vel pertinaciter in cute hærent), frustra tentatis omnibus aliis remediis, diaphoreticæ cum mercurialibus etiâ externe adhibitæ, effectus exeruisse præstantissimos (d).*

CCCLXLVI. Interim hæc circâ sudificorum usum annotanda veniunt: lue venereâ pustulosâ vel corrosivâ laborantes optimè se habent ex usu subli-

(a) P. Poterius, ibid. Cent. III. cap. LXXI.

(b) Huxhamius, Obser. de antimon.

(c) Th. Bonnet, oper. chirurg. tom. II. lib. VI. de affect. externis, pag. 303.

(d) F. Hoffmann, Cent. II. III. Sect. IV. cas. 162.

mati cum sudificis, quæ valdè noxia sunt eadem inflammatoriâ lue [§. 182.] tentatis, vel scorbuticâ humorum crassi donatis corporibus.

CCCLXLVII. In obstructis tamen vitentur sudifica, donec mercurialibus, aperientibus, &c. infarctus viscerum dissipati fuerint.

. CCCLXLVIII. In herpetibus criticis febris augeatur scabiosæ, cardui Benedicti, &c. decoctis, ubi languidior fuerit; imminuatur, si vehementior [§. 385.]; acriâ tamèn hic scrupulosè vitentur.

CCCLXLIX. In catarrhalibus defluxionibus, quæ in herpetem discretum miliaremve degenerant in pituitosis cacochymicisve corporibus, levia sudifica præ cæteris advocentur, quæ non irritatâ febre perspirationem nihilominus foveant; videlicet betulæ, russilaginis infusa, bardana, salix quæ siccat absque morfu (a) &c.

CD. Acria verò, spiritus cornu cervi, alkalia volatilia, Guaiacum, &c. præ cæteris usurpentur ubi sanguis & humores crassi sunt, eorum lentore gravatur corpus, nec intereâ notabilis observatur in cacochymiam vel scorbutum propensio; secus, prout sæpius accidit, & morbus & pruritus exasperarentur.

CDI. Sudores in herpetibus inveteratis eliciantur, sed antè omnia defecatum sit corpus, & expurgatus tubus alimentarius; secus, prout in cacochymicis potissimum ac impuris corporibus evenit, morbus irritaretur.

CDII. A sudificis abstineant biliosa & sicca corpora; ne (prout nuper evenire novimus) scabies aliivè pruriginosi affectus addantur herpeti.

CDIII. Versùs autumnum ac hyemem ablegentur

(a) Ballonius, consil. med. Tom. I. cons. XXI.

sudifica, quæ vere declinante ac æstate potius advocentur.... Generatim pro vario causarum confluxu, ægrotantium temperie, consuetudine, aeris opportunitate nunc admittantur, nunc rejiciantur.

CDIV. Viperarum carnes, juscula, pulveres in curatione cutaneorum affectuum olim valdè celebrabantur. Verùm illarum usus non parùm obsolevit ex quo Palmarius auctoritate Fernellii commotus viperarum varia præparata tanquàm inutilia vel noxia rejecit; quòd in quibusdam elephantiacis nullum bonum, noxas potius intulerint.

CDV. Ipse Hoffmannus (a) propriis & aliorum observationibus fretus, viperarum virtutes magis tribuit aliis medicaminibus quibuscum adjunguntur; ac Veterum opiniones veluti præjudiciis astructas infirmare conatus est; ità ut dubium superesse videretur contrariis observationibus (b).

CDVI. Attamen viperarum juscula vel carnes oleum animale, mucumquè salibus alkalinis volatilibus refertum continent. In corporibus igitur siccis quorum humores spissi sunt & sanguis admodum tenax, *juscula viperarum*: in iis, in quibus ex solidorum atoniâ & recrementorum lentore infarciuntur viscera, *viperarum sales ac pulveres* maximum emolumentum afferre possunt, quatenus *illa* fluidorum acrimoniam & spissitudinem retundunt, *hæc* sanguinem & humores solvunt, vasorum vires nonnihil erigunt, humores lentos incidunt & recrementa per varia corporis emuntoria, præcipuè per urinæ vel perspirationis vias, placidè averrunt (c).

(a) Med. rat. systh. vol. III. cap. V. §. XVII. XVIII. pag. 434.

(b) V. Skenkii, Obs. med. Lib. VI. obs. I. pag. 804.

(c) Tozzi, in Hippocr. aph. Sect. III. aph. XX. pag. 54.

CDVII. In herpetibus igitur inveteratis, in corporibus scrophulosâ vel venericâ lue tinctis; non obstructis, aut infarctis; vel siccis, melancholicis, &c. Viperas herpeticarum affectionum specifica non immeritò diceret, quæ inter optima depurantia militant, etsi rudes aliam tueantur opinionem.

CDVIII. Neque reponat Hoffmannus viperæ virtutes ab aliis medicamentis, quibuscum illa jungitur, esse repetendas Ab his aliena docet propriâ doctus experientiâ Ill. Morgagnus (a), qui solis viperarum jusculis scabies inveteratas, ipsa ulcera variis medicaminibus frustra tentatis intra annum siccat & persanabat ... In herpetibus foedissimis, inquit Ethmullerus (b), præmissâ purgatione, optimè conducebat essentia viperarum, dum topicis perficiebatur curatio ... Quidam antiquâ pforâ (herpete squamoso) laborans, cum infinita medicamina tentasset, solis viperarum carne & jusculis utebatur, sic ut totâ æstate plus quàm centum quinquaginta quinque comederit; quasi renovatâ cute totus alter factus est, & qui valdè senex apparebat, quasi juvenis visus est (c).

CDIX. Ab his non multum alienas observationes tradidère Galenus (d), Haenius (e) &c. aliasque prædictis addere supervacaneum est. Satis est cum Poterio notare vix utilem esse viperarum usum, nisi diu productum. .. Ab hac sententiâ parum recedere videntur Meadius (f), qui frequen-

(a) De morb. chir. Ep. anat. med. Lib. IV. Ep. LV. pag. 156.

(b) Oper. med. Tom. III. casus & obs. Obs. CCXLIII. pag. 435.

(c) Poterius, Cent. II. Cap. LXXI. pag. 69.

(d) Galenus, de simp. med. facultat. Lib. II.

(e) A. de Haen. rat. medendi, Tom. V. pag. 181. & seq.

(f) De venenis tentamen primum, pag. 40.

tiorem viperarum usum commendat; & Ballonius, qui vipers majori dosi suadet, ita ut vertiginem inducant (a).

CDX. Cæterum non concedantur, nisi hominibus quorum viscera sunt bona (b); vel cum aquâ sero lactis, vino, sudificis, medicaminibusvè huic vel illi temperamento magis idoneis; ac antè omnia purgatis. Rarius usurpentur autumnò & hyeme, longè frequentius vere & æstate; in siccâ enim & calidâ temperie, ac proinde in regionibus calidis præstantiores effectus exerere videntur.

CDXI. Usu sulphuris interno laxatur alvus; vasa stimulantur; moventur telæ cellulosæ subcutaneæ liquores & per insensilis perspirationis vias eliminantur.

CDXII. In temperamentis humidis, pituitosis, non obstructis, neque phtisicis ac tussientibus hominibus, quos interemisse vidimus (c), neque caco-chymicis, neque scorbuticis aliquo ulcere tentatis, par vix habetur remedium; scabiem enim humidam (d), herpes & ulcera serpentia humida siccant, & brevi temporis spatio sanant; maximèque locum habet, ubi cutis affectus sunt tantummodò cutacei [§. 317. 318. 319.].

CDXIII. Verum sit prudens hujusmodi medicaminis usus tum internus, tum externus; sæpè enim cobaltum & arsenicum adjunguntur: ulcera quidem siccant; ast non rarò prioribus peiores, exitiosas nonnunquam edit strages (e), sive primarum viarum inflammationem & gangranam

(a) V. Bonnet, labyrinth. med. Lib. X. de affect. extern. pag. 609.

(b) F. Joel, oper. med. Tom. V. Lib. II. Sect. III. pag. 114.

(c) F. Hoffmann, Vol. III. Cap. V. pag. 436.

(d) Morgagni, Ep. an. med. LV. pag. 12. & seq.

excitet; sivè citiùs exsiccatò , quàm par erat ,
ulcere , ichoris reliquiæ cum noxiis mineralium
particulis deducantur in viscera.

CDXIV. Neque enim varia metalla per subli-
mationem ipsam , ut dicit Cl. Geoffroi (a), à sul-
phure prorsùs extricari nobis liquidò constat , qui
novimus quantùm volatile sit arsenicum, ubi variæ
minerae quibus detinetur , in ignem conjiciuntur

CDXV. Quapropter , quamvis Dioscorides &
& alii sulphuris externum usum comprobaverint
in curarione lepræ , scabiei & pruriginosorum
affectuum ; valdè suspectum , licèt aliquoties [§.
412.] utilissimum, tale medicamen reputamus mo-
niti Goulardi observationibus quibus constat acrium
& cæterorum ejusmodi medicaminum ulceribus im-
positorum *tenuēs particulas in sanguinem ità per-
meare , ut ager veneno affectus moriatur , de verâ
mortis causâ nemine interim suspicante.*

CDXVI. Mercurialia medicamina viscidos hu-
mores attenuant ; solvunt ; impacta movent recre-
menta ; ex visceribus inter adauctas alvi , sudo-
ris , urinarum excretiones expellunt ; adeoque
specificâ quasi virtute herpes inveteratos , po-
tissimùm in lue venereâ tinctis dissipant tùm
internè tùm externè usurpata.

CDXVII. Cum insumuntur ut *alterantia* , minori
dosi diuturno tempore ingeruntur , ut massa hu-
morum sensim tenuata sensim eliminetur. Tùm
dulcis Mercurius , Turpethum minerale , præ cæ-
teris corrosivum sublimatum parcâ dosi & repe-
ritis vicibus ingeruntur , interjectis pro re natâ
catharticis , diureticis vel diaphoreticis [§. 377.
394. 405]

(a) Mater. med. Tom. I. de sulphure , pag. 179 & seq.

CDXVIII. Cum verò (quod rariùs evenit) citius expellendus est morbi fomes, Hydrargyrosa dosi majori brevius intra temporis intervallum administrantur. Hâc arte non rarò obtinetur *salivatio* (modò per evacuantia [§. 435] non impediatur hydrargyrosis); & impetigines aliquæ, prout observavit Willisius; vel alii pruriginosi affectus & ulcera sanantur.

CDXIX. Interim notandum est longè præstantiores ex hydrargyrosis effectus obtineri fumigationum quàm frictionum ope... infantes mercurialibus (nisi parcâ dosi concessis) non citrà noxam adflescere... scorbuticos, cacochymicos ab hydrargyrosi se pejus habere... phthisicos, tussiculosos, hæmorrhagiis obnoxios corrosivum sublimatum citrà detrimentum non ferre (a)... externum in ulceribus hydrargyrosorum usum nonnunquàm esse periculosum (b)... cæterùm solo mercurii dulcis usu interno cum aconito ulcera serpentia narium [§. 100.] etiàm cum ossium carie sanata fuisse (c)... à mercurialium usu sudifica in crassis & pituitosis, purgantia in cacochymicis, diluentia in siccis corporibus morbi non omninò devicti reliquias penitus abigere... in ulceribus venereis, scrophulosis, & cæteris in quibus nulla datur luis suspicio, multùm juvisse externum sublimati corrosivi usum... herpes potissimùm squamis aut crustis obductos, vel esthiomenos (d) etiàm inveteratos facilè persanari.

CDXX. Aquæ minerales pro variis, quibus imprægnantur mineralium particulis, prosperos in

(a) Storck, ann. med. pag. 67.

(b) P. Poterius obs. med. Cent. I. Cap. I. pag. 5. Hiidanus, &c.

(c) Van-Swijeren, Tom. V. de lue venerea.

(d) F. Joël, oper. med. Tom. V. Lib. II. Sect. II. pag. 111.

herpetum curatione nonnunquam edunt effectus.

CDXXI. Aliæ sunt calidæ, quæ viribus additis languenti stomacho coctionem promovent (a), vasa referant, ac moles recrementorum importunas per cutis spiracula secum abripiunt.

CDXXII. Externè ulceribus & pustulis herpeticis impositæ, cutis organa roborant; humorum ad ulcus pustulasvè herpeticas confluentium excretionem efficaciter promovent; ulcera siccant; pustulas abigunt... Oleo Petroleo montis Zibinii sive internè, sive externè usurpato inveterata cutis ulcera; varios affectus cutaneos, elephantiasim ipsam sanabat Ramazzinus (b)... Herpetem miliarem solis aquis thermarum feliciter tractabat Fabricius (c).

CDXXIII. In humidis herpetibus [§. 62. 70. 106. 109.] locum imprimis habere videntur aquæ thermales; si cæteroquin obstructa non fuerint viscera; neque cacochymiâ, neque scorbuto tententur ægrotantes... Tunc enim ulcera calefaciunt; materies ichorosa fit acrior; ulcusque magis molestum evadit.

CDXXIV. Quoad usum internum attinet; quæ in scorbuto nondum confirmato sanant ulcera (c), carolinæ minùs conducere videntur, ubi perfecta jam adest sanguinis dissolutio & putredo (f)... Itèm in cacochymicis ac obstructis corporibus, in quibus morbi fomitem ducunt in infirmiora viscera, prout sæpè nos edocuit observatio...

(a) Cl. Lorry, introd. ad comm. in sanct. aph. Sect. II. de aere,

(b) De Petroleo montis Zibinii, pag. 357. 358.

(c) Fabr. ab Aqua pendente, Lib. I. Part. II. Cap. XXVIII. fol. 730.

(d) Hildanus, obs. chir. Cent. V. Obs. XC. pag. 420.

(e) F. Hoffmann. med. rat. Tom. IV. Part. V. pag. 29.

(f) Swietenius, in Boerhav. aph. 1164. Tom. III, pag. 631.

Ubi potionibus purgantibus, phlebotomiis, lotionibus, balneis, frictionibus & sudificis incassum exagitatus fuit ager; illarum enim usum insignis Marcor, vigiliæ pertinaces, dolores in ulceribus longè acerbiores, inappetentia, & ulcera nova novis succedentia subsequuntur (a) ... Ubi, priusquam ingerantur, præparatum non fuit corpus; etenim ab earum usu mala toleratis graviora sæpius accidunt (b) ... in siccis quibuscumque herpetibus; potissimum biliosa aut macilenta corpora infestantibus.

CDXXV. Maximè verò conferre videntur ubi ex solidorum inertia languent excretiones; in temperamenti obesis, crassis ac pituitosis; labe rachitica, scrophulosa, vel venerea tinctis; qui in rheumaticos, arthriticosvè insultus incidunt: potissimum in herpetibus exedente vel miliari qui hypocondriacis infarctis, non obstructis, nec verè scorbuticis familiaris est: itè in iis qui à percussâ perspiratione pertinaces in pectus aut aliud organum experiuntur catarrhofas defluxiones; vel quibus *ex frigidityte*, ut aiunt, *ventriculi* languent ciborum concoctiones (c).

CDXXVI. Therma ferro imprægnata maximè valent ad referandas pertinaces lienis, jecoris aliorumvè viscerum obstructions eorum in quibus materia viscida visceribus impacta ob vasorum inertiam suscitavit viscerum infarctus [§. 143.]

CDXXVII. Verùm calorem adaugent, potissimum in siccis corporibus; putridos ichores in

(a) P. Poterius, Cent. II. Cap. I. pag. 34.

(b) Hildanus, pag. 420. Hippocrates, epid. Lib. I. N°. 4.

(c) Th. Bartholinus, act. med. Hassnien., Vol. I. Cap. CXLVIII; pag. 283. & seq.

scorbuticis , cacochymicis , marasmo fractis , phthisicis commovent , morbumquè sapiùs exasperant ; sic ut ex earum usu scabies in lepram conversa fuerit (a) . . . à martiatis igitur , ut sulphureis aquis sivè arte , sivè naturâ paratis cautè his in circumstantiis abstinendum est (b).

CDXXVIII. Aquæ vitriolicæ dictæ intùs assumptæ stringunt fibras ; ventriculum roborant ; spissant fluida ; calorem internum temperant , minuunt perspirationem , urinas adaugent (c) ; adeoque scorbuticis aliquo ulcere tentatis multùm arriident.

CDXXIX. Ast non parùm infensæ sunt caco-chymicis , rachiticis , lue scrophulosâ vel venereâ tinctis... imò catarrhofas defluxiones , tusses variosquè pectoris morbos exasperant (d).

CDXXX. Extrinsecùs advocatæ siccorum herpetum crustas , & squamas averrunt , stricturam cuti (haud secùs ac aquæ alumine tinctæ) sensibus manifestam inferunt , nascentes impetigines , crustaceos herpes & siccos esthiomenos brevi temporis intervallo persanant ; dùm partis , cui applicantur , perspirationem non parùm imminuunt.

CDXXXI. Succis amaris aliquotiès annuitur locus in curatione herpetum. Maximè juvant infirmos aliosquè quorum saburrâ imprimis acidâ scâtet ventriculus... Abrotanum , chamæmeleum , eupatorium , enula &c. manè jejuno ventriculo commissa præstantissimos hîc exerunt effectus ; licèt

(a) Turner , *Traité des maladies de la peau* , Tom. I. pag. 33.

(b) Morgag. Ep. LV. §. 3. & aliis locis.

(c) Chesneau , obs. de natur. & vir. aq. Barbot , pag. 635.

(d) Th. de Bordeu , *usage du mercur. & des eaux de Bareg. dans les écrouelles* , pag. 121.

in delicatulis & maximâ generis nervosi sensibilitate donatis hominibus aliquotiès emoveant ventriculi subversionem.

CDXXXII. Alii corticem Peruvianum sero lactis vel vino infusum valdè prædicant; qui ventriculum recreat; digestionem restituit; primarum viarum sordes placidè subducit; & ad massam sanguineam delatus, vasorum vires acuit; recrementaquè, quibus potissimùm in periodicis affectibus gravantur ægri, per varia emunctoria citius ac tutius quàm alia præstant medicamina, eliminat, si Morgagni, &c. dictis fides non sit deneganda.

CDXXXIII. In herpetibus igitur, qui periodicè recurringunt [§. 85 304] ac ex vitio digestionum vel corporum impuritate sobolescent, vel quibus occasionem dedit sanguinis & humorum lentor, maximè locum habere videtur: sanguinem enim concretum liquat, solvit spissos ac tenaces succos; ità ut post diuturnum ejus usum, sanguis è venâ fluxerit rutilus, tenuis; & post horam in multum ferum & exiguum levis consistentiæ placentam abiverit (a).

CDXXXIV. Præ cæteris eos juvat in quibus ob vasorum inertiam languent excretiones; pituitosos, humerali melancholiâ laborantes, eosquè quorum herpes (prout in nonnullis medicinâ exhaustis observavimus) periodicè resurgunt. Inter optima enim depurantia (b) militat cortex Peruvianus, quo prætereà (teste Swietenio) feliciter utimur in siccis & marasmo fractis (c) haud secus ac in phtisicis ulcere interno laborantibus (d).

(a) A. Storck, ann. med. 1758. de morb. acut. pag. 50. 51.

(b) Barbette, Chirurg. de herpète. pag. 190. Hoffmann. &c.

(c) Swietenius in Boerrh. Tom. V. pag. 532. & seq.

(d) Vigier, Grande Chirurg. des ulcères, chap. XXII. pag. 89.

CDXXXV. Verùm ut prosperos ex usu corticis Peruviani, guaiaci, salsa &c. obtineamus effectus, quædam cautelæ sunt observandæ: 1^o. sanguis, modò ferat ægri conditio, mittatur; 2^o. tubus alimentarius expurgetur; 3^o. victus sit tenuis; quò enim tenuior est, hòc citiùs sanatur æger. Tandem » hic in hypocaustum se recipiat & » manè singulis diebus per quatuor septimanas decocti radicis kinæ libram unam hauriat. Sic enim, inquit Joël (a) reliquias vitiosorum humorum & faniem ad ulcus confluentium præscindimus.

S E C T I O I I.

De Præfidiis externis.

CDXXXVI. **I**NTER præfidia chirurgica herpeti debellando idonea non infimum tenet locum sanguinis evacuatio. Potissimum confert in exedentibus herpetibus [§. 235. 236.] cæterisque tumoribus è bilioso humore confluyente ortis (b): moderatur enim febriles impetus; corporis æstus reprimat; præpedit viscerum inflammationes, deliria [§. 86. 87.] &c. quibus premuntur ægri, antequàm humor cutem appellat.

CDXXXVII. Evacuatio sanguinis alia *derivativa* ut aiunt, alia *vacuativa*. Prior imprimis est utilis cum sanguis febriles inter excandescencias magis in hoc vel illud viscus irruit, in quo suâ stasi infarctus, inflammationes & gangranas advocare potest. Tum in extremâ vel remotâ corporis parte celebratur evacuatio ut cerebri, pulmonis aliorum.

(a) Joël, præceos, Lib. X. Sect. III. pag. 555.

(b) P. Alpinus, de Med. Ægypt. Lib. II. Cap. VII. pag. 525.

ve viscerum perniciosi præcaveantur affectus. Hæc arte dux utriusque Baviaræ à lumbis ad genua usque zoster circumdatus, febre continuâ detentus, æstuans ad delirium usque, incisâ pedis utriusque saphenâ, adhibitis quoque, quæ febrem restinguerent [§. 385], à morte vindicatus est (a).

CDXXXVIII. In temperamentis verè plethoricis, in quibus ad inferas partes revocandus est sanguis [§. 171. 172.] unâ & vacuandus; valdè confert ejusmodi præsidium. . . In hypocondriacis & hæmorrhoidalibus quorum in cutem herpes effloruit à recessu hæmorrhoidum, sanguinem hirudinibus ad anum feliciter revocamus (b).

CDXXXIX. In curatione variarum herpetis specierum sanguinis evacuatio potissimum iis confert, quibus fuit in consuetudine; hominibus macris unâ & sanguineis, adultis; cæterisque, quorum vasa magna, pulsus elati, & arteriæ temporum micant. Hos autem plurimum juvat arteriotomia (c).

CDXL. In omnibus, inquit Galenus (d), qui sic præter naturam consistunt, tumoribus, communis indicatio, vacuatio est. Verùm hæc fiat pro corporis idyosyncrasiâ (e) . . . Cum enim languent ægrotantium vires; pulsus humilis est, cacochymica, pituitosa, vel scorbutica datur corporis constitutio; in inveteratis potissimum herpetibus, qui pallidiores ac obstructos invadunt; valdè suspecta, imò periculosa meritò reputatur *derivativa* simul & *vacuativa* sanguinis evacuatio, quam his de

(a) Langius, Ep. med. XXII. pag 527.

(b) Hoffman. ibid. §. V. pag. 431.

(c) M. A. Severin, *Chirurg. efficace de l'artériotomie*. pag. 89. 90;

(d) Medend. meth. Lib. XIV. cap. 3.

(e) P. Alpinus, de med. Ægypt. ibid.

causis, prout suspicari licet, damnavit in suâ chirurgiâ Barbette (a); parcamquè fieri, diversivam, nec ità copiosam, quàm ea quæ fit evacuandi gratiâ, annuit Amatus Lusitanus (b).

CDXLI. Longè præstantiores edit effectus vacuativa, quæ fit in ipsâ parte cutis ichore herpetico tinctâ. Eâ enim in viciniis ulcerum cutaneorum celebratâ, non rarò sanguis effluit spissus, nigricans, concretus, tabefactus & longè benigniores apparent, faciliùsquè sanantur herpes... Sectâ tibiali venâ, ulcuscula tibiæ sæpè repullulantia sanavit M. Aurelius (c)... Sectâ frontali venâ, squamosus herpes evanuit, frustra tentatis quibuscumque medicaminibus (d).

CDXLII. Venæ vel arteriæ sectione sæpè præstat sanguinis, ope scarificationis vel hirudinum,eductio. In inveteratis cutis defluxionibus Veteres utebantur scarificatione (e)... Chalmette (f), assentiente Rhase (g), jubet in estriomeno fricari corruptas carnes, donec sanguis effluat... In tinea confirmatâ vult Ballonius (h) profundè scarificari margines ulceris... In omni cutaneâ affectione, impetigine & igne volatico seu herpete discreto ad estriomenum vergente Rudius (i) laudat scarificationes, ut minuatur cutis inflammatio; & novarum pustularum eruptio præpediatur... nusquàm citiùs ac efficacius coercentur herpes

(a) Chir. de herpete, pag. 196.

(b) A. Lusitanus, curat. med. Cent. II. Cur. XXXVIII. pag. 185.

(c) M. A. Severin., II. *Part. de la Chir. effic. Chap. XXVII.* p. 126.

(d) Idem. *ibid.*

(e) Inter eos, Hippocrates, Ep. Lib. VI. Sect. V. §. XXI. Foësius, pag. 1185.

(f) Encheiridion, *des Chir. Chap. VII.* pag. 47.

(g) Conf. med. Lib. II. Conf. XIX. Tom. II. pag. 233.

(h) Rudius, de sympt. ext. Lib. II. Cap. II.

(i) Vigier, *Gr. Chir. Chap. II.* pag. 319.

miliaris & squamosus , cum serpunt , quàm opè scarificationum (a).

CDXLIII. Verùm scarificatio nullibi magis opportuna deprehenditur , quàm in herpète exedente erysipelati succedaneo. In eo enim mirabiles exerit effectus , præcipuè cum ichor ex unâ cutis parte in aliam diffluit , cum educto sanguine , cutis , ut observavit Hagendornius (b) , ardor , fervor & pruritus valde minuantur ; nec ulterius expatietur macula ; nec novæ pustulæ prorumpant.

CDXLIV. Imò , cum herpetibus imminet gangræna , maxime juvant scarificationes : eductis enim , ut vult Aræteus , hæc viâ cutis sordibus facta in cute vulnera medicaminibus quæ gangrænae obviam eant , locum facilius annuunt.

CDXLV. Quæ de scarificationibus ad evacuandam humorum illuviem in ulcera herpetica confluentem usurpatis diximus , ea de hirudinibus similiter audienda sunt , quæ Veteribus in iisdem circumstantiis , in quibus juvant scarificationes , plurimum arrident.

CDXLVI. Hirudinum , inquit Joël (c) , insignis est utilitas in Arte Medicâ , quibus utimur *vice cucurbitularum* aut scarificationis vel *venæ sectionis* , in evacuatione sanguinis impuri & putridi , in morbis particularibus ut sunt serpigines & alia maligna ulcera &c . . . » Sacro igni seu herpeti » exedenti melancholicæ mulieris crus exedenti » profecerunt sanguisugæ elicientes proximis è venis fervidum adustumque sanguinem , qui perennem fomitem pervicaci illi ulceri hætenus sup-

(a) Vigier , *Grande Chirurg. Chap. II. pag. 519.*

(b) Th. Bonnet , *sepulc. chir. Tom. II. Lib. VI. Sect. II. Obs. X. pag. 258.*

(c) F. Joël , *Chirurg. Sect. IV. de hirudine , pag. 140.*

„ peditaverat : quo exacto facillimè cessit reliqua
 „ molestia , non secùs ac si placida manus Æs-
 „ culapii fuisset imposita (a).

CDXLVII. Nec minùs utilis est sanguinis eva-
 cuatio in morbis ex retropulso herpete scaturien-
 tibus ; potissimùm ubi , quâ proportionè fuit in
 cutem ichor ex visceribus ope cucurbitularum
 extricatus ; eâdem scarificatione vel hirudinibus
 educitur. Nullum profectò tutius ac efficacius hùc ad-
 vocari potest medicamen, cujus ope (nisi strages jam
 intulerit exitiosas , seù pertinacem inflammatio-
 nem & gangrænâ excitaverit ichor herpeticus)
 acerbi dolores , &c. citò citiùs reprimi valeant.

CDXLVIII. Quemadmodùm in variis affectibus
 viscerum , sic in cutaneis non rarò confert *humec-*
tatio cujus ope strictiores emolliantur fibræ , humo-
 rum spissitudo vel acrimonia retundantur, &c. Inter
 præsidia ad hunc scopum dicata eminent balnea ,
 fots , fumigationes , quorum varius est pro va-
 riis circumstantiis usus.

CDXLIX. Ut herpetum curatio faciliùs obtinea-
 tur , cutis sollicitè suis est expurganda sordibus ;
 dum continuis indusiorum ac linteorum mutatio-
 nibus ab omni immunditie corpora defenduntur.

CDL. Balneorum vel fotûs ope remorata in
 summâ cute recrementa discutiuntur (b) ; cutis ube-
 riùs perspirat ; aqueæ balnei particule bibulos
 ejus introsubeunt porulos ; vasa cutanea referant ;
 fluida diluunt ; obtundunt acria ; demulcent pru-
 ritus.

CDLI. Multùm juvant in herpete furfuraceo [§.

(a) V. Tulpium , obser. medic. de herpete exedente.

(b) M. Aur. Severin , ibid. Cap. XXVIII. pag. 435. contrà varias
 cutis defœdationes balneis utuntur Ægyptii P. Alpinus , de med. Ægypt.
 Lib. III. Cap. XIX. pag. 114.

§ 2.], miliari sicco [§. 79.], estiomeno sicco [§. 96.]; cæterisque herpetibus crustâ vel squamâ obductis, in robustis potissimum corporibus antea regimine interno præparatis, ut monet Fallopius, ne fiat uberior ichoris ad partem ulceratam affluxus.

CDLII. Minus comprobantur balnea & fots ex aquâ simplici, quibus finitis pars affecta nimium refrigeratur (quemadmodum in debilioribus imprimis accidit); cutis stringitur [§. 5.]; ac recrementis obruitur. Ideo potissimum in humidis herpetibus illa vitantur.

CDLIII. Præstant in siccis herpetibus saliva, cujus virtutes potissimum in *furfuraceo* notæ sunt (a), haud secus ac in cæteris herpetibus siccis [§. 459] omnibusque pustulis ac ulceribus, antequam radices egerint (b); vel Antiquorum (c) hydræleum, quod ex oleo & aquâ conficiebant; vel balneum aquæ fluviatilis cum furfuribus decoctæ, lacte recenti temperatum; quod multum valere dicitur (d) in siccis ac molestis cutis affectibus, vel ad squamas averrendas, vel cutis ardorem temperandum... Ad hunc etiam scopum commendatur mixtura pomorum putridorum cum oleo rosarum & lacte (e).

CDLIV. In herpetibus humidis longè alio modo se res habet, præcipuè si corpora sint cacochoymica vel scorbutica, cutis laxa & fœdâ humorum illuvie conspurcata. In his præstant balnea medicata, quæ dum sordes cutis averrunt, unâ cutem & ulcera nonnihil abstergunt aut exsiccant. Ta-

(a) Celsus de re medicâ, Lib. V. Cap. XXVIII. §. XVIII. Barthelette, Forestus. &c.

(b) Joël, ibid. Tom. V. Lib. X. Sect. III. pag. 546.

(c) Fallopius, de ulceribus, Cap. XVI. Fol. 18.

(d) Hoffmann. ibid. pag. 436.

e Riviere, *Obs. de Médec.* pag. 279.

lia sunt balnea cum radicibus enulæ, fumarie, scabiosæ, &c. (a) . . . » Mumia Ægyptiaca cum cineribus abietis conteritur ac digeritur per aliquot horas in aquæ fumarie unciis duabus, cui si addatur oleum ebuli & camphoræ, divinum in ulceribus cutaneis illinitione solâ medicamentum habetur. Hujus internus & externus usus valdè commendatur ad mundandum corpus, aperiendum, præcipitandum, &c. in cachexiâ, scorbuto & affectibus hypochondriacis.

CDLV. In herpetibus exedentibus ac humidis quibuscumque, maximè cavendum est à balneis, diluentibus, refrigerantibusque; nisi febris validæ notabilis erethismus, vel ulceri sicco terrore adjungantur; *frigidum enim est* (ut cum Hippocrate loquitur Avicenna (c), *ulceribus inimicum, calidum verò amicum & judicans.*

CDLVI. Præterea Galenus (d) docet refrigerantia quæ herpetibus exedentibus conferunt ex humectantium classe non esse depromenda, verùm ex siccantibus, adeoque non lente palustri, non psyllio, non portulacâ, sed ex vite, capreolis, rubi foliis &c. inungendos esse herpes. Quòd enim, inquit, si poscâ aquosâ, vice horum, fueris usus, nil deterius feceris.

CDLVII. Hinc meritò Sanctorius redarguit eos qui plantaginem viridem ulceribus [§. 83.] exedentibus admovent. Hoc enim medicamine confectâ cute remoratus ichor vel in cutem conge-

(a) F. Hoffmann, ibid.

(b) Th. Mœufetus, Ep. ad Monavium, apud Cratonem, Ep. med. I. Cap. III, pag. 248.

(c) Nulla, inquit Avicenna, humectatio, ut pote ulceribus non conveniens.

(d) Galenus, Lib. II. art. curat. ad Glaucon.

ritur, vel in viscera retroagitur, & citâ gangrânâ inductâ mors morbo finem imponit, ut vidit Egbertus (a).

CDLVIII. Hinc fodus ex sumacho, floribus ebuli &c. in vino rubro & veteri decoctis maximè proficiunt in *exedente*, *miliari*, *discreto*, *phlycten*, cæterisque herpetibus in quibus excoriata videtur cutis superficies.

CDLIX. His, cum ad exsicccandos herpes [§. 458.] imparia sunt, adduntur tuthia, lapis calaminaris, pompholix, corallum &c. cerussâ imprimis, sal saturni, variaque plumbi usti præparata.

CDLX. Prædictis topicis, quæ neque calorem valdè adaugent, neque strictionem cuti majorem interunt, potissimum in herpetibus humidis utebantur Veteres, quorum vestigia premere gloriati sunt Recentiores. Hippocrates laudat calcis aquam *quam vult itâ temperatam ut ne magis ulceret* (b)... Observatione compertum est præmissâ fomentatione calidâ cum vini Gallici vappâ, herpes discretos, humidos quoslibet, etiam pertinaciores fuisse sanatos... aquam coronæ solis alkalinis salibus fetam herpeti debellando maximè idoneam (c) testatur Riverius... Alii laudant nidum hircinis, *qui nec exsiccare nec repellere dicitur*... Alii Thermas præcipuè Bollenenses, quæ magis habent vim repellendi quàm exsiccandi.

CDLXI. Fodus etiam sicci laudantur in curatione variarum herpetis specierum. In humidis herpetibus maximè locum habent & parantur ex lateri-

(a) Comment. in Dodonæi oper. Cap. V. de erysipelate faciei, p. 82.

(b) Tozzi in Aph. Hipp. Sect. III. Aph. XX. pag. 55. Walcheridius, Not. in chir. Barbetæ: Tom. I. pag. 634.

(c) Observ. de Médecine, Obs. XXXIV, pag. 739.

bus ficcis , carbonibus extinctis, &c. . : Hâc arte herpes exedentes, discreti, miliares humidi , ulcerati & in estiomenum declinantes non rarò ficcantur , crustis obducuntur , & sanantur . . . Secalivusto & calido hunc in finem utebantur Veteres (a), & tale medicamen ad exsicccandos herpes discretos Rusticis admodum familiare video.

CDLXII. Frequentius ad usum vocatur ficcus fofus cujus ope ulcera cutanea , vaporibus ex lignis accensis , spirituosis , &c. avolantibus exsiccantur.. Vapor calido vini spiritus nudum corpus (pharmacis & diluentibus antea præparatum) tangenti sudores copiosi succedunt ; ubertim dissipantur excrementa, siccatur ulcus , & sanatur æger.

CDLXIII. Fotui sicco hâc arte instituto locus imprimis annuitur in herpetibus inveteratis , estiomenisque sive putrilaginosi , sive cancris , quibus obnoxii sunt cacochymici , vel aliquâ luetincti.

CDLXIV. Cum verò minus licet exhaustire corpora , qualia sunt sicca , phthisica , scorbutica , &c. sic instituuntur fumigationes , ut in ulcus incidant vapores ; & in his circumstantiis varia pro ulceris indole , ægri temperie subjiciuntur igni medicamina. Hinc varia se prodit fumigationum utilitas.

CDLXV. In herpetibus, in quibus molestus adest pruritus, ut hic demulceatur ; vel in retropulsis , ut eò revocetur ichor undè fuerat excussus ; vapor carnis bullitæ mittitur in antiquam ulceris retropulsi sedem ; vel in herpetem ipsum , ut cutis emolliatur , tepescat , demulceantur humores ,

(a) N. Florentinus, Serm. VII. Tract. VI. Sum. I. Cap. III.

uberius exhalentur; vel ichor obtundatur (a).

CDLXVI. Hoc tentamen minus opportunum esset herpetibus humidis, in cutis regionibus ex quibus uberius exhalatur serum, insidentibus; ac proinde recrementa specificis, ordinariisvè medicaminibus excutienda sunt, unàque cutis roboranda. In his circumstantiis maximè valet experimentum Joëlis, quod sic se habet.

CLXVII. Scoria ferri ex fabrorum ferrariorum fornacibus ducta candescat in igne; sillet spongia vinum in scoriam deciduum & vapor exindè manans octiduò (vel amplius) bis in die per horam integram excipiatur à loco lichene seu serpigine tentato; tùm enim omne virus per sudorem elicitur, pars exsiccat & solita sanitas succedit.

CDLXVIII. In inveteratis esthiomenis, in quibus nulla datur luis suspicio, tabo conspurcatur ulcus ac velut emortuæ sunt margines; mos erat Antiquis, myrrhæ, thuris accensi vapores in ulcus ducendi ut hâc arte facilius ad cicatricem perduceretur... Tabaci fumigatione vitiliginem nigram cum ossium carie sanavit Severinus (b).

CDLXIX. Verùm in herpetibus qui ex aliquo viru, potissimum venereo sobolescent, incassum tentarentur fumigationes, nisi specifica jungerentur... In fissuris venereis Baccius super omnia laudat fumigationes ex cinnabare & antimonio... Ulcera narium serpentina, imprimis quæ ex inveteratâ lue venereâ oriuntur, succensâ candelâ ex minio, cerâ, cinnabare, sublimato, præcipitato non rarò curantur, si Severini dictis fides adhibenda.

(a) Hippocrates (ed. foes.) de naturâ muliebri, pag. 582. R. de Hautesierck, Tom. II. obs. VII. pag. 319.

(b) Chirurg. efficace, Chap. XXIV. pag. 441.

CDLXX. In squamosis herpetibus & cæteris qui nunc ichore , nunc squamis obducuntur , nec ultra cutem expatiantur cum minore hujus inflammatione ; alitumore vel infarctu : maximè valent medicamina quæ humores attenuant , demulcent , pruritus minuunt ; cutem stringunt , obfirmant , ac humorum in ulcus irruentium confluxum cohibent.

CDLXXI. Talia sunt oleosis impedita cinerum lixivia ; sales acidi ; aluminosi , aquæ vitriolicæ , aluminosæ , &c. quæ præstantissimos hic [§. 448] exerunt effectus.

CDLXXII. Lanæ combustæ pulveribus cum aquâ rosarum asperguntur herpes ac feliciter circumliniuntur , experimento bis vel ter in die repetito. *Non vidi me herclè* , inquit Valescus , *medicinam in hoc casu magis expertam : agram enim partem sanat siccando , sanamque defendit styptecando & roborando . . .* Aquâ rosaceâ & aceto cum bolo armeniaco vel terrâ sigillatâ herpes obliniri vult idem Author.

CDLXXIII. Atramentum in usu esse consuevit apud Rusticos. Hoc remedium in recentibus herpetibus , præcipuè crustaceis , ut observavimus , cæterisque siccis ex thermintho &c. natis feliciter ex voto cessit.

CDLXXIV. Cum major adest cutis asperitas , squamis aut crustis obducuntur herpes ; corpore ad solem exposito vini acetum superaffundi jubebat Hippocrates. Hoc remedio tenuantur cutis excrementa ; rubet cutis ; intumescunt ejus emuntoria , nec parùm defecatur corporis superficies.

CDLXXV. In siccis herpetibus lixivium fagi vel pomi cinerum filtratum cum ovi vitello & alumine pro secreto habent nonnulli ; quo nascentes impetigines , pustulas siccas & herpes squamo-

Ios brevi temporis intervallo sanari vidimus; qui tamen citò, cum omiſſa fuerat interna cura, reſurgebant... Aceto lythargyrizato feliciter utebatur Turnerus.

CDLXXVI. In herpetibus inveteratis qui in humidis cutis regionibus inſident [§. 282.], & hujus excoriationem inferunt, uſum oleæ, hederæ, rubi & mali punici dulciſ foliorum tritorum ac vino veteri maceratorum ſuadebat Hippocrates.

CDLXXVII. Cum verò ſuperficiaria tantummodò deprehenditur cutis excoriatione, plebis remedium in herpetibus imprimis exedentibus, phlyctenis & ambuſtionibus nil aliud eſt quàm optimum vini acetum cum ſaccharo, gummiſque prunorum & ceraſi, quibus, adjunctis fumarix & chærophilli juſculis, cura perficitur; vel & ebuli flores vino rubro decocti.

CDLXXVIII. Prædicti herpes quilibet, cum venerei ſunt, niſi mercurialibus utamur, modò reſatis medicaminibus ut ſæpiùs obſurdeſcunt; pergunt acre ſerum plorare; imò topicis nonnunc quàm exaſperantur.

CDLXXIX. „ Si verò, inquit Joël, ſerpigo, „ lichenes & puſtulæ ex gallicâ luc ortæ ſublimato „ liquore extenſo illiniantur; ex ſiccata, pruriginè què ſublatâ facilè ſanantur... „ Sedens in mulieris facie miliaris herpes variis topicis fruſtrâ tentabatur, donèc ſiccantibus & abſorbentibus hydrargyrum jungeret Riverius (a).

CDLXXX. Herpetes humidi in ruricolis [§. 181.] ebulo cum vino facilè diſſipantur; nec adduntur varia plumbi præparata niſi quandò malum pertinax deprehenditur; qui apud oppidanos, in quibus longè

(a) Riviere, ibid.

frequentior est venerea lues; sublimato & hydragryosis paucos intra dies abiguntur.

CDLXXXI. In herpetibus esthiomenis qui partes exedunt subcutaneas, ichorem acrem, faniosum, copiosum effundunt; in quibus non duræ, non callosæ, licet tumidæ deprehenduntur margines, sed potius observatur quædam partium velut emortuarum laxitas ac mollities [§. 27.]; actuosis & vividioribus medicaminibus utendum est, quæ vulnus abstergant, mortuas partes absumant, vasa roborent, & superfluum ichorem absorbeant.

CDLXXXII. Decoctis agrimonix, fumarix, gentianæ, scordii &c. prius absterfo herpete, spongiâ siccato, oleosis (a) involvuntur alkalia fixa; thuris, myrrhæ, aloës, &c. pulveres adduntur.

CDLXXXIII. Cum hæc debilius agunt, sublimatum dulce; oleum Tartari per deliquium cum oleosis; sublimatum corrosivum; aqua phagadenica, unguentum Ægyptiacum; &c. præ cæteris usurpantur; quorum usus protrahitur vel intercipitur, prout citius tardiusve purgantur ulcera.

CDLXXXIV. Cum enim, inquit Galenus, malignum est, ac putrilaginosum ulcus, acria postulantur, quæ igneas vires possident: qualia mysi, chalcitis, calx, &c. sæpè verò ubi ista cesserint, admovemus ignem.

CDLXXXV. Quòd si his non obstantibus ulcus nihilominus serpat; oleo vitrioli tangendum est; decoctis abstergentibus abluendum; spongiâ siccandum; & variis exsiccantibus [§. 476.] ad cicatricem ducendum; quibus si non cedat herpes, ad oleum antimonii transeundum est.

(a) Oleo liliorum vel hyosciami, si major adsit pruritus. Hoffmannus Vol. III. Cap. V. Obs. IX. pag. 443.

CDLXXXVI. Ulcus enim cutis forsan nullum est, ut ut molestum, quod hoc remedio non sic-
cetur; & maximè anteponendum est arsenici oleo
vel auripigmento, quæ suâ acrimoniâ calorem ul-
ceris adaugent, neque tam citò ut antimonium,
ad cicatricem perducunt (a).

CDLXXXVII. Aliàs estiomeni margines apparent
induratæ, callosæ, tumidæ, inflammatae, dolore
ac pruritu molestæ; & jugiter effundunt ichorem
tenuem, peracrem, fetidum. Porro his in cir-
cumstantiis patet exsiccantia [§. 483.] protinùs
adhibita valdè noxia esse reputanda, nisi spasma
constrictæ priùs laxatæ fuerint fibræ, scarificatio-
nibus &c. extenuatæ ulceris margines, ac interna
cura præmissa fuerit.

CDLXXXVIII. Præstat in his circumstantiis ulcus
aquis agrimonix, fumarix, &c. abstergere; spon-
giâ siccare; solani succo aliisvè narcoticis dolo-
res lenire; vel unguento albo Rhazis sensim ex-
siccare; tumidas partes solventibus expedire;
varicosas scarificationibus destruere; pruritus de-
mulcentibus retundere, &c. (quàm acria medi-
camina ad usum vocare (b); vel destructas partes
præcipitato rubro absumere; & Arcæi balzamo
ad cicatricem ducere.

CDLXXXIX. Hæc nihilominùs annotanda sunt:
causticorum usum frequentius repetitum aut diù
productum nocere; his inflammationes ulceris &
dolores exasperari; noxias topicorum particulas in
corporis penetralia non rarò fluere, prioribusquè
graviores concitare morbos... Mercurialibus ul-
cera nonnunquàm sanari; sed nisi maxima interni

(a) Eusebè Renaudot, *l'Antimoine triomphant*, pag. 133.

(b) P. Poterius, *Cent. II. Cap. I. pag. 5. Hildanus, &c.*

regiminis interim habeatur ratio; periculosa quandoque subsequi symptomata (a) ... Valdè siccantia & vehementiora styptica humidis herpetibus non esse applicanda... Scrophulosos herpes & esthiomenos cum nodulis & callis, astringentibus non esse tractandos... Ulcera herpetica licet ab aëris injuriis [§. 10.] cautè sint defendenda, unguentis tamen minùs feliciter obtegi... linteis carptis idoneo liquore irroratis majori cum emolumento velari, quæ perspirationem ichoris herpetici minùs impediunt... medicamina quælibet sollicitè renovanda esse, maximèque cavendum, ne, dum suas virtutes exerunt, majus, quàm par esse debet, incendium vel frigus excitent; vel majorem congerant ichoris in ulcus affluentis copiam; aut ichorem in corporis penetralia repellant.

CCLXL. Cùm verò frustrà tentatis quibuscumque auxiliis herpes nihilominùs in latum vel altum indefinenter expatiatur, validioribus causticis, ad instar Veterum, cura tentatur. Ad hunc finem vocantur cauteria quibus herpes immediatè vel eminùs exsiccare possunt.

CDLXLI. *Immediatè*, cum cauteriis actualibus tractatur ulcus herpeticum, ichor absumitur, vasorum lique- & putre-factorum sordes exeduntur, calcinantur ulceris recrementa; dùm interea margines obfirmantur, & ad cicatricem faciliùs perducuntur.

CDLXLII. Hanc methodum (licèt plurimis ægrotantibus horrenda videatur) longè cæteris efficaciorum observatio docuit; quâ Veteres imprimis utebantur, cum ulcera magis in altum quàm

(a) Hildanus, oper. med. ad M. Doring. resp. pag. 914.

ad superficiem corporis expatiantur [§. 97.
98].

CDLXLIII. Citiùs igitur ac tutiùs ferro candenti sanantur estiomeni; qui non solam cutem, sed partes subcutaneas & ossa ipsa exedunt.

CDLXLIV. Cum verò magis ad superficiem corporis vergebant ulcera, alius erat causticorum administrandorum [modus... Nunc etenim ope tenuatæ farinæ vel pulveris aspergebantur estiomeni; impositus pulvis pyrius accendebatur; & experimento bis tervè repetito curabantur... Idem successus nonnunquàm obtinebatur accenso imposito linteo vini spiritu imprægnato.. Aliàs radiis solaribus vitro collectis ulcera tractabant.

CDLXLV. Quòd si pertinax estiomenus his remediis obsurdesceret, & de luis alicujus potissimùm venereæ præsentia suspicio daretur; ignis vires ope medicaminum ingeminabant. Linteum imprægnabatur hydrargyro; ulceri applicabatur; illi alterum superponebatur vini spiritu madidum; hoc accenso hydrargyrum circa vicinias ulceris ubertim difflebat; & experimentum rursus tentabatur donec exsiccaretur ulcus...

CDLXLVI. Verùm antequàm ad cauteria deveniamus, corpus expurgari, suisquè sordibus vindicari necessum est; secus prout cacochymicis frequenter accidit, combustio procùl dubio degeneraret in ulcus fetidissimum, malignumquè adeò ut gangræna & mors nonnunquàm subsequantur (a).

CDLXLVII. Herpetes, qui cancri naturam redolent [§. 98.]; nec in carnibus, verùm in telâ subcutaneâ & spongiosis partibus insident, minùs ritè causticis tractantur; verùm scalpello feliciter

(a) Kleinus, de morb. exit. & prælag. de ulcer. &c.

eradicantur; ita ut ferro excisi herpes nunquam redierint; ut pars esthiomeno tentata & resecta convaluerit; ut altera sibi relicta, non minus (pro-ut observavit Severinus) molesta remanserit; adeoque contra sententiam Hippocratis hic optimum ac ultimum remedium in ulceris eradicatione ferrum secans igni sit anteponendum.

CDLXLVIII. Ad margines esthiomenorum qui citò & latius expatiantur[§. 72. 80.], disponantur (cum sanguisugis vel scarificationibus malum coerceri nequit) lapides caustici in cutem sanam ad instar cinguli, ut eschara profunda fiat, & sic excitatâ suppuratione omnis humorum ad partem herpete laborantem confluentium aditus præcludatur (a).

CDLXLIX. In diffitis ab ulcere herpetico locis excitentur fonticuli, ut sensim divertatur ichor, ac ejus in ulcera fluxus imminuatur; vel ut, dum topicis exsiccatur herpes, ichori residuo fonticulorum ope suppeditetur exitus; aut sensim vacuetur ductus ad cutem defluxionum catarrhalium, rhumaticarum, arthriticarum, scrophulosarumvè fomes.

D. In defluxionibus in quibus excrementorum confluxus magis ad superficiem corporis vergit, advocentur synapismi, præcipuè cantharides. His enim etiam ad pustulas pertinaces, herpes squamosos & miliares inveteratos applicatis, malum longè citius ac tutius ut observatio docuit eradicatur.

DI. Prætereà notandum est in retroactis herpetibus lentius agere cauteria; minorem humorum copiam elicere, vesicantibus verò citius ac potentiùs attrahi materiem retroactam; solidorum vires magis acui; humores vehementius agitari, recrementa uberius dissipari; cæterum cantharidi-

(a) Traët. pathol. de morb. cut. cap. XVI. pag. 285.

bus longè efficaciorē esse ranunculum pratensem (a); huius tamē usum esse minùs tutum in scorbuticis & cacochymicis corporibus.

C A P U T I V.

De speciali herpetum curatione.

S E C T I O I.

De Herpetum prophylassi.

DII. **A**LIA in præcavendis, alia in eradicandis; alia in refringendis herpetibus instituitur curatio.

DIII. Averti nequeunt herpes, quin humorum ac solidorum vitia sive congenita sive adventitia prorsus deleantur. Hoc autem obtineri nequit, quin sua singulis herpetum causis opponantur repagula. Hujus curationis labor equidem arduus est; verum hoc parta cō major utilitas manet humanum genus, Medicos gloria.

DIV. Dum enim ita mutatur constitutio corporis, ut ab herpete vindicetur homo; non solum abiguntur herpetici virūs semina; sed ipsa obfirmatur sanitas vel ichore herpetico, vel solidorum ac fluidorum vitiis, vel organi cujuslibet aut visceris affectione, vel morbis utrinque scaturientibus alioqui conturbanda.

DV. Teneri autem vel puberis constitutio facilius immutari potest, quam adulti aut senis. Ideo

(a) Chesneau, Obs. medic. Cap. I. pag. 12. Storck, Haenius &c.

primis ab incunabulis vita sic est moderanda, ut singulis diebus deteratur aliquid de causis herpeti concitando magis idoneis. Opportunæ huic scopo cautelæ aliæ cutem, aliæ viscera præcipuè spectant.

DVI. Pueri maternis è visceribus exeuntis cutis obducitur muco, quo glutinis ad instar obstipata spiracula, suos illam inter & epidermidem effundunt humores; vesicasque & pustulas, nî gluten abradatur, excitant. Balneorum usus [§. 449. 450.] hîc imprimis opportunus est, quibus abstersâ cute recrementa faciliùs & uberius exhalentur.

DVII. Præterea crebris indusiorum mutationibus munda servantur corpora. Talis cautela pueris idonea non solum videtur, sed iis omnibus quorum cutis facilè sudoribus extillat; quiquè ideò immunditiei noxas eò faciliùs comparant, quò diutius linteis fœdâ ludoris illuvie conspurcatis vestitum fuerit illorum corpus.

DVIII. Balnea [§. 472.] in cacochymicis vel scorbuticis semel in mense, sæpiùs rariùsvè, prout iisdem opus fuerit, ad usum vocentur.

DIX. Interim in frigidam sinceram die quâlibet sani mergantur infantes, donec eum vigoris adipiscantur gradum, in quo nec rigidiores fibræ, neque crassiora reddantur fluida.

DX. Hâc arte valetudo non parùm firmatur in ætate puerili in quâ refecandi sunt capilli, ut faciliùs exhaletur unguen cutaneum [§. 19. 20.] & achoribus, tineæ, cæterisque pruriginosis affectibus quibus non rarò fœdatur puerorum occipitium, opponantur repagula.

DXI. Acidâ vel glutinosâ saburrâ sæpè scatet puerorum ventriculus. Hanc declarant acidus ex

ore vel cute manans odor; acidi ructus; tormina, feces albicantes, glutinosæ, coactæ, cutis flavedo, &c. . . . Cum ad humorum oceanum demigrat, non rarò parit infarctus, strumas, &c. nisi vacuetur pharmacis, quorum idonea magis sunt syrupus fumaris, cichorei, rhabarbarum, &c. quæ, pro re natâ, variis temporibus repetuntur, donec sensim roborato stomacho singulæ corporis actiones revirescant.

DXII. Hinc dum ita vitantur herpes, unâ præcaventur strumæ, vermes, icterus, motus convulsivi & cæteræ magis familiares infantibus ægitudines ex hoc fonte sæpius oriundæ; neque timentur effectus fibræ debilis & laxæ (a), quam pro certo sensim inducit perpetuum acidæ colluviei ex alimentario tubo singulas corporis partes indefinenter appellentis stillicidium.

DXIII. Dùm hâc arte servatur digestionum integritas; puero conceduntur alimenta, quæ ferat ejusdem ventriculus; difficilis concoctionis annuntur robustis; lac verò, gelatinæ, &c. delicatulis.

DXIV. Quòd si viscera pueri minùs ritè constituta videantur, & læsione functionum dignoscatur affectus; severum imperatur vitæ regimen; differtur medela, quoniam medicamina vix ferre valet ætas tenella; fonticulis educuntur humores; nutrix cæteroquæ sana medicatur aperientibus, si fuerit obstructus puer; mercurialibus, &c. parcâ dosi concessis, si fuerit venereâ vel scrophulosâ labe tinctus, donec fibræ validiores factæ, & viscera magis firma, pharmaca vehementiora & majori copiâ non reformident.

DXV. Cum ex pueritiâ ad adolescentiam trans-

(a) V. Van-Swieten. Comment. in Boerh. Aph. de feb. lax. & debili. Tom. I. variis locis.

cendimus; insignes in toto corpore fiunt mutationes; & excrementa ætate puerili congesta adauctis circa pubertatem vitæ viribus non raro rejiciuntur in cutem. Cum autem *hujus opportunitatis*, ut ait Procopius, *momenta redire nequeant, quæ elapsa sit inclinatio vel ad deterius, vel ad mortem*; hinc est quod circa pubertatem ingerenda sint medicamina, quæ morbi fomitem vel alterare vel eliminare valeant.

DXVI. Cum ob languorem stomachi pravae sunt digestiones, catharticis educuntur vere imprimis ac autumno [§. 341.] feces alvinæ: *stomachicorum prorogatur usus* donec alimenta probè concoqui valeant.

DXVII. Ex alimentis ea potissimum eligenda sunt, quæ nutrimini fibrarum magis conferant [§. 341.]; facilius in ventriculo coquantur; citam in vasis rubris experiantur mutationem, & quorum feces per varia corporis emunctoria citius eliminantur; *eorum enim quæ celeriter alunt, celeres etiam fiunt excretiones.*

DXVIII. Corporis exercitio dein firmantur fibræ; difficilis ac tandem difficilioris concoctionis alimenta suppeditantur; nec medela rursùm tentatur, nisi cum æger imperfecto artis molimine fuit incassum exagitatus.

DXIX. Tum vitio stomachi sæpius adduntur viscerum infarctus obstructionesque; & cachexiæ vel scorbuti (undè sæpè fiunt ulcera cutanea) jam apparent rudimenta. Verùm cuilibet ægritudini & hominis temperiei magis idonea usurpentur medicamina.

DX. Porro in biliosis ac cæteris firmâ corporis constitutione donatis, humorum acrimoniam vel spissitudinem retundunt diluentia, serum lac-

tis, diuretica, alkalina, nec tamen acriora [§. 378. 380]; copiosi potus, non spirituosi, sed aciduli; alimenta acidis imprægnata, blanda, non acria; non aromatica. Corporis & animi pax & requies, aër humidus & crassus, &c. etiã conferunt.

DXXI. In infarctis hominibus primùm expurgetur alimentaria fistula; diureticis [§. 378.], sudificis [§. 387] educantur humores; dieta sit sicca cum pane biscocto; nec omittantur corporis exercitia vel frictiones [§. 348. 349.]; interjectis ad aëris, alimenterum, medicaminisvè, vel horum omnium mutationem, catharticis modò casus postulaverit.

DXXII. In pituitosis crassisquè corporibus sanguinis & humorum lentore gravatis, in scorbutum, cacochymiamvè jam inclinantibus, nec obstructis; prædictis medicaminibus [§. 520] addantur paulò acriora & validiora [§. 378. 380. 487] viperæ pulveres, ari radices, guaiaci decocta, & similia.

DXXIII. In obstructis verò, emeticis defecentur abdominis viscera (a); diluentibus, quæ nihilominus ferat ægri temperies [§. 403.], addantur succi plantarum aperientium, salia lixiviosa, terra foliata, quam in obstructionibus, maximè jecoris, meritò laudat Huxhamius, scillæ pulveres, variaquè ejus præparata; ferrum, aquæ minerales ferrugineæ; à veteribus adeò celebrata corporis exercitia; dum interea medela magis inclinatur versùs amara, cum ex imbecillitate ventriculi scaturit indigestionum depravatio; vel tonica, cum inertia

(a) Vidi stupendos emeticorum in morbis inveteratis effectus; strumas ipsas prodigiosæ magnitudinis, insidentes in collo, in quo medicaminis effectus vix sperari poterant; ab emesi 40. horarum spatio evidenter inminutas, &c... quid igitur in internis obstructionibus potissimum abdominalibus non præstaret frequens emeticorum usus?

vaforum , obstructionibus viscerum dedit originem.

DXXIV. Cum humorum spissitudo minùs quàm acrimonia [§. 147. 148. 158. 160.] est retundenda; præ cæteris ingerantur serum lactis [§. 354.], lac, juscula ranarum, limacis, viperæ [§. 358]; æger indulgeat quieti [§. 350.]; sit humidus aër [§. 352].

DXXV. Cum aliquâ defluxione tentantur viscera, præcipuè pulmones; magis opportuna morbo expugnando, & visceri seligantur medicamina; vesicantibus, ranunculo imprimis citò trahatur in extremos artus ichorosa colluvies; sudificis, diureticis, catharticisve absolvatur curatio.

DXXVI. Cum humorum acrimonia colliquatione stipatur; acria, purgantia (nisi maximè necessaria sint), calida, aromatica, thermæ calidæ &c. scrupulosè vitentur: procul amoveantur synapysata cremores hordei; orizæ, &c. varia præparata, serum lactis, acidis vegetalibus mineralibusve imprægnata sumantur: vini potus; panis biscoctus; saccharata; moderata corporis exercitia; siccus & moderatè calidus aër placeant.

DXXVII. Cute senilibus obstipatâ rugis, recrementa crassiora, quàm ut cutaneis porulis eliminari valeant, in corporis penètralia sæpè corrivantur, & meriaticam acrimoniam excitant. Diluentia salibus alkalinis imprægnata his in circumstantiis maximè proficiunt. Verùm diuretica & cathartica vicissim usurpentur, prout humoris excretio versùs intestina vel urinarios ductus magis propendere videtur. Dein ad vinum & aromatica quibus vires ægrotantium erigantur, fiat transitus.

DXXVIII. Cum recrementa corporis ad evacuationem parata febriles inter morus [§. 161.]

162. 163. &c.] in varia corporis organa rejiciuntur; illa, cum stimulis indiget Natura, quò hæc vergit, eò ducenda sunt. Varia tunc pro febris genio & humoris in hoc vel illud organum transmissione vel decubitu sunt advocanda medicamina. . . . videlicet in febribus mesentericis putrida colluvies per universum abdomen sparsa vel funestas visceribus abdominalibus infert strages; vel in thoracem cerebrumvè rapitur; vel in cutem irrumpit & miliares, herpeticas, &c. pustulas excitat; nisi, prout nos monet Baglivius, fotibus, enematibus, diluentibus præparata sensim pharmacis eliminetur corporis penitralibus impacta recrementorum moles.

DXXIX. In aliis febribus *depuratoriis*, quoties humores ad corporis ambitum ubertim irrumpunt [§. 162.] ; balneis, fotibus, primum relaxetur cutis; dein diluentia, aromatica leviora, potus theæ, saccharata, &c. tepidis liquoribus soluta præ cæteris usurpentur; aër frigidus & frigida quælibet cautè vitentur; calor tamen ac febris *justo in moderamine* servantur.

DXXX. Declinantibus febribus continuis aut variolis [§. 163], cum languet despumationis opera; secundariæ febris effectus cathartîcorum, sudificorum vel diureticorum ope, quoties Natura nequit incoeptæ criseos opus perficere, sedulò præcaveantur.

DXXXI. Eadem observentur cautelæ in catarrhalibus defluxionibus; diluatur acrium succorum colluvies; emeticis vel cathartîcis educatur, cum illâ foedatas esse primas vias demonstrant symptomata [§. 360]; vel diureticis, diaphoreticisvè tenuetur & evacuetur, cum totum corpus obsi-

det, aut ab impeditâ perspiratione morbus ortum duxit.

DXXXII. In rhumatismis *humoralibus*, quibus tentantur cacochymici, ypecacuanhâ, &c. ejusmodi expediantur abdominalia viscera; in pituitosis & crassis, variis attenuantibus, aro, scillâ imprimis &c. sensim alteretur morbi fomes; diureticis actuosis, synapyzatis medicaminibus evacuetur; his utamur maximè cum humoribus turgent thoracis organa; ... vesicantibus distrahantur lymphatici liquores; victus sit calidus, aromaticus; aër siccus; anima hilaris ... antispasmodica subjungantur si nativo major erethismus, vel nimia fibrarum irritabilitas recrementorum in corpora congestioni locum dederint [§. 258.].

DXXXIII. Arthriticos præcipuè senes optimo tueamur vitæ regimine; siccos & biliosos diluentibus humectemus; crassorum & pituitosorum vires dietâ siccâ erigamus; stomacho languidos vino generoso modicè sumpto reficiamus; obstructos & debiliores amaris & aperientibus tonicis relevemus; in iis qui spirituosius abusi sunt, spirituosam sensim subducamus; viscera restauremus; fluida coacta paulatim resolvamus; in omni tamen circumstantiâ suus Hippocratis effato sit honos, quo monemur subitam quamcumque mutationem esse perniciosam.

DXXXIV. Quòd si tempestivè advocata medicamina morbis abigendis imparia videantur, mercurialia cum antimonialibus maritata substituantur imprimis ubi constat arthritidem, rhumatismum vel pertinaces in pulmones aut alia viscera defluxiones ex lue venereâ sobolescere [§. 219].

DXXXV. Quæ silent in plethoricis hæmorrhoides

[§. 171.] fotu tepido vel aquæ bullientis halitu fuscitentur; aut hirudinibus exfugatur sanguis. In cacochymicis verò in quibus illæ rarò fluunt, quæque magis ab obstructione viscerum & alimentariæ fistulæ saburrâ oriuntur; mercurialibus, resinosis purgentur ægri: amaris restauretur stomachus; ingerantur tonica, aperientia; corporis exercitio vires erigantur; &c.

DXXXVI. In mulieribus, in quibus herpes menstruorum vicarius esse potest [§. 172.], cum juvenes sunt, nec inveteratum uteri vitium; fotibus, semicupiis versùs uterum ducantur humores; aperientibus, Æthiope minerali, croco metallorum aliisvè emmenagogis ægotantium temperamento magis congruentibus eliciantur menstrua.

DXXXVII. In partu defunctis lochia foveantur diluentibus in siccâ muliere; cardiacis, ubi languent ægotantium vires; aër frigidus, gelida qualibet, & animi pathemata [§. 156.] potissimum vitentur.

DXXXVIII. Dieta sit severa; ingerantur levia sudifica vel diuretica; lac matris exfugat infans [§. 174.], ut lactææ febris & metastasis periculosi præcaveantur effectus.

DXXXIX. Ut imminens ex ulcerum suppressione periculum vitemus; balneis, fotibus, fumigationibus [§. 450. 465] laxetur pars nuper affecta; cucurbitulis [§. 447.] revocetur humor [§. 115]; scarificationibus vel hirudinibus educatur [§. 442. 446.]; vesicantibus distrahatur è præcordiis [§. 500.]; interea, præcipuè cum jam in visceribus decumbit, cardiacis erigantur vires; & per cutem, intestina vel urinarios canales ducatur, prout in hoc illudvè viscus, cujus emunctoriis evacuari potest, fuit translatus.

DXL. Præcavemus herpes à vermibus oriundos

(§. 189.), purgantibus, incidentibus, pituitosam glutinosamque saburram attenuantibus [§. 378. 380.]; cutis munditie; mercurialibus illinitionibus: vel balneis ex quercûs foliis, quorum præstantissimos quibusdam in circumstantiis effectus observatio docuit (a).

DXLI. Cum cutaceus est herpes [§. 317.], haud ægrè præcavetur, dum causæ cuilibet sua opponuntur repagula.

DXLII. Morbi ex retropulsione virûs oriundi feliciter avertuntur victu blando, tenui, aromatico; diureticis, sudificis, catharticis, aperientibusvè, &c. quæ magis congruunt affectuum genio, ægrotantium temperiei, &c.; non advocentur, nisi præparato corpore, pharmaca; instituatur recta & severa *sex non-naturalium* administratio; & sui cuilibet causæ herpetum retropulsionis opponantur obices [§. 193. 194.].

DXLIII. Cautelæ prædictæ & indicata remedia præcavendis herpetibus idonea in curatione variarum herpetis specierum non rarò locum habere videntur. Ordo nunc postulat, ut cuilibet herpeti curando utiliora, atque à Clinicis maximè celebrata medicamina referamus.

SECTION II.

De curatione Herpetum particulari.

DXLIV. **H**ERPES furfuraceus summâ cutis teneritate [§. 6.] vel exsiccatione vel quâlibet externâ causâ [§. 188. 190.] excitatus, spreto regimine interno, salivâ [§. 268] vel hydraleo vel balneis [§. 475.] facilè sanatur.

(a) Joël, *praxeos*, Lib. X, Sect. III, §. II, pag. 558.

DXLV. Cum crebrò resurgit [§. 54], vel cuti pertinaciter hæret [§. 55.], vel serpit [§. 269.] prout in siccis & calidâ temperie donatis hominibus frequenter evenit; dum externa cura tentatur [§. 544], interna diluentibus [§. 343], sero lactis [§. 354.] largè hausto [§. 355.], nitratis, alkalinis [§. 378.] & cæteris hujusmodi medicaminibus humorum acrimoniam spissitudinemvè retundentibus absolvitur. Vitentur intereà siccantia quælibet (a), aër siccus, valida corporis exercitia, spirituosique liquores, cibi peracres, aromatici, &c.

DXLVI. Cum acrimonie humorum jungitur nimius corporis ardor, præter assignata medicamina victus sit humidus: ingerantur lacticia, juscula ranarum, limacis, viperarum [§. 358]

DXLVII. Cum inveteratus est herpes vel serpit, granulis obsita videtur cutis, & obstructa sunt corpora; expurgetur alimentaria fistula [§. 361.] mercurialibus cum resinosis [§. 366], succis depuratis, catholico, &c. [§. 368.]... prædictis medicaminibus [§. 545. 546.] incassum tentatis addantur hydrargyrosa... in cacochymicis, senio vel debili corporis constitutione affectis digestiones & vires vino, amaris, &c. restituantur... in obstructis; aperientibus, ferrugineis tollantur infarctus.

DXLVIII. Cum in cute capillatâ suam sedem obtinet herpes furfuraceus, & remediis indocilem se præbet, excidantur barba vel capilli; althææ, rapæ & betæ foliorum decoctis foveatur cutis; dein oleo amararum amigdalorum (b) & , si

(a) Godefridi Steeghii, Consil. pract. Lib. XI. Cap. II. de furfur. pag. 442. Capivacius, pract. Lib. I. Cap. V. pag. 465.

(b) Mercurialis, de morb. cut. Cap. VII. pag. 33.

his non cedat morbus, hydrargyresis inungatur.

DXLIX. Abrasis furfuribus & sanata cute, locus roboretur decoctis myrthi foliorum, olea sylvestris, salicis, agrimoniae, ulmi, &c. (a)... vitae regimen [§. 373.] identidem observetur, ne resurgat herpes.

DL. Herpes squamosus recens, in puris corporibus, quique suam sedem in glabris cutis partibus obtinet, vel à causâ externâ ortum duxit, externam tantum exigit curationem. Verum, ut demulceatur pruritus, imminuatur cutis ardor; fotu tepido [§. 453. 465.] vel balneis vel fumigationibus laxari debet pars affecta; vel oleosis obtundenda sunt ichoris herpetici salium spicula [§. 138].

DLI. Oleum amigdalaram extrinsecus applicatum cutis ardorem temperat; minuendo perspirationem humectat cutem; ichorem obtundit; & valde proficit in herpete squamoso sicco [§. 61] cum cutaceus est [§. 318. 282].

DLII. In ejusmodi cutis defœdationibus olim ex usu erat sanguis humanus (b) cujus vices optimo cum successu gessit leporinus (c).

DLIII. Cum humidi sunt herpes squamosi [§. 58.], cutis feliciter inungitur oleo salibus alkalinis volatilibus impragnato. Herpetem squamosum cum achoribus quibus incaſſum applicata fuerant varia remedia; præmisso cathartico, linimento ex oleo in quo bullierat rana terrestris, feliciter curavit Baricellus (d).

(a) Vigier, *Traité des rum. malad. de la tête*, Chap. IV. pag. 496. 497.

(b) Th. Bartholinus, *act. med. Hassniens*; Vol. I. Part. II. pag. 306.

(c) Cum herpes squamosus totum ferme corpus occupat, sanguinem leporinum laudat Blanchard. *instit. chirurg.* Cap. XVII. pag. 458.

(d) V. T. Burnetum, *med. prax. de achor.* pag. 12. Actium, *terrab.* IV. ferm. 1. pag. 759. & seq.

DLIV. Ex variis medicaminibus huic (§. 551.) herpeti debellando idoneis [§. 550. 551.] nullum prædictis efficacius datur topicum. Cutem enim abstergit; ichorem obtundit; inspissatos humores attenuat; cutis fervorem, calorem, ruborem, pruritum imminuit, &c. talia maximè præstat Ricini sanguis quo illinitus herpes squamosus humidus mitifigatus & persanatus postea nunquam recrudit. (a).

DLV. Cum herpes squamosus in cute capillatâ suam sedem obtinet & humidus est, citò sanatur decoctis rubi, vitis foliorum, chamemeli; nec resurgit, nisi cum in saburratis potissimum, pharmacis expurgatum non fuit corpus. Illis enim absterfo capite; facile, prout observavimus, abigitur.

DLVI. Quòd si herpes squamosus multo madeat ichore [§ 59]; sulphur [§ 412.] & astringentia quælibet [§ 428.] sedulo vitentur; ne, prout evenire vidit Trincavellius (b), ichor in organa nobiliora retroagatur.

DLVII. Hic imprimis opportuna sunt medicamina quæ cutem [§. 422.] siccant, nec tamen humores versus corporis penetralia repellunt. Tabaci cinerum lixivio vel fumigationibus caput humidâ porrigine seu herpete squamoso humido tractabat Neander (c) ... contra ploras humidas, lichenes fetidos, cadmiam vino & oleo tritam feliciter experiebatur Aetius (d).

DLVIII. His incassum tentatis, ad sicciora confugiendum ... Mulier, frustra vocatis aliis medicaminibus, carbonem fabriles pulverisatos bu-

(a) A. Lusit. cur. med. Cent. VII curat. XX. pag. 711.

(b) Conf. med. Lib. III. Conf. CXIX. column. 689.

(c) Tabacolog. fol. 82.

(d) Tetrab. IV. Serm. I. Cap. CXXVII. pag. 743.

tiro & pice navali excipiebat, & herpetem squamosum feliciter inungebat (a). Tale medicamentum aliorum experimentis comprobatum (b), infirmius experimento Joelis [§. 467.] observatio docuit.

DLIX. Quidam herpetem squamosum humidum decoctis fumariæ & lapathi abstergunt, dein unguenta ex auro, argento, tuthiâ & plumbo feliciter insunt (c). unguentum de plumbo in Monacho absolvit lichenis humidi curationem (d).

DLX. Aliis arident aquæ sulphuræ, præcipuè thermæ bollenfes quæ cutis perspirationem foveant, vasa cutanea referant, expediunt, roborant ac humorum ad affectam partem impetum præpediunt.

DLXI. Cum pruritus acerbior est, corpora feliciter immerguntur in frigidam marinam (e): vel affectus locus cum aceto & saccharo vel gummis pruni, cerasi &c. cum levamine abluatur. Hoc remedio potissimum utimur ubi herpes squamosus in genitalibus suam sedem obtinet. *Pruritus falsos*, inquit Serenus (f) *levat humor aceti*; cuius repetito cum saccharatis usu plures (ubi malum erat tantummodò cutaceum) sanatos fuisse novimus.

DLXII. Halitus aceti calorem cutis adauget, compacta solvit recrementa, perspirationem potenter movet, cutis ruborem evehit, & congest-

(a) P. Forestus, obs. chir. Lib. II. Obs. XIII. pag. 35.

(b) *Livre premier des Observ. chir. Obs. XX. pag. 45.*

(c) J. de Vigo, chir. prat. Lib. IV. Cap. 14. fol. 193.

(d) Amat. Lusitanus, cur. med. Cent. II. Curat. XXXV. pag. 183.

(e) Fallopius, refer. Trincavellio cons. med. Lib. III. Cons. CXIX fol. 688.

(f) Serenus Samonicus, præcept. salub. de prurig. Cap. VI.

tos in herpetem squamosum humores ubertim eliminat... eadem fermè præstat muria aliorum experimentis & usu comprobata (a).

DLXIII. Cum herpes squamosus his remediis obsurdescit; locus affectus scarificetur [§. 442.] (in delicatulis admoveantur hirudines); dein abstergentibus foveatur & paulò validioribus [§. 559.] exsiccetur.

DLXIV. Cum omnia tentamina minùs ritè succedunt, vel pertinax est herpes, vel resurgit, vel in vicinias, prout aliquoties evenit, expanditur; vesicatorio, modò ferat cutis regio, herpes ulceretur; hoc enim tutò, citoquè [§. 500.] subducuntur ichores, expeditur tela subcutanea; sicatur ulcus; nec recidivæ periculum imminet.

DLXV. Qui herpes squamosus devicto viru venereo superest, mercurialibus inunctionibus tractetur (b) cum nondùm penitus deletum est: hauriatur sublimatum corrosivum, cujus usu, qui cæteris remediis obsurduerunt, vulgò sanantur herpes(c).

DLXVI. Cum herpes immediatè à lue venereâ sobolescit, hydrargyrosis tractetur. Si herpete jam fœdatum lue venereâ postea conspurcetur, propria utrique affectioni subsidia seligantur; vitentur extrinsecùs ulceri applicata hydrargyrosa, ne venereus ichor in organa nobiliora dilabatur (d).

DLXVII. In impuris & cacochymicis corporibus pharmacis expurgetur alimentaria fistula:

(a) A. Trallianus, Tom. I. Lib. I. Cap. IV. pag. 9.

(b) Astruc. *Traité des tum.* Tom. I. Lib. II. Chap. II. pag. 282.

(c) Fabre, *Traité des malad. vénérien.* Tom. II. Chap. XVII. pag. 410.

(d) Mercatus, *oper. med.* Tom. II. de morb. gallic. Lib. II. Cap. I. pag. 652.

verum importuno purgantium usu ne fatigentur ægri, maximè caveamus; secus, prout in siccis hominibus frequenter evenit, morbus increveret..Vidit Hoffmannus corporis ardorem cum destitutione appetitûs & somni, maximâ pulsuum debilitate & exilitate in ægro in quo scabies evanuerat postquam alvus immoderatè subducta fuisset (a).

DLXVIII. In obstructis ægotantibus, aperientium usus [§. 547.] prorogetur & defecetur corpus antequàm ad topica deveniamus. Cum adsunt corporis ardor & humorum acrimonia, vitæ regimen [§. 545.] observetur: in crassis & pinguedinosi, pituitosisque diuretica [§. 370.], attenuantia, purgantibus interjectis, usurpentur.

DLXIX. Inter ea meritò celebrantur ulmi decocta [§. 389.]... variis frustra tentatis, decocto cynaræ radicis eradicatus nunquam rediit herpes squamosus humidus (b). Artis Magistros & Julium Cæsarem Claudinum nunquàm in eodem affectu fefellit pilosellæ decoctum quadraginta dies epotum (c).

DLXX. Cum lue venereâ tentantur ægri & hydrargyrosis imprægnatum fuit corpus; guaiaci decoctis, salsaparillâ, kinâ, &c. herpes squamosi superstites faciliè vincuntur; topicis [§. 559.] suo tempore advocatis.

DLXXI. Cum incassum tentantur sudifica [§. 570.], ad hydrargyrosa recurrendum (d). his ad-

(a) F. Hoffmann. oper. med. Vol. III. Cap. V. obs. II. pag. 438.

(b) A. Lufit cur. med. Cent. II. Cur. XXXV. pag. 183.

(c) Jul. Cæs. Claudin. consult. med. Conf. XLVII. pag. 110.

(d) Blanchard. instit. chirurg. Chap. XVII. pag. 451.

dantur antimonialia cum vitium visceribus hæret pertinaciter.

DLXXII. Prædictis medicaminibus annuitur locus, cum vires nondum collapsæ sunt, nec ulceribus exesi pulmones aut alia viscera, vel ægrotantes marasmo confecti.

DLXXIII. His in circumstanciis *nutritoria* ex vitulo, pullovè, guaiaco saginatis; vel dieta ex infusis kinæ, falsæ & guaiaci cum nitrosis, potius quàm evacuantia *experimento fidissimo* fretus laudat Mercatus (a).

DLXXIV. In siccioribus tamen corporibus guaiacum, &c. ejusmodi sunt acriora, & sæpè morbum & pruritus adaugent. Verùm guaiaci viribus maximè supplere potest buxus; cujus ope, dum sudores eliciuntur, viscera minori flagrant incendio, nec minùs feliciter abigitur lues venerea (b).

DLXXV. Interea scrupulosa vitæ regiminis habeatur ratio; & cautela observentur à Veteribus, Aetio imprimis adeò celebratæ (c): „ ab alvi sub-
„ ductione concitatori gressu æger ambulet; vel ali-
„ quo gestationis genere utatur; potum convenien-
„ tem [§. 568. 569. 570. 571. 573.] sorbeat; exer-
„ ceatur deterso sudore; oleo illiniatur; natet in
„ mare; victus sit blandus & dulcis; à balneo sponte
„ vomat multâ aquâ tepidâ, vel digiti mittantur in
„ fauces, si id nequeat facere; vitetur somnus
„ diurnus: exercitatio à prandio; cœna imprimis
„ differatur: maximè matutinæ studendum; &c. quæ

(a) L. Mercatus, oper. med. Tom. II. de morb. gallic. Lib. II. Cap. I. pag. 653. 656.

(b) Amatus Lusit. curat. med. Cent. II. Cur. LXLVI. pag. 235. & Cent. III. Cur. IV. pag. 251.

(c) Aetius, tetrab. IV. Serm. I. pag. 737. & seq.

quidem opportuna reputari debent in inveteratis ac pertinacibus herpetibus squamosis

DLXXVI. Defecato corpore , & incassum tentatis topicis , cum vesicantia ad herpetem squamosum ad moveri nequeunt , hic topico Miconis obtegatur : . Nitri rubri , thuris , aa pug. l. cantharidum purgatarum , sulphuris ignem non experti , aa pug. ij. therebenthinæ liquidæ pug. xx. farinæ lolii sext. iij. gith. cyathi 3. picis crudæ sext. ij. m. fiat topicum.

DLXXVII Benignus herpes discretus in perfectâ crisi natus , vel à causâ externâ , cutis immunitie &c. ortus sæpè sponte siccatur , & crustam induit , quâ decedente sanatur , omiſſis medicaminibus.

DLXXVIII. Cum pertinacior est , acu perforandæ sunt bullæ sero refertæ : locus decoctis agrimonix , florum chamemeli , ebuli , &c. fovendus est. His addatur plumbum ustum , ubi vehementius exsiccandum est.

DLXXIX. Ubi crustis obtegitur herpes , cremore vel butyro recenti vel pulpâ foliorum porri subducantur squamæ : deinde locus affectus abluatur decoctis absinthii , aristolochiæ , vel aquâ calcis [§. 460.] : quibus incassum tentatis , ad flores sulphuris (a) , vel varia plumbi præparata [§. 459] , vel sinapi semen tritum recens , tanquam *infallibile remedium* (b) , deveniamus.

DLXXX. Cum humidus est herpes discretus , oleosis imprægnata feliciter applicantur absorbentia [§. 471] . . Ego , inquit Forestus (c) , in pueris

(a) Astruc. *Traité des tumeurs*. Tom. I. Liv. II. Chap. II. pag. 287.

(b) Liv. I^{er}. des observ. & cures chirurg. Obs. XV. XVII. p. 43. 44.

(c) Forestus , observ. chir. Lib. II. Obs. VII.

herpetes in facie habentibus » cretam , oleum oli-
» varum & acetum vini , aa ex omnibus accipio &
» inungo feliciter.

DLXXXI. Cum segniùs agunt hæc medicamina ;
urgent pruritus , cutis ardores & ichoris stillicidium ;
cicerum decocto locus abluatur ; *cimoliâ* , *creticâ* *sa-*
miâve terrâ , *pompholigè* ac *spodio* , spumâ argenti ,
vel usto plumbo ; cadmiâ tenerâ & adiantho cum
rosaceo illito discretus herpes exsiccetur (a).

DLXXXII. Cum intenduntur cutis rubor & ar-
dor , & expatiatur macula ; scarificationibus vel
hirudinibus cruor educatur ad maculæ margines ;
opportuna suo tempore advocentur topica [§.
580.]

DLXXXIII. Interim in corporibus cacochymi-
cis expurgetur alimentaria fistula , sit severum vitæ
regimen [§. 542.] ; vesicantibus distrahatur in
extremos artus ichorosa colluvies ; in febribus ca-
tarrhalibus , &c. diuretica ; sudifica , vel catharc-
tica pro morbi genio , Naturæ conatibus , ægri tem-
perie & consuetudine , &c. usurpentur.

DLXXXIV. Herpes crustaceus recens & à
causâ externâ ortus non rarò sponte sanatur. Cum
verò altiùs aut latiùs expatiatur ; firma corpora in
aquas pluviales , medicatas cacochymica mergan-
tur ; tepido lacte foveantur pustulæ ; quibus ma-
turatis , decoctis hederæ , vitis , &c. abstergantur
ulcuscula ; & atramento sutorio , vel unguento (quod
longè efficacius observatio docuit) enulato cum
mercurio , vel tepido lacte sublimato corrosivo tin-
cto tractentur.

DLXXXV. Intereâ catharticis aperientibusquæ

defecentur impura corpora ; vere potissimum ac autumnino vitæ regimen observetur ; nec omittantur hydrargyrosa , modò Medico constet de luis venereæ præsentia.

DLXXXVI. Cum Herpes miliaris pustulis sero refertis exaratur ; acu pungantur vesiculæ , serum exprimatur & spongiâ siccetur ; decoctis lapathi , enulæ , genistæ locus affectus abluatur , his adde salia Saturni justâ aquæ copiâ extensa , sic ut nec debiliora sint , neque calorem & ardorem cutis nimium intendant ; *aquâve vegeto-minerali* Goulardi (a) identidem foveatur.

DLXXXVII. Herpes miliaris, cum sponte disrumpuntur vesiculæ , & plorat ichorem , opportunis medicaminibus abstergatur [§. 559.], Mumiâ minerali Poterii (b) , sublimato vè corrosivo abluatur ; vel chartis combustis & aceto temperatis obliniatur. Hoc remedium Galeno & Veteribus comprobatum (c) , unguentis quibuscumque longè præstantius est. His enim obstitantur cutis spiracula , præpeditur ichoris exhalatio & herpes miliares , crustacei , nedum curentur , sæpè sæpiùs exasperantur (d).

DLXXXVIII. Superstites in cute duriusculi tumores [§. 79.] fotibus meliloti , gentianæ , genistæ , vel mercurialibus inunctionibus excutiantur.

DLXXXIX. Quòd si hæc medicamina herpeti miliari sanando sint imparia , maximè convenire potest Vigieri linimentum , quòd sic se habet : » Tartari

(a) Guérin , hujus aquæ comparandæ modum docet , *maladies des yeux* pag. 26.

(b) P. Poterius , pharmacop. spargyric. append. pag. 306.

(c) Vid. N. Leoniceum de morb. gal. fol. 115. 116. Mercurialem de morb. cutan. Cap. IX. pag. 43. &c.

(d) Lud. Mercat. de recto præsidiorum art. med. usu , Lib. II. Cap. VIII. pag. 239.

» calcinati libram 1. infunde in libram 6. aquæ plan-
 » taginis ; resideant sex horis , dein transcolentur ;
 » stillabit lixivium limpidissimum , quod fictili novo
 » oblito plumbo fervere sinatur , donec liquore pror-
 » sùs absorpto crassamentum album in fundo supersit
 » durissimum , quod humido loco repositum in olea-
 » gineam materiem eliquescet.

DLXL. Herpes miliaris recens , contagio communicatus , vel in cute natus bonam intrà crism , in puris hominibus , designatis [§. 587. 589.] medicaminibus facilè curatur. Cum verò impura sunt corpora , vel aliquo viru tincta ; tum priusquàm ad externam deveniamus , interna cura tentanda est emeticis , catharticis , sudificis , diureticis &c. ægri temperiei & morbo magis accommodatis : antimonialibus addita ingerantur mercurialia ; topicis tractetur herpes ; & cum hac arte coerceri nequit , vel vesicatorio locus affectus ulceretur ; vel scarificationibus educatur sanguis ; dùm interea variis auxiliis in curatione generali delineatis humores ex affectâ cutis parte in remotam divertuntur... his irritis fumigetur herpes ope cinnabaris.

DLXLI. Hoc remedium longè tutius est Emplastris hydrargyrosis quorum ab usu sæpè resurgit herpes [§. 587.] præter venereum ; adeoque spe salutis vanâ sæpè deluduntur ægrotantes & Medici , quos tædium ab inertia medicaminis sapiùs invadit.

DLXLII. Herpes exedens benignus [§. 298.] nonnunquam sponte sanatur. Cum verò major est cutis ardor , majores & numero plures agglomerantur pustulæ & pruritus est molestus , &c. perforatis vesicis , ichor exprimendus , dein herpes decoctis ebuli , sumachi , &c. florum cum vino abluendus.

DLXLIII. Cum hæc medicamina segniùs agunt ,

ad vehementiora confugiendum ; inter quæ longè præstantiores edit effectus aqua Saturni.

DLXLIV. Cum critico motu in cutem irrupit herpes exedens , præstat spectatorem agere , quàm conatus naturæ medicaminibus exturbare. imo vidit Swietenius (a), varias ejusmodi cutis eruptiones tentatis plurimis non cessisse , licèt purgantibus , sudificis conaretur illarum eruptionem præpedire.

DLXLV. Hæc ità succedunt , maximè cum herpes exedens non uno impetu [§. 300.] critico febriles inter motus erumpit , quoniàm ichor corporis penetralibus impactus ægrè & *partitis transmissionibus* in cutem corripitur. in his autem circumstantiis valdè periculosum est astringentibus , refrigerantibus , vel siccantibus retroagere materiam ; prout sæpiùs edocuit [§. 301.] observatio (b).

DLXLVI. Cum igitur herpes exedens est verè criticus [§. 395.] , quiescendum ; ubi crisi imperfectâ [§. 296.] fuit excitatus : attenuantibus , diluentibus cum aromaticis non acrioribus incidendus est morbi fomes ; & vires erigendæ , ut hæc arte factâ despumatione curatio purgantibus & topicis absolvatur.

DLXLVII. Cum verò symptomaticus est prout initio febrium malignarum & pestilentialium sæpiùs evenit [§. 297] ; gravissimum in *morâ* periculum imminet. Ideo citò citiùs ad medicamina confugiendum ; neque dum interna subministrantur , omittenda externa. Emeticis expurgentur abdominis viscera ; sudificis , antisepticis , &c. ejusmodi medicaminibus ægotantium febrî

(a) Tom. II. pag. 72. 363. 620. & aliis locis.

(b) Eller , observat. de morb. præsert. acutis , Sect. VI. pag. 152.
Swietenius , &c.

& temperamento magis congruis defecetur corpus; intereà scarificetur herpes exedens, cucurbitulis adducantur excrementa; vesicantibus excitentur variis in cutis regionibus ulcera, ut expediantur corporis penetralia & ad peripheriam adducti vacuentur ichores; ceterum urgentioribus symptomatibus occurramus.

DLXLVIII. Cum serpit herpes exedens & in zonam expatiatur nec tamen admodum malignus est [§. 303.], purgato corpore, advocentur topica [§. 586].

DLXLIX. His incassum tentatis, ubi resurgit, ultra-ve progreditur, scarificentur illius margines; vel hirudinibus educatur sanguis; varia ingerantur aperientia, depurantia; pharmacis expurgetur alimentaria fistula; topicis absolvatur curatio.

DC. Cum livescit aut in gangrænam degenerat locus affectus scarificetur; kinæ decoctis vel spirituosus cum camphorâ foveatur... his incassum tentatis ferrum candens adigatur, & ulcus haud secus ac cachoeticum tractetur.

DCI. In corporibus cacoëchymicis, scorbuticis, hypocondriacis &c. in quibus per intervalla resurgit, sit severum vitæ regimen; aperientibus, evacuantibus sensim defecetur corpus; neque topicis utamur, nisi prius confirmata fuerit sanitas; imprimis autem eligantur medicamina cuilibet temperamento, ætati, &c. magis congruentia, de quibus in curatione generali sermonem fecimus.

DCII. Herpes esthiomenus qui succedit ambustionibus, cutis excoiationi, phlyctenis, herpeti discreto, exedenti, miliari; & cutaceus est [§. 317. 318. 224.]; curationem externam tantum exigit, & decoctis rubi, chamemeli florum, myrthi foliorum vulgò

feliciter abluitur. Cum segniora sunt ejusmodi medicamina, vino decoquantur; sæpè renoventur; & eodem imprægnatis linteis ulcus ab aeris injuriâ vindicetur.

DCIII. His incassum tentatis adduntur validiora, videlicet scorix plumbi (a) vel argenti spumæ pulveres.

DCIV. Cum ulcera magis humida videntur ac putrilaginosa; quatuor uncix aquæ calcis imprægnantur drachmâ unâ sublimati; atque hâc mixturâ illinitus herpes, paucos ut observavimus intra dies, exsiccatur (b).

DCV. Cum estiomenus ex squamoso ortus his remediis obsurdescit, vesicantibus ulcerandus est; ichor ex cute ulceratâ & estiomeni viciniâ subducendus; tum enim abstergentia & exsiccantia citò curationem absolvent.

DCVI. Cum ad nutum non succedunt hujusmodi tentamina; scarificatis estiomeni marginibus & vacuatis humoribus, rursus applicanda sunt eadem topica.

DCVII. Cum obstructa sunt, vel morbosa corporis penetralia; major internæ, quàm externæ curationis habeatur ratio: citò namque topica suum sortiuntur effectum, ubi congruentia ægrotantis temperiei & morbo medicamina præmissa sunt (c). in epynictidibus quas experiebatur juvenis bilioso temperamento præditus, cum urinis tenuibus, co-

(a) Aetius, tetrab. Serm. I. Cap. 128. pag. 743. P. Aegineta, Lib. IV. Cap. X. pag. 284.

(b) P. Pigray, *chirur. Liv. VIII. des malad. contag. Chap. XIII. pag. 608.*

(c) Vid. obs. Amat. Lusit. Curat. med. Cent. I. Curat. XVII. pag. 131.

piofis, alvi fluxu, pruritu totius corporis, præcordiorum dolore &c; venæ sectione, purgantibus, stomachicis & absorbentibus magis quàm externis medicaminibus curationem absolvebat Ballonius (a).

DCVIII. Cum impetigines, psydracia, therminthus, scabies in esthiomenum degenerant, inflammantur, dolorem excitant & ulcerantur. solani vel hyosyami succo cum rosaceo foveantur ulcera: *spuma argenti* vel *scoriæ ferri drachmas octo*, *rutæ foliorum drachmas viginti* *quinque aceto dilue & rosaceo vel myrtheo excepta illine.* Hoc enim, inquit Aetius (b), magno experimento nobis constat.

DCIX. Cum humidiora sunt cæteroquæ sanorum ulcera, prædictis medicaminibus adduntur varia plumbi præparata, vel sulphur ipsum [§. 412] cuius virtutes usus comprobavit (c) & aliundè vis maligna salibus alkalinis additis efficaciter deletur (d).

DCX. Cum esthiomenus ex herpete squamoso neglecto ducit originem & in cute capillatâ suam sedem obtinet; cutis ulcerata & granulis obsita copiosos exhalat ichores, &c. abstergentia, discutientia, &c. maximè locum habent, quibus mundetur ulcus, referentur cutis vascula & glandulæ, roborentur; tenuentur humores, copiosius exhalentur. Talia sunt absynthii, chamemeli, serpilli, matricariæ, baccæ lauri, radices ireos, condita sacculo & lixivio ligni juniperini decocta quibus ablutum citò sanatur caput (e).

(a) Ballonius, consil. med. Tom. I. conf. XXXX. pag. 135. & seq.

(b) Aetius, tetrab. II. Serm. II. Cap. LXX.

(c) Blanchard. instit. chir. Cap. XXII. pag. 451. Emm. konig. descript. mater. med. off. Francof. pag. 48.

(d) Idem ibid.

(e) Marr. Rutandus, cur. med. Cent. I. Cur. LIV.

DCXI. Neque enim eorum sententiæ suffragamur, qui capitis ulcera manantia potissimum in infantibus esse sibi relinquenda, quod eos à gravioribus ærumnis hæc vindicent. Præstat, ut monet Mercurialis (a), ejusmodi morbos ab ovo perimere (præmissis pro re natâ catharticis, medicaminibus internis & severo vitæ regimine): Secus in molestissimam tineam & ulcera artis aut vitæ viribus indomabilia degenerant; vel circa pubertatem sanati gravissimis viscerum abdominis & pectoris, capitis imprimis, ægritudinibus ansam præbent vel in posterum suppeditabunt.

DCXII. His topicis curatus resurgat esthiomenus [§. 610.], frustra eadem arte rursùm tentaretur, quoniam cutis vasculorum & glandularum infarctus solis discutientibus eradicari nequeunt; frustra sublimato corrosivo vel hydrargyrosis illiniretur herpes; frustra balnea, fots &c. ad usum vocarentur. Sola curationem excisis capillis absolvere solent vesicantia esthiomeno applicata.

DCXIII. Cum tineam magis in altum expatiatur [§. 97.] scarificentur ulceris margines, abstergantur [§. 610], spongiâ & topicis [§. 603] exsiccantur.

DCXIV. Quidam, cum Emplastra fortiora &c. nihili profecere, utuntur pice navali, & farinâ quâ totam tineam obtegunt, humores ubertim attrahunt & caput exsiccant: ast ejusmodi remedium, licet cum successu tentari possit (b), maxime molestum est & aliundè pilorum radices avellit, qui postea sæpè resurgere nequeunt (c).

(a) Hier. Mercur. de morb. cutan. cap. X. pag. 44.

(b) Brouzet, *Educat. médecin. des Enfants*, Tom. II. Ch. II. §. 1.

(c) P. Pigray, *Chirur. Liv. VIII. Chap. XIV. pag. 612.*

DCXV. Præstat in his circumstantiis, præcipue cum in latum, altumvè serpit tinea, & ad ossa extenditur, scarificare tumidas margines; putrefactas abstergere, spongiâ siccare; ferro candenti adurere; immisso linteo carpto ad cicatricem ducere.

DCXVI. Hoc modo siccari possunt ulcera ca-coethica [§. 97.] quæ in aliis corporis partibus sita sunt; & vitantur incommoda causticis potentia-libus inferenda. 1°. enim unguenta acribus impræ-gnata sæpè putredinem adaugent: 2°. alumen, vitriolum, spiritus nitri, sal vitrioli vel sulphuris molestum sæpè dolorem inferunt; ichorem herpe-ticum & humores cogunt, & sanas partes vel & infarctas, nec dum vitâ orbatas putrefaciunt; aliundè ossibus non parùm nocent: 3°. mer-curius, arsenicum & metalla acidis præparata totum corpus non rarò succutiunt: 4°. alkalia quælibet acriora vehementius arrodunt, irritant, putredinem adaugent: 5°. horum omnium ægrè, ignis effectus ac vires facile moderari possunt.

DCXVII. Cum ægri actualia cauteria abhorrent; ulcera Ægyptiaco tractanda sunt; putrilaginosa caro superstes præcipitato rubro destruenda; & ulcus more solito ad cicatricem ducendum.

DCXVIII. Notandum tamen estiomenos qui circum articulos insident, sibi relinquendos esse; ac tantummodò suis sordibus tum interno tum externo regimine expugnandos; herpes vene-reos suis specificis abigendos; ulcera narium cum ossium ut potè minùs robustorum carie, cauteriis actualibus non rarò exasperari, &c.

DCXIX. Herpetes, qui canceri naturam redo-lent, quique trans telam subcutaneam non expa-tiantur, scalpello rescindantur, vel in circulum ap-

plicatis causticis lapidibus auferantur ; & idoneis medicaminibus [§. 487.] ad cicatricem ducantur.

DCXX. Cum cutacei sunt & illæsa corporis penetralia ; oleo antimonii absumatur ulcus , solani vel hyosyami succo abluatur ; more solito siccetur.

DCXXI. Ubi verò malignior est [§. 308.] , in carnes & ossa ipsa expatiatur , & obstructa sunt viscera , intactus maneat esthiomenus ; narcoticis obtundantur dolores ; & mali funesti effectus se-vero vitæ regimine coerceantur.

DCXXII. Varias cautelas herpetibus qui pertinaciter in cute hærent , vel descriptis medicaminibus non cedunt , abigendis idoneas hic omit-timus , cum in curatione generali traditæ fuerint.

DCXXIII. Qui esthiomeni cum scrophulis , lue venereâ , scorbuto , rhumatismo , arthritide , &c. coincidunt , curentur medicaminibus huic vel illi morbo magis idoneis quæ fusè docuerunt Lind. Sydenhamus , Swietenius , &c.

DCXXIV. In morbis ex retropulso herpete sca-turientibus , vel ichor in corporis penetralia va-gatur , vel jam in visceribus decumbit... cita sit medela , nam utrobiquè periculum in morâ.

DCXXV. In priori casu vires erigantur cardiacis , sudificis levioribus , balneis , fotibus , fumigationibus laxetur cutis ; cucurbitulis ad affectam partem evo-centur ichores ; scarificatione subducantur ; caute-riis , vesicantibus actuosioribus [§. 501.] divertatur è præcordiis humorum colluvies ; causis herpetum retropulsionis [§. 191. 192. 193. 194.] opponantur obices . vires scrupulosè sustententur : interim ità dirigantur medicamina , ut in viscus læsum poten-tius & citius agere , ac ichorem ex corporis pene-tralibus revellere valeant.

DCXXVI. In posteriori, cum ichor traditâ methodo [§. 625.] non potuit revocari, funesti retropulsionis herpetum præpediantur effectus dietâ severâ, venæ sectione, enematis, catharticis, emeticis (hic imprimis valet kermes minerale), diureticis, nitratis, aperientibus, aromaticis, maximè kina cum camphorâ & nitro (quibus exitiosi spuriarum inflammationum exitus his in circumstantiis feliciter præcaventur); enulâ à practicis adeò celebratâ cura perficiatur.

SECTIO ULTIMA.

De Methodo sibi relictos herpes reprimendi.

DCXXVI. **C**UM herpes tractari renunt [§. 332.]; tractati Medicorum operas eludunt; vel curati resurgunt: superest, 1^o. ut aperientibus, diureticis vel catharticis identidem expurgentur corpora; 2^o. cibis blandis & potu convenienti sustententur; 3^o. cauteriis minuatur ichoris ad ulcus herpeticum corrivantis affluxus; 4^o. ab aëris injuriis vindicentur herpes; 5^o. munda servantur die quâlibet ulcera & suis sordibus expurgentur; 6^o. vitentur omnes causæ quæ huic vel illi herpeti magis occasionem dederunt; &c. quæ omnia ex dictis facile possunt erui.

ERRATA.

- P** Ag. 7. lin. 2. aufam, *lege* ansam
pag. 15. lin. 18. quàm, *lege* quam
eadem pag. lin. 21. etsi, *lege* & si
pag. 17. lin. 8. foetido, *lege* fetido
pag. 18. lin. 2. foetor, *lege* fetor
pag. 20. lin. 16. obtegitur, &, *lege* & obtegitur
pag. 23. lin. 19. 20. epynitidum, *lege* epynictidum
pag. 26. lin. 18. cun, *lege* cum
pag. 30. lin. 6. nt, *lege* ut
eâd. pag. lin. 33. fædus, *lege* foedus
pag. 31. lin. 28. accrimoniâ, *lege* acrimoniâ
pag. 34. lin. 11. faminis, *lege* foeminis
eâd. pag. lin. 18. quò, *lege* quo
pag. 36. lin. 6. cephalagiam, *lege* cephalalgiam
eâd. pag. lin. 25. sobolovêrunt, *lege* sobolevêrunt
pag. 37. lin. 18. quod, *lege* quot
pag. 38. lin. 2. ydiosyncraria, *lege* ydiosyncrasia
pag. 39. lin. 8. herpeticorum, *lege* herpeticorum
pag. 42. lin. 8. actitatem, *lege* acritatem
pag. 45. lin. 6. foetum, *lege* fetum
pag. 53. not. a pituitû, *lege* pituita
pag. 58. lin. 5. narium, mutilationes, *lege* narium
mutilationes
pag. 60. lin. 2, novaculorum viru tinctorum, *lege*
novacularum viru tinctarum
pag. 66. lin. 30. discrimnis, *lege* discriminis
pag. 67. lin. 3. nonnonquàm, *lege* nonnunquam
pag. 68. lin. 29 pægressâ, *lege* prægressâ
pag. 74. lin. 14. iu, *lege* in
pag. 80. lin. 10. foetui, *lege* fetui

- pag. 84. lin. 19. *sernm*, *lege serum*
pag. 90. lin. 33. *vitæ regimine*, *lege absque vitæ regimine*
pag. 93. lin. 18. *servatur*, *lege servetur*
pag. 102. lin. 28. *transmisiit*, *lege transmisit*
pag. 104. not. a. *Skeukium*, *lege Skenkium*
pag. 108. not. d. *Alpius*, *lege Alpinus*
pag. 114. lin. 16. *sangninem*, *lege sanguinem*
pag. 115. lin. 21. *mercuralium*, *lege mercurialium*
pag. 116. lin. 22. *ponatur nota (d) & ibid*, lin. 24 *nota littera c. legatur littera (e)*
pag. 118. lin. 27. *chamæmeleum*, *lege chamemelum*
pag. 120. lin. 11. *confluentium*, *lege confluentem*
pag. 122. lin. 19. not. (g) *deleatur*, *ceteræ ordine alphabetico legantur*
pag. 127. not. (b) *Walzchutidius*, *lege Walschmidtus*
pag. 137. lin. 14. *mutarur*, *lege mutatur*
pag. 138. lin. 23. *quâlibe*, *lege quâlibet*

Q

I

50





